

册府元龜

巡按福建監察御史臣李嗣京 訂正

分守建南道左布政使臣胡維霖 叅閱

知建陽縣事新臣黃國琦較釋

宗室部

領鎮第四

後魏南安惠王禎景穆帝子孝文即位除涼州鎮都
大將尋以綏撫有能加都督西戎諸軍事征西大將
軍領護西城校尉儀同三司涼州刺史徵為都督大
官出為使持節侍中本軍開府長安鎮都大將雍州

刺史後以罪削除封爵以庶子歸第孝文南伐禎從至維及議遷都禎首從大計帝以禎既定遷都復封爵出爲鎮北大將軍湘州刺史

禎子獻武王英孝文時爲平北將軍武州鎮都大將假魏公未幾遷都督梁益寧三州諸軍事安南將領護西戎校尉仇池鎮都大將梁州刺史尋鎮荊州

英子文莊王熙自光祿勳除平西將軍東秦州刺史進號安西將軍尋以本將軍授湘州刺史

熙弟誘自衛尉少卿出爲右將軍南秦州刺史

英孫魯郡王肅莊帝初除散騎嘗侍出爲後將軍廣

州刺史後除衛將軍肆州刺史

城陽康王長壽景穆帝子自征西大將軍外都大官出爲沃野鎮都大將在鎮甚有威名

長壽子懷王鸞孝文時自外都大官出爲持節者督河西諸軍事征西大將軍領護西戎校尉涼州鎮都大將改鎮立州以鸞爲涼州刺史姑藏鎮都大將後除使持節征南大將軍都督豫荆郢三州河內山陽東郡諸軍事又除冠軍將軍河內太守輔并州刺史宣武初除平東將軍青州刺史轉安北將軍定州刺

史

鸞子文獻王徽孝明時除右將軍涼州刺史徽以經途阻遠固請不行除散騎嘗侍其年除後將軍并州刺史加安北將軍拜安西將軍秦州刺史詔書且至夕發徽以府之秦部請詣關恭授仍表啓固陳請不之職莊帝踐祚拜司州牧

徽弟顯恭爲荊州刺史莊帝既殺爾朱榮乃除顯恭使持節都督晉建南汾三州諸軍事鎮西將軍兼尚書左僕射西北道行臺晉州刺史

安定靖王休景穆帝子孝文初庫莫奚寇邊以休爲使持節侍中都督諸軍事征東大將軍領護東夷校

尉儀同三司和龍鎮將休撫防有方賊乃款附入爲外都大官蠕蠕犯塞出爲使持節征北大將軍撫冥鎮大將

休子燮宣武初襲拜大中大夫除征虜將軍峯州刺史後爲幽州刺史

燮弟末平爲征虜將軍南州刺史

末平弟東萊王貴平莊帝時除平北將軍南湘州刺史廢帝時以本任官行青州事還除車騎將軍加散騎嘗侍出爲青州刺史

章武王彬景穆帝孫繼章武敬王後出爲使持節都

督東秦幽夏三州諸軍事鎮西大將軍西戎校尉統
萬鎮大將朔州刺史是時吐京胡反詔彬持節假比
平將軍行汾州事率并泗之衆往討之胡平仍除征
虜將軍汾州刺史

彬子融爲征虜將軍別將南討大摧梁衆于時楊州
刺史元嵩爲奴所害勅融行楊州事尋除假節征虜
將軍并州刺史又爲宗正卿以本官行瀛州事遇疾
不行未幾除散騎嘗侍東平將軍青州刺史還爲秘
書監遷撫軍將軍領河南尹

融弟東安王暹莊帝時除持節安東將軍兗州刺史

轉濟州刺史

樂陵密王思譽景穆帝孫繼樂陵康王胡兒後孝文
時爲征北大將軍北征大都將後除使持節本將軍
領護匈奴較尉中都督中軍都將出爲使持節鎮東
大將軍和龍鎮都大將營州刺史領護東夷較尉
思譽子惠王景畧宣武時襲封拜驍騎將軍除持節
冠軍將軍幽州刺史

景畧弟洪略爲中軍將軍行東雍州刺史

陽平莊王頤景穆帝孫自懷朔鎮大將除朔州刺史

景明六年薨於青州刺史

頤弟廣陵康侯衍爲梁州刺史轉徐州刺史卒於雍州刺史衍弟欽爲司州牧

濟陰王鬱景穆帝孫位開府爲徐州刺史

鬱弟之子靜王誕累遷濟州刺史

鬱弟麗字實掌宣武時拜雍州刺史遷冀州刺史

汝陰威王逞景穆帝孫卒於齊州刺史

逞子慶和爲東豫州刺史

逞弟洸自元士稍遷營州刺史

洸弟脩義自元士爲齊州刺史又遷秦州雍州刺史

廣平文貞王康景穆帝孫繼廣平殤王維侯後宣武

親政除雒州刺史遷鎮州刺史後爲光祿大夫兼宗

正卿出爲兖州刺史又除平州刺史徙青州刺史尋

爲關右都督兼尚書行臺

安樂王長樂文成第二子獻文承明元年以大尉出

爲定州刺史

長樂子詮襲爵宣武初爲涼州刺史後除定州刺史

詮子鑒襲爵後除湘州刺史

齊郡王子琛繼河間王若後宣武時拜定州刺史孝

明時爲都官尚書出爲秦州刺史

安豐王猛文成第六子孝文太和中加侍中出爲鎮

都大將營州刺史

猛子延明襲爵孝明時爲豫州刺史遷都督徐州刺史

咸陽王禧獻文第二子孝文太和中自侍中驃騎大將軍中都大官出爲使持節開府冀州刺史孝文餞於南郊後禧朝京師將還州孝文親餞之賦詩叙意加禧都督冀相充東兗南豫東荆六州諸軍事有司奏冀州人蘇僧瓘等三千人稱禧清明有惠政請世胙冀州詔曰利建雖古未必今宜經野繇君理非下請邑采之封自有別式入除司州牧都督司豫荆郢

雒東荆六州諸軍事開府如故

趙郡王幹獻文第三子孝文太和中自車騎將軍左光祿大夫領吏部尚書拜使持節都督南豫郢東荆三州諸軍事征南大將軍開府豫州刺史及帝南伐以幹爲使持節車騎大將軍都督關右諸軍事給銅虎符十別賜詩書尋除都督冀定瀛三州諸軍事征東大將軍冀州刺史開府如故後轉特進司州牧幹子謐自大子中庶子出爲冠軍將軍岐州刺史以罪罷州還除大司農卿又除散騎嘗侍平北將軍幽州刺史

謚兄諶累遷役將軍泗州刺史固辭不拜後爲黃門
侍郎進號安國將軍光祿大夫出爲散騎嘗侍中軍
將軍湘州刺史

諶弟譚自羽林監出爲高陽太守爲政嚴斷孝明初
入爲直閣將軍遷光祿少卿行南兗州事除征虜將
軍涇州刺史又爲安西將軍秦州刺史

廣陵王羽獻文第五子孝文遷都之後北蕃入夷多
有未悟羽鎮撫代京內外肅然及車駕南伐羽進號
衛將軍除使持節都督青齊光南青四州諸軍事征
東大將軍開府青州刺史孝明即位遷司州牧

羽子欣孝明時自通直散騎嘗侍北中郎將出爲冠
軍將軍荊州刺史轉征虜將軍齊州刺史欣在二州
頗得人和出帝時加大師開府襲封廣陵太傅司州
牧

高陽王雍獻文子孝文太和中自散騎嘗侍除使持
節鎮北將軍湘州刺史嘗侍如故宣武初遷使持節
都督冀湘瀛三州諸軍事征北大將軍開府冀州刺
史雍在二州微有聲稱又拜驃騎大將軍司州牧
雍子端自散騎嘗侍出爲安東將軍青州刺史時梁
武遣將寇逼徐楊除端撫軍將軍金紫光祿大夫使

持節東南道大使處分軍機事平拜鎮軍將軍兗州刺史

端弟誕孝靜初拜侍中車騎大將軍儀同三司司州牧

北海王詳獻文子孝文太和中累加侍中秘書監趙群王幹薨以詳行司州牧

詳子顥自都官尚書出除散騎嘗侍撫軍將軍徐州刺史尋爲御史彈奏除名其後賊帥宿散明達叱于騏驎等寇亂幽華諸州乃復顥王爵以本將軍加使持節假征西將軍都督華幽東秦諸軍事兼左僕射

西道行臺以功進號征西將軍爲侍中驃騎大將軍開府儀同三司相州刺史顥弟瑒自黃門侍郎出除平北將軍相州刺史

彭城王勰獻文子孝文太和中從征沔北除使持節都督南征諸軍事中軍大將軍開府孝明時爲使持節侍中都督冀定幽瀛營安平七州諸軍事驃騎大將軍開府定州刺史又以本官領揚州刺史

勰子劼起家宗正少卿除使持節假散騎嘗侍平東將軍青州刺史

劼子韶襲爵武定末爲司州牧

劭兄子直累遷給事黃門侍郎出為冠軍將軍梁州刺史

京兆王愉孝文子大和末拜都督徐州刺史宣武初

為護軍將軍遷中書監出為冀州刺史

北齊平秦王歸彥神武族子武成時為司徒威權振

主乃拜太宰冀州刺史

任城王潛神武子武平初遷大師司州牧出為冀州

刺史加太宰遷右丞相都督青州刺史

隋義城公處綱高祖族父開皇中以右領軍將軍出

拜蒲州刺史吏民悅之進位大將軍遷秦州總管

滕穆王瓚高祖母弟開皇初拜雍州牧

瓚子倫開皇初拜邵州刺史

衛昭王爽高祖異母弟開皇中拜雍州牧累遷左領

軍大將軍權領并州總管轉梁州總管所治甚有聲

河間王弘高祖從祖弟開皇初自右衛大將軍出拜

寧州總管後數載還京未幾拜蒲州刺史得以便宜

從事每晉王入朝弘輒領揚州總管晉王歸藩復還

蒲州在官十餘年風教大治

弘子嗣郇王慶累遷榮陽郡太守頗有治績

泰孝王俊高祖第三子開皇二年拜柱國河南道行

臺尚書令雒州刺史三年遷秦州總管隴州諸州盡隸焉平陳之後揚州總管一十四州諸軍事頗有令聞高祖聞而大悅降璽書獎勵焉

荀王秀高祖第四子開皇元年拜益州刺史總管二十四州諸軍事十二年入爲內史令右領軍大將軍尋復出鎮於蜀

漢王諒高祖第五子開皇十二年爲雍州牧累加左衛大將軍十七年出爲并州總管帝幸溫湯而送之自山以東至於滄海南抵黃河五十二州盡隸焉特許以便宜不拘律令

蔡王智積高祖弟整之子開皇初襲王爵加開府儀同三司授同州刺史儀衛資送甚盛二十年徵還大業七年授弘農太守觀德王雄高祖族子大業中簡較鄭州刺史歲餘授懷州刺史尋拜京兆尹

唐永安王孝基高祖從父弟武德初拜陝州總管

廬江王瑗高祖從父兄子武德元年拜信州總管九年累遷幽州大都督

襄邑王神符高祖從父弟武德四年累遷并州總管九年遷揚州大都督

魏郡公文暕神符少子也歷幽州都督

膠東公道彥高祖從父弟神通之子武德中授隴州刺史貞觀初轉湘州都督後遷岷州都督

吳國公孝逸道彥之弟高宗末為益州大都督府長史光宅初為左王鈐衛大將軍揚州行軍大總管

郇國公孝協高祖從父弟叔良之子貞觀中累遷魏州刺史

孝斌孝協弟官至原州都督府長史

襄武王琛高祖從父兄安之子武德中歷蒲絳二州總管及宋金剛陷滄州時稽胡多叛轉琛為隰州總管以鎮之

河間王孝恭琛之弟也武德二年授信州總管三年以平蕭銑功遷荊州大總管又以平輔公祐功拜揚州大都督貞觀初除觀州刺史與長孫無忌等代襲刺史

孝恭弟齊北郡公瑛武德中為始州刺史

瑛弟漢陽公環武德中代孝恭為荊州都督貞觀四年拜宜州刺史

譙國公崇義孝恭子也歷蒲同二州刺史益州大都府長史甚有威名

崇義弟晦乾封中累除營州都督以善政聞

淮陽王道玄高祖從父兄子也武德中從太宗討王世充東都平拜雒州總管及府廢改授雒州刺史武都郡王道明道玄之弟也卒於鄆州刺史

江夏王道宗道玄從父弟也武德五年授靈州總管貞觀元年徵拜鴻臚卿大將經畧突厥入拜靈州都督十二年坐賊免十三年起為茂州都督未行轉晉

州刺史

盧國公子景嘗道宗子官至湘州刺史

渤海王奉慈高祖兄子高宗顯慶中累遷原州都督巢王元吉高祖子武德元年授并州總管并州為劉

武周所陷元吉拜稷州刺史六年加隰州總管

荆王元景高祖第六子武德八年授安州都督貞觀

初遷雍州牧十年授荊州都督久之轉廊州刺史

漢王元昌高祖第七子也貞觀五年授華州刺史轉

梁州刺史

鄂王元亨高祖第八子也貞觀二年拜金州刺史

徐王元禮高祖第十子也貞觀六年授鄭州刺史遷

徐州都督十七年轉絳州刺史永徽四年加司徒兼

潞州刺史

韓王元嘉高祖第十一子也貞觀六年授潞州刺史

十年加本州都督高宗末轉澤州刺史太后臨朝授
定州刺史

武陵郡王誼元嘉之次子也官至濮州刺史

彭王元則高祖第十二子也貞觀七年授豫州刺史

十年除遂州都督十七年拜禮州刺史

鄭王元懿高祖第十三子也貞觀七年授兗州刺史

歷鄭洛絳三州刺史

嗣鄭王敬元懿之子也官至鄂州刺史

霍王元軌高祖第十四子也貞觀元年拜壽州刺史

十年授絳州刺史尋轉徐州刺史二十三年為定州

刺史垂拱初自司徒出為湘州刺史轉青州刺史子

緒為金州刺中

號王鳳高祖第十五子也貞觀七年授鄧州刺史

號豫青三州刺史

平陽郡王翼鳳之長子也官至光州刺史

定襄郡公宏鳳第三子也則天初為曹州刺史

東莞郡公融鳳第五子也垂拱初為申州刺史

道王元慶高祖第十六子也貞觀九年拜趙州刺史

十年授豫州刺史未幾四年歷滑徐沁衛四州刺史

臨淮王誘元慶之子也為澧州刺史

十年加本州都督高宗末轉澤州刺史太后臨朝授定州刺史

武陵郡王誼元嘉之次子也官至濮州刺史

彭王元則高祖第十二子也貞觀七年授豫州刺史

十年除遂州都督十七年拜禮州刺史

鄭王元懿高祖第十三子也貞觀七年授兗州刺史

歷鄭潞絳三州刺史

嗣鄭王敬元懿之子也官至鄂州刺史

霍王元軌高祖第十四子也貞觀元年拜壽州刺史

十年授鋒州刺史尋轉徐州刺史二十三年為定州

刺史垂拱初自司徒出為湘州刺史轉青州刺史子

緒為金州刺中

號王鳳高祖第十五子也貞觀七年授鄧州刺史歷

號豫青三州刺史

平陽郡王翼鳳之長子也官至光州刺史

定襄郡公宏鳳第三子也則天初為曹州刺史

東莞郡公融鳳第五子也垂拱初為申州刺史

道王元慶高祖第十六子也貞觀九年拜趙州刺史

十年授豫州刺史末徽四年歷滑徐沁衛四州刺史

臨淮王誘元慶之子也為澧州刺史

誘弟詢為壽州刺史

鄧王元裕高祖第十七子也貞觀中歷鄧梁黃三州

刺史高宗時又歷壽襄二州刺史兗州都督

舒王元名高祖第十八子貞觀十一年拜壽州刺史

後歷許滑宋三州轉石州刺史在州二十年垂拱年

除青州又除鄭州轉滑州刺史

豫章王亶元名子也為江州刺史

魯王靈夔高祖第十九子貞觀十年授幽州都督十

四年授兗州都督永徽六年轉隆州刺史後歷襄絳

滑定等州刺史垂拱元年授邢州刺史

嗣魯王道堅靈夔孫也歷果龍吉巽洛汾滄等七州

刺史開元二十二年簡較魏州刺史未行政汴州刺

史

江元王祥高祖第二十子也貞觀十一年授蘇州刺

史高宗時歷金鄜鄭三州刺史

永嘉王暉元祥之子永隆中為復州刺史

密王元曉高祖第二十一子也貞觀九年授虢州刺

史二十三年轉潞州刺史永徽中歷宣徐二州刺史

滕王元嬰高祖第二十二子也貞觀十五年授金州

刺史永徽中遷蘇州刺史尋轉洪州都督歷壽隆二

州刺史梁州都督

吳王恪太宗子武德二年授益州大都督以年幼不
之官貞觀十二年授安州都督高宗即位拜梁州都
督

成王千里恪長子也初名仁永昌元年授襄州刺史
後改名千里歷唐廬許衛蒲五州刺史神龍初拜左
金吾大將軍兼領益州大都督領廣州大都督五府
經略安撫大使

張掖郡王琨仁之弟也則天朝歷淄衛宋鄭梁幽六
州刺史

信安郡王禘琨之子也景雲元年爲德蔡衛等州刺
史開元後轉蜀漢等州刺史丁母憂起復授瀛州刺
史十五年服除授朔方節度副大使知節度事尋遷
節度使坐事出爲衢州刺史歷滑懷二州刺史
嗣吳王祗棉之弟也天寶末爲陳留太守持節充河
南道節度採訪使

濮王泰太宗第四子也貞觀二年授揚州大都督七
年轉鄜州大都督並不之官除雍州牧十年遷領湘
州都督

齊王祐太宗第五子貞觀初授幽州都督遷齊州都

督

蜀王愔太宗第六子貞觀七年授襄州刺史十年轉益州都督十三年除岐州刺史

將王暉太宗第七子貞觀八年授洛州刺史十年拜安州都督永徽三年除梁州都督後歷遂湘二州刺

史

越王貞太宗第八子貞觀七年授徐州都督十年除揚州都督十七年轉相州刺史永徽四年授安州都

督咸亨中復轉相州刺史則天臨朝除蔡州刺史

琅邪王冲貞長子也歷密濟博三州刺史

紀王慎太宗第十子貞觀七年授秦州都督十七年

遷襄州刺史永徽元年拜左衛將軍二年授荊州都

督累除邢州刺史文明元年轉貞州刺史

嗣紀王澄慎少子也歷德瀛冀三州刺史

趙王福太宗第十三子貞觀十八年授秦州都督二

十三年累除梁州都督

曹王明太宗第十四子也顯慶中授梁州都督後歷

號蔡蘇三州刺史

燕王忠高宗長子永徽元年拜雍州牧顯慶元年廢

忠為梁王授梁州都督其年轉房州刺史

原王孝高宗第二子也未徽三年拜并州都督顯慶三年累除遂州刺史

澤王上金高宗第三子也未徽三年遥授益州大都督乾封元年累轉壽州刺史有罪免削至未隆二年二月爲沔州刺史文明元年爲蘇州刺史垂拱元年改陳州刺史永昌元年爲遂州刺史

許王素節高宗第四子未徽中自雍州牧轉岐州刺史被讒出爲申州刺史未隆元年轉岳州刺史累除舒州刺史

邠王守禮章懷太子次子也睿宗景雲二年帶光祿卿兼幽州刺史轉左金吾衛大將軍遥領單于大都護開元初歷虢隴襄晉滑等六州刺史

漢中王瑀讓皇帝之次子也玄宗幸蜀加漢中郡太守

棟王琰玄宗第四子也開元十五年遥領太原牧太原已北諸軍節度大使天寶元年六月遥領兼武威郡都督河西隴右經略節度大使

鄂王瑤玄宗第五子也開元十二年遥領幽州都督河北道節度大使

光王琚玄宗第八子也開元十二年遥領廣州都督

五府經略大使

儀王璿玄宗第十二子也開元十五年授河南牧

穎王璵玄宗第十三子也開元十五年遙領安東都

護平盧軍節度大使安祿山叛除蜀郡都督劔南節

度大使

永王璘玄宗第六子也開元十五年遙領荊州大柳

督天寶十五載六月玄宗幸蜀至漢中郡下詔以璘

爲山南東路及領南黔中江南西路四道節度採訪

等使江陵大都督

壽王瑁玄宗第十八子也開元十五年遙領益州大

都督劔南節度大使

延王汾玄宗第二子也開元十五年遙領安西大

都護磧西節度大使

盛王琦玄宗第二十一子也開元十五年遙領揚州

大都督及玄宗幸蜀在路除琦爲廣陵大都督仍領

江南東路及淮南河南等路節度支度採訪等都使

豐王珙玄宗第二十六子也玄宗幸蜀至扶風郡授

珙武威郡都督仍領河西隴右安西北庭等路節度

採訪都使珙竟不行

彭王儉肅宗第五子也至德三年除瑾充河東節度

大使

堯王儁肅宗第六子也乾元三年領河北節度大使
涇王佺肅宗第七子也乾元三年領隴右節度大使
睦王述代宗第三子大歷十年二月詔允領南節度
使營田五府經略觀察處置等大使

丹王逾代宗第五子大歷十年二月詔嶺渭北鄜坊
節度大使

韓王迴代宗第七子大歷十二年二月除汴宋等節
度觀察處置等大使

廊王造代宗第十三子大歷十二年二月除昭義軍

節度觀察處置等大使

舒王誼代宗第三子昭清太子邈之子也建中元年
領四鎮北庭行軍涇節度大使三年詔爲揚州大都
督持節涇襄江西沔鄂等道節度兼諸軍行營兵馬
元帥

通王諶德宗第三子貞元九年十月領宣武軍節度
大使汴宋等州觀察度支營田等使王不出閣十一
年爲河東節度大使亦不出閣

虔王諒德宗第四子貞元二年領蔡州節度大使申
光蔡觀察等使十年領朔方靈塩節度大使靈州大

都督十一年十月以諒領橫海節度大使滄景觀察
等使王不出閣十六年以諒領徐州節度大使徐濠
觀察處置等使

建王恪本名審憲宗第七子也元和元年八月授開
府儀同三司鄆州大都督充平盧軍淄青等州節度
營田觀察處置陸運海軍押新羅渤海兩蕃等使
梁柳五友裕太祖長子也唐昭宗景福中太祖令權
知許州乾寧二年加簡較司空尋爲武寧軍節度留
後四年太祖下東平改天平留後加簡較司徒光啓
元年再領許州天復初爲奉國軍節度留後太祖無

鎮河中以友裕爲護國軍節度留後尋遷華州節度
使加簡較太保興德尹

廣王金昱太祖長兄也庶人篡位授宋州節度使

惠王友能全昱第二子也未帝時鎮陳州

邵王友誨全昱第三子也未帝時鎮陝州

後唐睦王存父莊宗異母弟也同光中歷鄜州節度
使

魏王繼岌莊宗子也莊宗即位於魏州以繼岌充北
都留守及以鎮州爲北都又命爲留守

秦王從榮明宗第二子也明宗踐祚天成初授鄴都

留守天雄軍節度使三年移北京留守充河東節度使四年入為河南尹

末帝長子重吉閔帝嗣位出為亳州團練使

晉高祖幼子重睿開運二年領秦州二年春移領許

州

廣王敬威之弟贇高祖從父弟也帝即位遙領忠州

刺史天福中歷曹州防禦使河陽節度使開運二年

九月出鎮鄧州

韓王暉高祖從弟也天福二年遙授濠州刺史遷曹

州防禦使

漢高祖建號晉陽以弟崇為特進簡較太尉行太原

尹漢祖將南幸以崇為北京留守尋加同平章事

蔡王信高祖之從弟也國初為侍衛馬軍都指揮使

兼義成軍節度使尋移鎮許州

冊府元龜卷終

冊府元龜 宗室部

卷之二百八十一

冊府元龜

巡按福建監察御史臣李嗣京 訂正

知長樂縣事 臣夏允彝參閱

知建陽縣事 臣黃國琦較釋

宗室部

承襲

傳有世及之訓詩著似續之義自成周列爵大封同
姓傳祚撫封與國升降者有之矣其事見於春秋傳
及太史公世家銓次所屬本乎列國秦并天下子弟
為匹夫漢矯其失廣樹藩戚或象賢濟美聯輝奕葉

或推恩繼絕纂緒傳世魏晉而下何莫繇斯蓋所以
隆親親以興仁資繩繩而流詠使其枝葉扶疎以大
庇本根犬牙相錯以夾輔王室者也

漢燕王澤高祖從昆弟也孝文二年薨謚曰敬王子
康王嘉嗣九年薨子定國嗣定國有罪自殺國除哀
帝時繼絕世乃封敬王澤玄孫之孫無終公士歸生

為營陵侯無終其所屬縣也公士第一爵歸生名也

楚元王交高祖同父少弟立二十三年薨太子辟非
先卒辟非者猶辟邪兵之類也先卒者元王未薨之時已卒也文帝乃以宗正上

邳侯邳客邳客元王次子是為夷王邳客立四年薨子戊

嗣二十一年戊反誅景帝立宗正平陸侯禮為楚王

禮元王子奉元王後是為文王四年薨子安道嗣二十二

年薨子襄王汴嗣十四年薨子節王純嗣十六年薨

子延壽嗣

休侯富楚元王子封六年薨子懷侯登嗣一年薨子

敬侯嘉嗣二十四年薨子哀侯章嗣

沈猷夷侯歲楚元王子封二十年子受嗣

棘樂敬侯調楚元王子封十六年薨子恭侯應嗣十

五年薨子慶嗣

浮丘節侯不害楚安王子封十一年薨子霸嗣

城陽侯德楚元王曾孫昭帝時為宗正地節中以親
 親行謹封為陽城侯立十一年子向坐鑄偽黃金當
 伏法德上書訟罪會薨大鴻臚奏德訟子罪失大臣
 體不宜賜謚置嗣制曰賜謚繆侯為制嗣傳至孫慶
 忌復為宗正太嘗薨子岑嗣為諸曹中郎將列較尉
 至太嘗薨傳子至王莽敗乃絕
 趙幽王友高祖諸姬所生也高后時幽死及孝文即
 位立幽王子遂為趙王
 河間文王辟疆趙幽王子孝文二年立十三年薨子
 哀王福嗣

齊悼惠王肥高祖微時外婦所生也立十三年薨子
 大襄嗣是為哀王十一年薨子文王則嗣十四年薨
 無子國除孝文十六年乃分齊為六國盡立前所封
 悼惠王子列侯見在者為王以楊虛侯將閭為齊王
 安都侯志為濟北王武成侯賢為淄川王白石侯雄
 渠為膠東王平昌侯卬為膠西王勃侯辟光為濟南
 王孝景三年吳楚反齊王狐疑城守不聽反間漢以
 齊初與三國有謀欲移兵伐齊齊孝王懼飲藥自殺
 而膠東膠西濟南淄川王皆伏誅國除獨濟北王在
 齊孝王之自殺也景帝聞之以為齊首善
言其初首無逆亂之

心以迫劫有謀非其罪也召立孝王太子壽是為懿王二十三年薨子厲王次昌嗣

管共侯罷軍齊悼惠王子封二年薨子戎奴嗣

氏共丘侯寧國齊悼惠王子封十一年薨子偃嗣

管平侯信都齊悼惠王子封十年薨子廣嗣

楊兵共侯安齊悼惠王子封十二年薨子偃嗣

博陽頃侯就齊孝王子就薨子終古嗣

被楊敬侯燕齊孝王子封十三年薨子棟侯偃二十

八年薨子頃侯壽嗣壽薨子孝侯定嗣定薨節侯嗣

嗣閔薨子廣嗣

定敷侯越齊孝王子封十三年薨子思侯德嗣二十

四年薨子憲侯福嗣福薨子共侯湯嗣湯薨子定侯

乘嗣

稻夷侯定齊孝王子定薨子簡侯陽都嗣陽都薨子

戴侯咸嗣三十二年薨子頃侯閔嗣薨子永嗣

山原侯國齊孝王子封二十七年薨子康侯棄嗣十

四年薨子安侯守嗣二十二年薨子發嗣發薨孝侯

外人嗣

繁安夷侯忠齊孝王子封十八年薨子安侯守嗣守

薨子節侯壽漢嗣壽漢薨子頃侯嘉嗣嘉薨孝侯光

冊元龜宗室部

冊元龜宗室部

冊元龜宗室部

嗣光薨子起嗣

柳康侯陽已齊孝王子陽已薨子敷侯罷師嗣罷師
薨子于侯自爲嗣自爲薨子安侯攜嗣攜薨子膠侯
軻嗣軻薨子守嗣

雲夷侯信齊孝王子封十四年薨子茂發嗣茂發薨
子康侯遂嗣遂薨子釐侯終古嗣終古薨子得之嗣
牟平共侯濞齊孝王子封五年薨子節侯奴嗣三十
一年薨子敬侯東生嗣二十年薨子康侯建嗣一年
薨子孝侯斲嗣斲薨子釐侯威嗣威薨子隆嗣

柴原侯代齊孝王子封三十四年薨子節侯勝之嗣

二十三年薨子敬侯賢嗣賢薨子恭侯莫如嗣

城陽景王章齊悼惠王子孝文二年立二年薨子共
王喜嗣孝文十二年徙王淮南五年復還王城陽凡
立三十四年薨子頃王延嗣二十六年薨子敬王義
嗣九年薨子惠王武嗣十年薨子荒王順嗣三十六
年薨子戴王恢嗣八年薨子孝王景嗣二十四年薨
子哀王雲嗣一年薨無子國絕成帝末始元年以雲
弟俚紹封

壁節侯壯城陽共王子封三年薨子明嗣

騶丘敬侯寬城陽共王子封六年薨子原侯報德嗣

報德薨子毋害嗣

南城節侯貞城陽共王子封三十二年薨子戴侯猛

嗣二十二年薨子元侯尊嗣二年薨子釐侯元國嗣

元國薨子頃侯遂嗣遂薨子友嗣

廣陵虓侯襄城陽共王子封七年薨子成嗣

虓葭康侯澤成陽頃王子封六十二年子夷侯舞嗣

舞薨子頃侯閣嗣閣薨孫末嗣

拔釐侯霸城陽頃王子封三十五年薨子夷侯戚嗣

二十一年薨子節侯賢嗣賢薨子頃侯思嗣思薨子

孝侯衆嗣

瓠節侯復息城陽頃王子封五十五年薨子質侯守

嗣

虛水康侯禹城陽頃王子奉封三十八年薨子息侯

爵嗣七年薨子敵嗣

菑川王志齊悼惠王子孝文十六年立為濟北王孝

成四年徙王菑川元朔中齊國絕悼惠王後唯有二

孤城陽菑川菑川地比齊

比近也

武帝為悼惠王家園

邑齊乃創臨菑東園悼惠王家園邑盡以予菑川令

王祭祀志立三十六年薨是為懿王子靖王建嗣二

十年薨子頃王遺嗣三十五年薨子思王終古嗣二

十八年薨子考王尚嗣五年薨子孝王橫嗣三十一年薨子懷王交嗣六年薨子未嗣

劇原侯錯菑川懿王子封十七年薨子孝侯廣昌嗣

廣昌薨子戴侯胥嗣胥薨子質侯吉嗣吉薨子節侯

囂嗣囂薨子勝容嗣

懷昌夷侯高遂菑川懿王子封二年薨子胡侯延年

嗣延年薨子節侯勝時嗣勝時薨子可置嗣

平望夷侯賞菑川懿王子封七年薨子原侯楚人嗣

二十四年薨子敬侯光嗣十四年薨子頃侯起嗣起

薨子孝侯均嗣均薨子旦嗣

臨衆敬侯始昌菑川懿王子封十一年薨子康侯幸

生嗣十八年薨子頃侯廣平嗣廣平薨子原侯農嗣

農薨子節侯理嗣理薨子釐侯賢嗣賢薨子商嗣

葛魁節侯寬菑川懿王子封八年薨子戚嗣

益都敬侯胡菑川懿王子胡薨子原侯廣嗣廣薨子

嘉嗣

平的戴侯強菑川懿王子封十七年薨子思侯忠時

嗣三十年薨子節侯福嗣十三年薨子頃侯鼻嗣鼻

薨子釐侯利親嗣利親薨子宣嗣

劇魁夷侯黑菑川懿王子封十七年薨子思侯招嗣

三年薨子康侯德嗣德薨子孝侯利親嗣利親薨子
釐侯嬰嗣嬰薨子向嗣

平度康侯行菑川懿王子封三十七年薨子節侯慶
忌嗣三年薨子質侯帥軍嗣帥軍薨子頃侯欽嗣欽
薨子孝侯宗嗣宗薨子嘉嗣

宜城康侯偃菑川懿王子封十一月薨子福嗣
臨朐夷侯奴菑川懿王子封四十一年薨子戴侯乘
嗣乘薨子節侯賞嗣賞薨子孝侯信嗣信薨子安侯

禘嗣禘薨子岑嗣

隆元侯何菑川靖王子何薨子原侯賈嗣賈薨子延

壽嗣

廣饒康侯國菑川靖王子封伍十年薨子共侯坊嗣
十四年薨子麟嗣

緝敬侯成菑川懿王子封三十四年薨子頃侯龍嗣
五十年薨子原侯融嗣融薨子閔嗣

俞閭煬侯毋害菑川靖王子封四十四年薨子原侯
况嗣十二年薨子隣嗣

淮南厲王長高帝少子孝文六年以謀反廢死八年
帝憐王有子四人年皆七八歲乃封子安為阜陵侯

子勃為安陽侯子賜為周陽侯子良為東城侯十六

年帝憐淮南王廢法不軌自使失國早夭乃立厲王
 三子王淮南故地三分之阜陵侯安為淮南王
 濟北貞王勃淮南厲王子孝文十六年封為衡山王
 孝景四年徙濟北一年薨子式王胡嗣五十四年薨
 子寬嗣
 陰安康侯不害濟北貞王子封十一年薨子哀侯秦
 客嗣

周望康侯何濟北貞王子封八年薨子當時嗣
 陪繆侯則濟北貞王子封十一年薨子邑嗣
 安陽侯樂樂濟北貞王子封三十年薨子棟侯延年

嗣十七年薨子康侯記嗣十五年薨子安侯戚嗣戚
 薨子哀侯得嗣

羽康侯成濟北夫王子封六十年薨子共侯係嗣係
 薨子棄嗣

德哀侯廣高帝兄子封七年薨子頃侯通嗣二十四
 年薨子康侯斲嗣二十四年薨子何嗣

梁孝王武文帝子立四十五年薨子共王賈嗣四十
 年薨子平王襄嗣襄立四十年薨子薨頃王無傷嗣

十一年薨子敬王定國嗣三十年薨子夷王遂嗣六
 年薨子荒王嘉嗣十五年薨子立嗣二十七年有罪

自殺國除後王莽白太皇太后立孝王玄孫之曾孫
沛郡卒史音為梁王奉孝王後

張梁哀侯仁梁共王子封十三年薨子順嗣

代孝王參文帝子立七年薨子共王登嗣二十九年

薨子義嗣元鼎中漢廣開以嘗山為阻依山以徒代

王於清河是為剛王并前在代九立四十年子頃王

湯嗣二十四年薨子年嗣年坐事立三年國除元始

二年親都侯王莽白太皇太后立年弟子如意為廣

宗王奉代王後

利昌康侯嘉代共王子封五十一年封子戴侯樂嗣

十二年薨子頃侯萬世嗣萬世薨子節侯光祿嗣光

祿薨子刺侯殷嗣殷薨子換嗣

河間獻王德景帝子二十七年薨子共王不周嗣四

年薨子剛王基嗣十二年薨子頃王緩嗣十七年薨

子孝王慶嗣四十二年薨子元嗣十七年坐殺國廢

建始元年正月立故河間王弟上郡庫令良為河間

王二十七年薨子尚嗣

距陽憲侯句河間獻王子封十四年薨子淩嗣

萋節侯退河間獻王子封十六年薨子嬰嗣二十二

年薨子釐侯益壽嗣二十九年薨子安侯克嗣三十

三年薨子遺嗣

阿武戴侯豫河間獻王子封二十四年薨子敬侯宣

嗣二十年薨子節侯侯嗣二十三年薨子釐侯嬰嗣

嬰薨子頃侯黃嗣黃薨子長久嗣

參戶節侯免河間獻王子封四十六年薨子敬侯嚴

嗣嚴薨子頃侯元嗣元薨子孝侯利親嗣利親薨子

度嗣

州鄉節侯禁河間獻王子封七年薨子思侯齊嗣齊

薨子憲侯惠嗣惠薨子釐侯商嗣商薨子共侯伯嗣

伯薨子禹嗣

魯共王餘景帝子立二十八年薨子安王光嗣四十

年薨子孝王慶忌嗣二十七年薨子頃王勁嗣二十

八年薨子文王俊嗣亡後建平三年六月以頃王子

部卿侯閔紹封

廣戚侯將節魯共王子將節薨子始嗣

公丘夷侯順魯共王子封三十年薨子康侯置嗣置

薨子煬侯延壽嗣九年薨子思侯賞嗣賞薨子元嗣

瑕丘節侯政魯共王子封五十三年薨子思侯國嗣

四年薨子孝侯湯嗣十六年薨子煬侯奉義嗣奉義

薨子釐侯遂成嗣遂成薨子禹嗣

江都易王非景帝子立二十九年薨子建嗣以罪國除絕百二十年平帝時王莽秉政興滅繼絕立建弟盱眙侯子官為廣陵王奉易王後

胡孰頃侯胥江都易王子封十六年薨子聖又嗣

趙敬肅王彭祖景帝子立六十三年薨子昌嗣初彭

祖取江都易王寵姬王建所姦淖姬者甚愛之生一

男號淖子彭祖以征和元年薨時淖姬兄為漢闕者

武帝召問淖子何如對曰為人多欲帝曰多欲不冝

君國子民間武始侯昌曰無咎無譽帝曰如是可矣

遣使者立昌是為頃王十九年薨子懷王尊嗣五年

薨無子絕二歲宣帝立尊弟高是為哀王數月薨子

兵王克嗣五十六年薨子隱嗣

平干頃王偃趙敬肅王小子立十四年薨子繆王元

嗣

尉文節侯丙趙敬肅王子封五日薨子侯犢嗣

封斯戴侯胡傷趙敬肅王子封二十五年薨子原侯

如意嗣三十二年薨子孝侯官嗣官薨子仁嗣

朝節侯義趙敬肅王子封十三年薨子戴侯祿嗣祿

薨子固城嗣

象氏節侯賀趙敬肅王子封十八年薨子思侯安意

嗣二十八年薨子康侯千秋嗣十六年薨子鄧嗣
芴安侯平趙敬肅王子封二十年薨子康侯種嗣種
薨子得嗣

柏暢戴侯終古趙敬肅王子終古薨子朱嗣

栗節侯樂趙敬肅王子封二十七年薨子煬侯忠嗣

忠薨子質侯終根嗣終根薨子况嗣

汶夷侯周舍趙敬肅王子周舍薨子節侯迺始嗣迺

始薨子哀侯勳嗣勳薨子文承嗣

猗節侯起趙敬肅王子封十三年薨子夷侯克國嗣

二十年薨子共侯廣明嗣廣明薨子釐侯固嗣固薨

子巨嗣

柳裴蕪侯道趙敬肅王子封十二年薨子哀侯尊嗣

尊薨子頃侯章嗣章薨子釐侯景嗣景薨子發嗣

中山靖王勝景帝子立四十三年薨子哀昌嗣一年

薨子康王昆後嗣二十一年薨子頃王輔嗣四年薨

子憲王福嗣十七年薨子懷王循嗣十五年薨無子

絕四十五歲成帝鴻嘉二年復立憲王弟孫利卿侯

子雲客是為廣得夷王二年薨無子絕十四歲哀帝

復立雲客弟廣漢為廣平王薨無後平帝元始二年

復立廣川惠王曾孫倫為廣德王奉靖王後

廣望節侯忠中山靖王子封四十年薨子頃侯中嗣
十三年薨子思侯何齊嗣何齊薨子共侯遂嗣遂薨
子閣嗣

臨樂敦古穆字侯光中山靖王子封二十年薨子憲侯

建嗣建薨子列侯固嗣固薨子節侯萬年嗣萬年薨

子廣都嗣

東野戴侯章中山靖王子章薨子中時嗣

乘丘節侯將夜中山靖王子封十一年薨子戴侯德

嗣德薨無子外人嗣

柳宿夷侯蓋中山靖王子封四年薨子蘇嗣

樊輿節侯脩中山靖王子封三十六年薨子煬侯焜

倫嗣過倫薨子思侯異衆嗣異衆薨子頃侯土生嗣

土生薨子自子嗣

安郭子侯傳富中山靖王子傳富薨子釐侯偃嗣偃

薨子崇嗣

長沙定王發景帝子立二十八年薨子戴王庸嗣二

十七年薨子頃王鮒嗣十七年薨子刺王建德嗣

三十四年薨子煬王旦嗣二年薨無子絕歲餘元帝

初元三年復立旦弟宗是為孝王五年薨子魯人嗣

三十八年薨子舜嗣

安城思侯蒼長沙定王子封十三年薨子節侯自當嗣自當薨子壽光嗣

夫夷敬侯義長沙定王子封十二年薨子節侯禹嗣五十八年薨子頃侯奉宗嗣奉宗薨子釐侯慶嗣慶薨子懷侯福嗣福薨子商嗣

春陵節侯買長沙定王子封四年薨子戴侯熊渠嗣五十六年薨子孝侯仁嗣仁薨子敞嗣

都渠敬侯定長沙定王子封八年薨子頃侯侯嗣侯薨子原侯順懷嗣順懷薨子煬侯容嗣容薨無子他人嗣

衆陵節侯賢長沙定王子封五十年薨子戴侯具定

嗣二十一年薨子頃侯慶嗣慶薨子胥嗣

安衆康侯月長沙定王子封三十年薨子節侯山柑

嗣三十九年薨子繆侯毋妨嗣毋妨薨子釐侯褒嗣

褒薨子歆嗣歆薨子崇嗣爲王莽所滅建武二年以

崇從父弟罷紹建武十三年子松嗣

廣川惠王越景帝子立十三年薨子繆王齊嗣四十

四年薨初齊坐誣告中尉有司劾大不敬請繫治齊

恐上書願與廣川勇士奮擊匈奴上許之未發病薨

有司奏請除國奏可後數月下詔曰廣川惠王於朕

為兄朕不忍絕其宗廟其以惠王孫去為廣川王去
 即繆王太子也二十三年以罪國除後四歲宣帝地
 節四年復立去兄文是為戴王文素正直數諫王去
 故帝立焉二年薨子海陽嗣甘露四年以罪國除後
 十五年平地元始二年復立戴王弟襄隄侯子齋為
 廣得王奉惠王後二年薨子赤嗣

膠東康王寄景帝子立二十八年薨武帝間寄有長
 子賢毋無寵少子慶毋愛幸寄嘗欲立之為非次因
 有過遂無所言帝憐之立賢為膠東王奉康王祀而
 封慶為六安王故衛山地膠東王賢立十五年薨謚

為哀王子戴王通平嗣二十四年薨子頃王音嗣五
 十三年薨子共王授嗣十四年薨子殷嗣

六安共王慶膠東康王子至三十八年薨子夷王祿
 嗣十年薨子膠王定嗣二十二年薨子頃王光嗣

十七年薨子育嗣
 阜虞煬侯建膠東康王子封九年薨子康侯定嗣十

四年薨子節侯哀嗣哀薨子登侯勳嗣勳薨子頌侯
 顯嗣顯薨子藥嗣

魏其煬侯昌膠東康王子封十七年薨子原侯傳充
 嗣三十三年薨子孝侯禹嗣禹薨子質侯嶠嗣嶠薨

子嘉嗣

嘗山憲王舜景帝子立三十三年薨子勃嗣為王數月廢國除

真定頃王平常山王舜子元昂二年立二十五年薨

子烈王偃嗣十八年薨子孝王繇嗣二十二年薨子

安王雍嗣二十六年薨子共王普嗣十五年薨子陽

嗣

泗水思王商嘗山王舜少子立十三年薨子哀王安

世嗣十一年薨無子於是武帝憐泗水王絕後立安

世弟賀是為戴王立二十年薨有遺腹子煖相內史

不以聞太后上書昭帝問之抵相內史罪立煖是為

勤王立三十九年薨子戾王駿嗣三十一年薨子靖

嗣

燕刺王旦武帝子立三十八年而誅國除六年宣帝

即位封旦兩子慶為新昌侯賢為安定侯又立故太

子建是為廣陽頃王二十九年薨子穆王舜嗣二十

一年薨子思王璜嗣二十年薨子嘉嗣

廣陵厲王胥武帝子立十三年以罪國除後七年元

帝復立胥太子霸是為孝王十三年薨子共王意嗣

三年薨子哀王護嗣十六年薨無子絕後六年成帝

復立孝王子守是為靖王立二十年薨子宏嗣

高密哀王弘廣陵王胥少子立九年薨子頃王章嗣

三十三年薨子懷王寬嗣十一年薨子慎嗣

昌邑哀王髡武帝子立十一年薨子賀嗣立十四年

即帝位二十四日廢為海昏侯四年薨坐故行淫辟

不得置後元帝初元三年以賀子代宗紹封是為釐

侯代宗薨子原侯保世嗣保世薨子會侯邑嗣

淮陽憲王欽宣帝子立三十六年薨子文王玄嗣二

十五年薨子纘嗣

楚孝王囂宣帝子立三十八年薨子懷王文嗣一年

薨無子絕陽朔二年成帝復立文帝平陸侯衍是為

思王二十一年薨子紆嗣

廣戚煬侯勲楚孝王子勲薨子顯嗣

東平思王宇宣帝子立三十三年薨子煬王雲嗣以

罪自殺國除元始元年王莽白太皇太后立雲太子

開明為東平王開明立三年薨無子復立開明兄嚴

卿侯信子任為東平王奉開明後

定陶共王康元帝子立十九年薨子欣嗣十五年成

帝無子徵入為皇太子帝以太子奉太宗後不得故

私親乃立楚思王子景為定陶王奉共王後

中山孝王興元帝子立三十年薨子衍嗣七年哀帝無子徵中山王衍入即位是為平地太皇太后以帝為成帝後故立東平思王孫桃鄉頃侯子成都為中山王奉孝王後

東平思王宇宣帝子立三十二年薨子壽嗣以東平思王二十一年薨子壽嗣立文帝平魏封晉長

册府元龜

巡按福建監察御史臣李嗣京訂止

知閩縣事 臣曹鼎臣參閱

知建陽縣事 臣黃國琦較釋

宗室部

承襲第二

後漢齊哀王章光武長兄續長子建武二年立為大原王十一年徙為齊王立二十一年薨子殤王石立二十四年薨子晃嗣晃立十七年以罪貶爵為湖侯晃卒子無忌嗣章帝以伯升首創大業而後

中山孝王興元帝子立三十年薨子衍嗣七年哀帝無子徵中山王衍入即位是為平地太皇太后以帝為成帝後故立東平思王孫桃鄉頃侯子成都為中山王奉孝王後

冊府元龜卷終

冊府元龜

巡按福建監察御史臣李嗣京 訂正

知 閩 縣 事 臣 曹鼎臣 參閱

知 建 陽 縣 事 臣 黃國琦 較釋

宗室部

承襲第二

後漢齊哀王章光武長兄續長子建武二年立為太原王十一年徙為齊王立二十一年薨子殤王石嗣立二十四年薨子晃嗣晃立十七年以罪貶爵為燕湖侯晃卒子無忌嗣章帝以伯升首創大業而後嗣

罪廢心嘗愍之時北海亦絕無後遺詔令復二國末
元二年乃復封無忌齊王是爲惠王立五十二年薨
子頃王喜嗣立五年薨子承嗣

下博侯張齊殤王子建中初卒子它人奉其祀

北海靖王興光武長兄演次子建武二年封爲魯王
嗣光武兄仲立三十九年薨子敬王睦嗣立十年薨

子哀王基嗣基立十四年薨無子章帝憐之不除其

國和帝末元二年封睦庶子斟鄉侯威爲北海王奉

睦後立七年威以非睦子又坐誹謗檻車徵詣廷尉

道自殺末初元年鄧太后復封睦孫壽光侯普爲北

海王是爲頃王普立七年薨子恭王翼嗣立十四年

薨子康王嗣無後

趙孝王良光武叔父立十六年薨子節王栩嗣初立

四十年薨子頃王商立二十三年薨子靖王宏立十

二年薨子惠王乾嗣乾立四十八年薨子懷王豫嗣

豫薨子獻王赦嗣赦薨子珪嗣建安十八年徙封博

陵王魏初以爲崇德侯

城陽恭王祉光武族兄春陵康侯敞之子建武十一

年薨十三年封祉敞子平爲蔡陽侯以奉祉祀平卒

子真嗣真卒子禹嗣禹卒子嘉嗣

泗水王歙光武族父建武十年薨封小子燁爲堂谿侯奉歙後淄川王終泗水王歙子歙薨終居喪思慕哭泣三十餘日亦薨封長子柱爲邵侯以奉終祀宜春侯正泗水王歙從父弟建武二年封子浮嗣封朝陽侯浮傳國至孫護無子封絕延光中護從兄環娶安帝乳母王聖女伯榮爲妻得紹護封爲朝陽侯王聖敗貶爵爲亭侯

安成孝侯賜光武族兄建武二十八年卒子閔嗣閔卒子商嗣徙封爲白牛侯商卒子昌嗣

成武孝侯順光武族兄建武十一年卒子遵嗣以罪降爲端氏侯遵卒子弁嗣

順陽懷侯嘉光武族兄建武十九年卒子參嗣有罪削爲南鄉侯永平中參爲城門較尉參卒子循嗣循卒子章嗣

東海恭王彊光武子立十八年薨子靖王政嗣政立四十四年薨子頃王肅嗣二十三年薨子孝王臻嗣臻立三十一年薨子懿王祗嗣祗立四十四年薨子羨嗣

沛獻王輔光武子立四十六年薨子釐王定嗣定立十一年薨子節王正嗣立十四年薨子孝王廣嗣廣

立三十五年薨子幽王榮嗣榮立二十年薨子孝王琮嗣琮薨子共王曜嗣曜薨子契嗣

楚王英光武子立三十三年以罪自殺元和二年追

謚楚厲侯子楚侯种嗣後徙封六侯

六縣名屬廬江都

种卒

子度嗣度卒子拘嗣傳國于後

濟南安王康光武子立五十九年薨子簡王錯嗣錯

立六年薨子孝王香嗣香立二十年薨無子國絕末

建元年順帝立錯子阜陽侯顯為嗣是為釐王立三

年薨子悼王廣嗣

東平憲王蒼立四十五年子懷王忠嗣忠立十一年

薨子孝王敞嗣敞立四十八年薨子頃王端嗣端立

四十七年薨子凱嗣

任城孝王尚東平憲王子立十八年薨子貞王安嗣

安立十九年薨子節王崇嗣崇立三十一年薨無子

國絕延熹四年桓帝立河間孝王子博為任成王以

奉其祀博立十三年薨無子國絕熹平四年靈帝復

立河間貞王孫新昌侯佗為任成王奉孝王後

阜陵質王延光武子立五十一年薨子殤王冲嗣冲

立二年薨無嗣和帝復封冲兄魴是為頃王魴立三

十年薨子懷王恢嗣恢立十年薨子節王代嗣代立

十四年薨無子國絕建和元年桓帝立勃遵亭侯便親爲恢嗣是爲恭王立十三年薨子孝王統嗣立八年薨子赦嗣

廣陵思王荆光武子立二十九年以罪自殺封荆子元壽爲廣陵侯服王璽綬食荆故國六縣元壽卒子商嗣商卒子條嗣傳國於後

中山簡王焉光武子立五十二年薨子夷王憲嗣憲立二十二年薨子孝王弘嗣弘立二十八年薨子穆王暢嗣暢立三十四年薨子節王稚嗣

琅琊孝王京光武子立三十一年薨子夷王守嗣守立二十年薨子恭王壽嗣壽立十七年薨子貞王遵嗣遵立十八年薨子安王據嗣據立四十七年薨子順王容嗣容立八年薨建安十一年復立容子熙爲王

陳敬王羨明帝子立三十七年薨子思王鈞嗣鈞立二十一年薨子懷王竦嗣竦立二年薨無子國絕永寧元年立敬王子安壽亭侯崇爲陳王是爲頃王立五年薨子孝王承嗣承薨子愍王寵嗣

彭城靖王恭明帝子立四十六年薨子考王道嗣道立二十八年薨子頃王定嗣立四年薨子孝王和嗣

和立六十四年薨孫祗嗣魏以爲崇德侯

樂城靖王黨明帝子立二十五年薨子哀王崇嗣崇立二月薨無子國絕明年和帝立崇兄修侯巡爲樂成王是爲釐王立十五年薨子隱王賓嗣立八年薨無子國絕明年復立齊北惠王子長爲樂城王長到國驕淫不法安帝貶長爵爲臨潮侯延光元年以河間孝王子得嗣靖王後以樂城北廢絕故改國曰安平是爲安平孝王立三十年薨子續嗣

下邳惠王衍明帝子建初四年就國衍後病荒忽而太子邛有罪廢諸姬爭欲立子爲嗣連上書相告言和帝憐之使彭城靖王恭至下邳正其嫡庶賜恭詔曰皇帝問彭城王蓋聞堯親九族萬國協和書典之所美也下邳王被病沉滯之疾昏亂不明家用不寧姬妾適庶諸子分爭紛紛至今前太子邛頑凶失道陷于大辟是後諸子更相誣告迄今嫡嗣未知所定朕甚傷之惟王與下邳王恩義至親正此國嗣非王而誰禮重適庶之序春秋之義大居正孔子曰惟仁者能好人能惡人貴仁者所好惡得其中也太子國之儲嗣可不慎歟王其差次下邳諸子可爲太子者上名將及景風拜授邛綬焉立五十四年薨子貞王

成嗣成立二年薨子愍王意嗣意立五十七年薨子哀王宜嗣

梁節王暢明帝子立三十七年薨子恭王堅嗣堅立三十六年薨子懷王正嗣正立十一年薨無子順帝封其弟孝陽亭侯成爲梁王是爲夷王立二十九年薨子敬王元嗣立十六年薨子彌嗣立四十年魏受禪以爲崇德侯

淮陽頃王昞明帝子永平五年封嘗山王建初四年徙封淮陽立十六年薨未及立嗣永元二年和帝立昞小子惻復爲嘗山王奉昞後是爲殤王立十三年薨無子立兄防子侯章爲嘗山王立二十五年薨是爲靖王子頃王儀嗣儀立十七年薨子節王豹嗣豹立八年薨子嵩嗣

千乘貞王伉章帝子立十五年薨子寵嗣永元七年改國名樂安立二十八年薨是爲夷王子鴻嗣鴻生質帝質帝立梁太后下詔以樂安國土卑濕租委鮮薄委謂委輸也改鴻封勃海王立三十六年薨是爲孝王

無子太后立桓帝弟蠡吾侯悝爲勃海王奉鴻嗣悝吳侯翼子河間王開孫也

清河孝王慶章帝子立二十五年薨子愍王虎威嗣

虎威三年薨亦無子鄧太后復立樂安王寵子延平
為清河王是為恭王寵即千乘王伉之子立三十五年薨子蒜

立三年以罪貶尉民侯自殺國絕明年梁太后立安

平孝王子經侯理為其陵王梁其惡清河名改為其陵奉孝德皇

祀初孝王度子祐為鄧太后所立是為安帝帝乃追尊孝王為孝德皇是為威王理立

二十五年薨子貞王定嗣定立四年薨子獻王忠嗣

濟北惠王壽章帝子立三十一年薨子節王登嗣登

十五年薨子哀王多嗣多立三年薨無子末和四年

立戰鄉侯安國為濟北王臣欽若等曰節王登第五人皆為郡侯安國疑其一

也是為登王安國立十年薨子孝王次嗣次立七年

薨子鸞嗣鸞薨子政嗣

河間孝王開章帝子立四十二年薨子惠王政嗣政

立十年薨子貞王建嗣建立十年薨子安王利嗣利

立二十八年薨子陔嗣陔立四十一年魏受禪以為

崇德侯

蠡吾侯翼河間孝王子翼卒子志嗣後為大將軍梁

冀所立是為桓帝梁太后詔追尊蠡吾先侯曰孝崇

皇建和二年封帝兄都鄉侯願為平原王奉翼後

解瀆亭侯淑河間孝王子淑卒子長嗣長卒子宏嗣

為大將軍竇武所立是為靈帝竇太后詔追尊皇祖

叔爲孝元皇皇考長爲孝仁皇熹平三年拜河間安王利子康爲濟南王奉孝仁皇祀康薨子嬭嗣嬭爲黃巾賊所害子開嗣魏受禪以爲崇德侯

平原懷王勝和帝長子立八年薨無子鄧太后立樂安夷王寵子得爲平原王奉勝後是爲哀王得立六年薨無子永寧元年太后又立河間王開子都鄉侯翼爲平原王嗣

魏陳忠侯仁太祖從弟黃初四年薨子泰嗣轉封寧陵侯泰薨子初嗣

高陵亭威侯純陳忠侯弟建安十五年薨子演嗣正元中進封平樂鄉侯演薨子亮嗣

樂城恭侯洪太祖從弟太和六年薨子馥嗣

長平侯休太祖族子太和二年薨子肇嗣肇正始中薨子興嗣

鄧陵元侯真太祖族子明帝時薨子爽嗣爽誅嘉平中詔功臣世封真族孫熙爲新昌亭侯邑三百戶以奉真後

任城威王彰太祖子黃初四年薨子楷嗣徙封中牟五年改封任城縣太和六年復改封任成國陳思王植太祖子植薨子志嗣徙封濟北王

蕭懷王熊太祖子早薨青龍二年子哀王炳嗣

豐愍王昂太祖子太祖南征爲張繡所害無子黃初

二年追封謚曰豐悼公三年以樊安公均子琬奉昂

後封中都公其年徙封長子公五年追加昂號曰豐

悼王太和三年改昂謚曰愍王嘉平六年以琬襲昂

爵爲豐王琬薨謚曰恭王子廉嗣

相殤王鑠太祖子早薨太和三年追封謚青龍元年

子愍王潛嗣其年薨三年子懷王偃嗣四年薨無子

國除正元二年以樂陵王茂子陽都鄉公竦繼鑠後

鄧安王冲太祖子建安十三年薨命宛侯據子琮奉

冲後二十二年封琮鄧侯黃初三年進琮爵徙封冠

軍公四年徙封巴氏公

沛穆王林太祖子林薨子緯嗣

中山恭王袞太祖子青龍三年薨子孚嗣

濟陽懷王珽太祖子建安十六年封西鄉侯早薨無

子二十年以沛王林子贊襲珽爵邑贊早薨無子文

帝復以贊弟壹紹珽後黃初二年改封濟陽侯四年

進爵爲公太和四年追進珽爵謚曰懷公六年又進

號曰懷王追謚贊曰西鄉哀侯壹薨謚曰悼公子嘗

嗣

陳留恭王峻太祖子甘露四年薨子澳嗣

范陽閔王矩太祖子早薨無子建安二十二年以樊

安公均子敏奉矩後太和六年改封敏琅邪景元中

敏薨謚曰原王子焜嗣

楚王彪太祖子嘉平元年以罪自殺封彪子嘉爲嘗

山真定王

郿戴公整太祖子奉從叔父郎中紹後建安二十二

年封郿侯二十三年薨無子黃初二年追進爵謚曰

戴公以彭城王據子範奉整後二年封平氏侯四年

徙封成武太和三年進爵爲公青龍三年薨謚曰悼

公無後四年詔以範弟東安鄉公闡爲郿公奉整後

樊安公均太祖子奉叔父薊恭公彬後建安二十二

年封樊侯二十四年薨子杭嗣黃初二年追進公爵

謚曰樊安公三年徙封杭薊公四年徙封屯留公景

初元年薨謚曰定公子諶嗣

東平靈王徽太祖子奉叔父朗陵哀侯王後正始三

年薨子翕嗣

贊哀王協文帝子早薨太和五年追封謚曰經觴公

青龍二年更追改號謚三年子殤王尋嗣

北海悼王蕤文帝子青龍二年薨以琅邪王子贊奉

蕤後封昌鄉景公二年立為饒安王

東海定王霖文帝子嘉平元年薨子啓嗣

元城哀王禮文帝子太和三年薨五年以任城王楷

子悌嗣禮後六年改封梁王

邯鄲懷王邕文帝子太和三年薨五年以任城王楷

子溫嗣邕後六年改封魯陽

蜀安平悼王理後主庶弟延熙七年卒子哀王裔嗣

十九年卒子殤王承嗣二十年卒景耀四年詔曰安

平王先帝所命三世早夭國嗣頽絕朕用傷悼其以

武邑侯輯襲王位輯理子也

吳沙羨侯與堅弟靜之子嘉禾三年卒子承嗣以昭

武中郎將代統兵領郡赤烏六年卒無子封承庶弟

壹奉與後

丹陽侯裔與兄皎之子皎為征虜將軍建安二十四

年卒追錄其功封裔裔卒無子弟晞嗣

都亭侯責堅兄子為征虜將軍豫章太守在官十一

年卒子鄰年九歲代領豫章進封都鄉侯鄰子公達雅性精敏

幼有全譽赤烏十二年卒子苗嗣

晉安平獻王孚宣帝次弟也世子邕先孚卒邕子崇

為世孫又早夭泰始九年立崇弟平陽亭侯隆為安

平王

義陽成王望安平獻王子出繼伯父朗泰始七年薨子弈早亡以弈子竒襲爵竒好蓄聚太康九年貶爲三縱亭侯更以章武王威河間平王共子爲望嗣後威誅復立竒爲棘陽王以嗣望

河間平王洪義陽成王子出繼叔父昌武亭侯遺仕魏歷位典農中郎將原武太守封襄賁男武帝受禪封河間王立十三年咸寧二年薨子威嗣徙封章武威既繼義陽王望更立威弟混爲洪嗣混小子滔初嗣新蔡王確與新蔡太妃不協太興二年上疏以兄

弟並沒在遼東章武國絕宜還所生太妃訟之事下太嘗太嘗賀循議章武新蔡俱承一國不絕之統義不得替其本宗而先傍親案滔既已被命爲人後矣必須無復兄弟本國未絕然後得還所生今兄弟在遠不得言無道理雖阻復非絕域且鮮卑恭命信使不絕自宜詔下遼東依劉群盧湛等例發遣令還繼嗣本封謂滔令未得便委離所後也元帝詔曰滔雖出養自有所生母親新蔡太妃相待甚薄滔執意如此如其不聽終當紛紜更爲不可今便順其所執還襲章武滔歷位散騎嘗侍薨子休嗣休與彭城王雄

俱奔蘇峻蘇峻平休已戰死弟珍時年八歲以小弟坐咸和六年襲爵位至太宗二年珍薨無嗣河間王欽以子範之繼位至遊擊將軍薨子秀嗣

隨穆王整義陽成王子兄奕卒以整爲世子歷南中郎將封清泉侯先父望薨武帝以義陽國一縣追封爲隨縣王子邁嗣大康九年以義陽之平林封邁爲隨郡王

太原成王輔安平獻王子輔薨子鑠立

南宮縣王翼安平獻王子武帝未受禪而卒以兄邕之支子承爲嗣封南宮縣王承薨子祐嗣

下邳獻王晃安平獻王子咸寧六年薨二子褒綽褒卒綽有篤疾別封良城縣王以太原王輔第三子韓爲嗣官至侍中尚書早薨子詔立

太原烈王瓌安平獻王子泰始十年薨子顥立徙封河間王

河間王顥太原烈王子末嘉初爲南陽王模所害詔以彭城元王植子融爲顥嗣改封樂成縣王薨無子建興中元帝又以彭城康王釋子欽爲融嗣

高陽王珪安平獻王子泰始十年薨珪有美譽於世而帝甚悼惜之無子詔以太原王輔子緝襲爵緝立

五年咸寧四年薨謚曰哀無子太康二年詔以太原王瓌世子顥子詒為緝後

嘗山孝王衡安平獻王子泰始二年薨無子以安平世子邕第四子敦為嗣

沛順王景安平獻王子咸寧元年薨子韜立

彭城穆王權宣帝弟馘之子咸寧元年薨子元王植

立植薨子康王釋立釋薨子雄立坐奔蘇峻伏誅更

以釋子紘嗣紘薨子玄嗣玄薨子孔之立位至散騎

嘗侍薨子邵之立邵之薨子崇之立崇之薨子緝之

立

高密文獻王泰宣帝弟馘之子元康九年薨子略立

永嘉三年薨子據立薨無子以彭城康王子紘為嗣

其後紘歸本宗立紘子俊以奉其嗣俊薨子敬王純

之立純之薨子恢之立

東海孝獻王越高高密文獻王子元帝時以越世子毗

沒於石勒不知存亡帝乃以第三子冲繼毗後稱東

海世子以毗陵郡增本封邑萬戶又改食下邳蘭陵

以越妃裴氏為太妃薨因發毗喪冲即王位以滎陽

益東海國轉車騎將軍徒驃騎將軍咸康七年薨年

三十一贈侍中驃騎大將軍儀同三司無子成帝詔

曰哀王無嗣國統將絕朕所哀但其以小晚生奕繼
哀王爲東海王以道遠罷榮陽更以臨川郡益東海
及哀帝以琅邪王即尊位徙奕爲琅邪王東海國闕
無嗣奕後入篡大業桓溫廢之復爲東海王既而貶
爲海西公東海國又闕嗣陵安三年安帝詔以會稽
忠王次子彥璋爲東海王繼哀王爲曾孫改食吳興
郡爲桓玄所害國除

新蔡武哀王騰高密文獻王子騰以戰死庶子確立
是爲莊王確無子初以章武王混子棼奉其祀其後
復以汝南威王祐子弼爲確後大興元年薨無子又

以弼弟邈嗣確位至侍中薨子晃立拜散騎侍郎桓
溫廢武陵王晃晃爲庶人徙衡陽孝武帝立晃弟崇
繼邈後

范陽康王綏宣帝弟廵之子咸寧五年薨子廙立廙
薨無子養南陽王模子黎爲嗣

濟南惠王遂宣帝弟恂之子泰始二年薨二子眺緝
緝嗣濟南惠王立咸寧二年徙爲中山王是年薨無
子緝繼

譙剛王遜字子悌宣帝弟進之子泰始二年薨子定
王隨立隨薨子邃立沒於石勒元帝以遜次子承嗣

是為閔王承為王廙所害子無忌立是為烈王無忌
永和六年薨二子恬悛恬立是為敬王太元十五年
薨子尚之立是為忠王為桓玄所害玄上疏以閔王
不宜絕祀乃更封尚之從弟康之為譙縣王安帝反
正追贈尚之衛將軍以尚之弟休之長子文思為尚
之嗣襲封譙郡王

廣晉伯悛譙烈王子早卒無子兄恬以子允之嗣

陽陵王睦譙剛王弟元康元年薨世子蔚早卒孫毅

立永嘉中沒於石勒隆安元年詔以譙敬王恬次子

恢之子文深繼毅後毅立五年薨無嗣復以高密王

純之子法連繼之

任城景王陵字子山宣帝弟通之子咸寧五年薨子

濟立

西河繆王斌任成景王子咸寧四年薨子隱立隱薨

子香

音燭 多貌立

平原王幹字子良宣帝子永嘉五年薨有二子世子

廣早卒次子末以太熙中封安德縣公

琅琊武王佃宣帝子太康四年薨子恭王覲立覲拜

允從僕射太熙元年薨時年三十五子睿立是為元

帝元興初帝以皇子褒為琅琊王奉恭王祀褒早薨

子哀王安國立未踰年薨更以皇子煥爲琅琊王初煥封顯義亭侯尚書令刁協奏昔魏臨菑侯以邢顯爲家丞劉禎爲庶子今侯幼弱宜選明德帝令曰臨菑萬戶封又植少有美才能同遊田蘇者今晚生矇弱何論於此間封此兒不以寵稚子也亡弟當應繼嗣不獲已耳家丞庶子足以攝祀而已豈宜屈賢才以受無用乎及煥疾篤乃下詔封爲琅琊王嗣恭王後俄而薨年二歲以皇子昱爲琅琊王咸和之初旣徙封會稽成帝又以康帝爲琅琊王康帝卽位封成帝長子哀帝爲琅琊王哀帝卽位以廢帝爲琅琊王廢帝卽位以會稽王攝行琅琊國祀簡文帝登祚琅琊王無嗣帝封少子道子爲琅琊王道子後爲會稽王更以恭帝爲琅琊王帝旣卽位琅琊國除武陵莊王澹琅邪武王子永嘉末爲石勒所害子哀王喆立喆無子其後元帝立皇子晞爲武陵王以奉澹祀晞爲桓溫所廢太元六年卒二年追封武陵王子忠敬王遵嗣義熙四年薨子定王季度立拜散騎侍郎薨子球之立東安王繇琅琊武王子永康中爲成都王穎所害後立琅邪王覲子長樂亭侯渾爲東安王以奉繇祀

淮陵元王淮琅邪武王子為宗正薨子貞王融立融薨無子安帝時立武陵威王孫蕝為淮陵王以奉元王之祀位至散騎嘗侍薨無子以臨川王寶子安之為嗣

清惠亭侯京宣帝子年二十四薨以文帝子幾為嗣泰始元年封燕王機無子齊王罔表以子幾嗣

扶風武王駿宣帝子駿薨子暢嗣改封順陽王

新野莊王歆扶風武王子為張昌所害無子以兄子劭為後

汝南文王亮宣帝子惠帝時趙王瑋矯詔誅亮及其

世子矩俱為亂兵所害瑋誅追復亮爵謚矩為懷王子祐立是為威王祐咸和元年薨子恭王統立以南頓王宗謀反被廢其後成帝哀亮一門殄絕紹統復封紂薨子義立義薨子遵之立以罪伏誅弟楷之子蓮扶立

梁孝王彤宣帝子末康二年薨無子以武陵王澹子禧為後是為懷王沒於石勒元帝時以西陽王羨子悝為彤嗣悝早薨是為殤王至是懷王子翹自石氏歸國得立是為聲王官至散騎嘗侍薨無子詔以武陵威王子璿為翹嗣歷永安大僕與父晞俱廢徙新

安薨太元中復國子蘇立薨子珍之立

齊獻王攸文帝子景帝無子命攸為嗣徙封武陽侯

後改安昌武帝踐祚封齊王攸薨子罔嗣罔誅末興

初詔以齊王罔輕陷重刑前勲不宜埋沒乃赦其三

子超泳英還第封超為縣王以繼罔祀及雒陽傾覆

超兄弟皆沒于劉聰罔遂無後太元中詔以故南頓

王宗子柔之襲封齊王紹攸罔之祀

城陽哀王兆文帝子年十歲而夭武帝踐祚詔曰亡

弟千秋少聰慧有夙成之質不幸早亡先帝先后特

所哀愍先后欲紹立其後而竟未遂每追遺意情懷

感傷其以皇子景度為千秋後雖非典禮亦近世之

所行且以述先后本旨也於是追加兆封謚景度以

泰始六年薨復以第五子憲繼哀王後薨復以第六

子祗為東海王繼哀王後薨咸寧初又封第十五子

遐為清河王以繼兆後

遼東悼惠王定國文帝子年三歲薨咸寧初追加封

謚齊王攸以長子蕤為嗣蕤薨子遵嗣

廣漢殤王廣德文帝子年二歲薨咸寧初追加封謚

齊王攸以子贊紹封贊薨攸更以子實嗣廣德後

樂安平王鑒文帝子元康七年薨子殤王籍立籍薨

無子齊王罔以子冰紹鑒後以濟陰萬壹千二百一十九戶改為廣陽國立冰為廣陽王

楚隱王瑋武帝子以罪誅永寧元年封其子執為襄陽王

長沙厲王父武帝子後被誅永安元年詔長沙王父輕陷重刑封其子紹為樂平縣王以奉其嗣永嘉中懷帝以父子碩嗣

成都王穎字章度武帝子以罪縊永嘉中立東萊王蕤子遵為穎嗣封華容縣王

毗陵悼王軌武帝子二歲而夭太康十年追加封謚

以楚王瑋子義嗣

秦獻王東武帝子元康元年薨無子以淮南王允子郁為嗣郁與允俱被害永寧二年追謚曰悼又以吳王晏子鄴嗣

始平哀王裕武帝子咸寧三年薨年七歲無子以淮南王允子迪為嗣太康十年改封漢王

淮南忠莊王允武帝子為趙王倫子虔所害允三子皆被害齊王罔上表以息超繼允後罔敗超祓幽金墉城後更以吳王晏子祥為嗣

代哀王演武帝子演薨無子以成都王穎子廓為嗣

改封中都王

清河康王遐武帝子永康元年薨子覃嗣覃為皇太子以弟新蔡王簫還封清河王

會稽思世子道生子延長簡文之子也以幽廢卒無後及孝武帝即位嘗書見道生及臨川獻王郁郁曰大郎饑乏辛苦言竟不見帝傷感因以西陽王羨玄孫珣之為後

臨川獻王郁簡文子年十七薨寧康初追封郡王以武陵威王魯孫寶為嗣

會稽文孝王道子簡文子出琅邪孝王及恭帝為琅邪王道子受封會稽國後為桓玄所害義熙元年以臨川王寶子修之為道子嗣是為悼王

册府元龜卷終

冊府元龜

巡按福建監察御史臣李嗣京 訂正

知甌寧縣事 臣孫以敬 叅閱

知建陽縣事 臣黃國琦 較釋

宗室部

承襲第三

宋長沙景王道憐高祖中弟也永初三年薨子成王
義欣嗣元嘉十六年薨子悼王瑾嗣瑾為元凶所殺
瑾子粲早夭粲弟纂嗣

桂陽恭侯義融長沙景王子元嘉十八年卒子孝侯

覬嗣覬為元凶所殺無子弟襲以子晃繼封

臨澧忠侯襲桂陽恭侯子泰始六年卒於中護軍子

旻嗣昇明二年改封東昌縣侯

新喻惠侯義宗長沙景王子元嘉二十一年卒子懷

侯玠嗣為元凶所殺無子弟秉以子承繼封

興安惠侯義賓長沙景王子元嘉二十五年卒子惠

侯綜嗣綜卒子憲嗣

營道僖侯義纂長沙景王少子建元二年卒子長猷

嗣

臨川烈武王道規高祖少弟義熙八年薨無子以長

沙景王第二子義慶為嗣是為康王初太祖少為道

規所養高祖命紹焉咸以禮無二繼太祖還本而定

義慶為嗣明廟主當隨往江陵義慶幼為高祖所知

嘗曰此我家豐城也年十三襲封南郡公永初元年

襲封臨川王元嘉二十一年薨子哀王焯嗣為元凶

所殺子綽嗣

廬陵孝獻王義真高祖子景平二年罪誅無子太祖

以第五子紹為嗣元嘉九年襲封紹無子以南平王

鑠第三子敬先嗣是為恭王無子泰始元年以世祖

第二十一子晉熙王子與為紹嗣封廬陵王未拜為

太宗所殺後更以桂陽王休範第二子德嗣紹元徽二年與休範俱伏誅國復絕三年復以臨澧忠侯襲第三子暉繼紹是爲元王

彭城王義康高祖子元嘉二十八年賜死子泉陵侯允等爲元凶所殺永光元年太宰江夏王義恭表曰臣聞忝祖遠斥猶或慮親降殺霍省序義重全戚故嚴道疾終嗣啓方宇阜陵愆屏身適晚恩竊惟故庶人劉義康昔昧姦回自貽非命沈魂漏籍垂誠來典運革三朝歲盈三紀天地改朔日月再升陶形賦氣咸蒙更始義康妻息漂沒早遠盛化衆女孤弱永淪

黔首即情原釁本非已招感事哀煢俯增傷咽敢緣陛下聖化融泰春澤覃被慈育群生仁被泉草實希洗宥還蔭帝宗則施及陳根榮加幽壤臣特憑國私冒以誠表塵觸靈威伏紙悲悻詔曰太宰表如此公緣情追遠覽以增懷昔淮楚推恩祚流支裔抑法引親古今成性便以公表付外依旨奉行故泉陵侯允橫罹凶虐可特爲置後

江夏文獻王義恭世子叡爲元凶所害孝武大明二年以第四子子綏繼封食邑二千戶追謚叡曰宣王子綏死後太宗以第八子躋繼義恭爲孫封江夏王

食邑五千戶

南豐王朗江夏文獻王子長子為元凶所害孝建元年以宗室祇長子欽繼封祇伏誅欽還泰始三年更以宗室韞第二子銑繼封與韞俱死順帝昇明二年復以宗室琨子績繼封

衡陽文王義季高祖子元嘉二十四年薨子恭王嶷嗣大明七年薨子伯道嗣

南平穆王鏐文帝子孝武即位初薨子敬猷嗣為前廢帝所殺太宗即位追贈敬猷侍中謚曰懷改封孝王武帝第十八子臨賀王子產為南平王繼鏐後未

拜被殺泰始五年立晉平王休祐第七子宣曜為南

平王繼鏐後宣曜被廢還本後廢帝元徽元年立衡

陽恭王嶷第二子伯玉為南平王繼鏐後

建平宣簡王宏文帝子大明二年薨子景素先以罪

伏誅孝武封長沙成王義欣子勰第三子恬為秭歸

侯食邑千戶繼宏後

晉熙王昶文帝子景和中被害二子長曰思遠次曰

懷遠尋並卒泰始六年以第六皇子燮繼昶封為晉

熙王

始安王休仁文帝子泰始六年遇害子伯融廢徙丹

食邑五千戶

南豐王朗江夏文獻王子長子為元南所害孝建元年以宗室祗長子欽繼封祗伏誅欽還泰始三年更以宗室韞第二子銑繼封與韞俱死順帝昇明二年復以宗室琨子績繼封

衡陽文王義季高祖子元嘉二十四年薨子恭王嶷嗣大明七年薨子伯道嗣

南平穆王鏐文帝子孝武即位初薨子敬猷嗣為前廢帝所殺太宗即位追贈敬猷侍中謚曰懷改封孝王武帝第十八子臨賀王子產為南平王繼鏐後未

拜被殺泰始五年立晉平王休祐第七子宣曜為南

平王繼鏐後宣曜被廢還本後廢帝元徽元年立衡

陽恭王嶷第二子伯玉為南平王繼鏐後

建平宣簡王宏文帝子大明二年薨子景素先以罪

伏誅孝武封長沙成王義欣子勰第三子恬為秭歸

侯食邑千戶繼宏後

晉熙王昶文帝子景和中被害二子長曰思遠次曰

懷遠尋並卒泰始六年以第六皇子燮繼昶封為晉

熙王

始安王休仁文帝子泰始六年遇害子伯融廢徙丹

陽縣後廢帝元徽元年還京邑襲封

鄱陽哀王休業文帝子孝建三年薨大明六年以山陽王休祐次子士弘嗣封

臨慶冲王休倩文帝子孝建元年始九歲封東平王未拜薨大明七年立第二十七皇子子嗣爲東平王紹休倩後太宗泰始二年還本國絕六年以第五皇子智丹爲東平王繼休倩未拜薨其年追改休倩爲臨慶王以臨賀郡爲臨慶國立第八皇子躋爲臨慶王食邑二千戶繼休倩後明年還本國太祖所愛故前後屢加紹門嗣

巴陵哀王休若文帝子泰始七年賜死子冲襲封

始平孝敬王子鸞孝武帝子爲前廢帝所害明帝即位詔以建平王景素息延年爲嗣追改子鸞封爲始平王食邑千戶延年泰始四年薨時年四歲謚曰冲王明年復以長江王纂子延之爲始平王紹子鸞後武陵王贊明帝子泰始六年生其年詔曰世祖孝武皇帝雖恃尊墮怠勲狹政弛樂飲無饜事因於寧泰任威縱費義緣於務寡故以積怨動天流殃裔嗣景和肇豐義嘉成禍世祖繼體陷憲無遺昔皇家中圯含生懼滅賴英孝感舊掃雪寃恥勲績隆歷極茲窮

氓繼絕追遠禮訓攸尚况既帝且兄而缺斯典今以第九子智隨奉世祖爲子武陵郡大明之世事均大邦可封智隨武陵王食邑五千戶尋世祖一門女累不少既無釐總義須防閑諸侯雖不得祖稱天子而事有一家之切且歸寧有所疚疾相營得失是任閨房有稟朕應天在位恩深九族庶此是申追睦之懷教愛之旨

南齊衡陽元王道度太祖長兄卒於宋世建元元年追加封謚無子太祖以第十二子鈞係道度後隆昌元年遇害明帝即位以永陽王子珉仍本國繼元王爲孫子珉世祖第二十子永泰元年見言年十四復以武陵昭王曄第三子子坦奉元王後

曲江康公遙欣衡陽元王子宣帝兄西平太守奉之無後以遙欣繼爲魯孫建武元年封聞喜縣公尋改封曲江公

始安貞王道生太祖次兄宋世卒建元元年封謚長子鳳早卒明帝建武元年追封始安王謚曰靖子遙光嗣遙光生有躄疾太祖謂不堪奉拜祭祀欲封其弟世祖諫乃以遙光襲爵遙光反誅以江陵公寶覽爲始安王奉靖王後安陸昭王緬始安貞王子初封

安陸侯建武元年追封安陸王子寶暉嗣永元元年以安陸郡邊魏改封湘東王

南豐懿伯赤斧太祖從祖弟武帝時卒于家子頴胃襲爵豫章

文獻王疑太祖第二子武帝時薨世子子廉早卒子元琳嗣

竟陵王子良世祖子隆昌中薨子昭胃嗣

梁長沙宣武王懿高祖長兄天監元年追封子元王業襲封業薨子章王孝儼嗣儼薨子睿嗣

永陽昭王敷高祖次兄天監元年追封子恭王伯游

嗣

衡陽宣王暢高祖弟天監元年追封子孝王元簡襲封十八年卒子俊嗣

桂陽簡王融高祖次弟天監元年追封無子詔以長沙宣武王第九子象嗣襲封爵是為敦王大同二年

薨子健嗣

臨川靖惠王宏高祖弟普通七年薨子正仁早卒諡曰哀世子無子高祖詔宏子羅平侯正立為世子繇宏意也宏薨正立表讓長兄正義為嗣高祖嘉而許之封正立千戶侯

建安敏侯正立臨川靖惠王子薨子賁嗣

安成康王秀高祖弟普通元年薨世子機嗣是為煬

王機薨子操嗣後梁文宣踐位復以機子欣襲封

南平元襄王偉高祖弟大通四年薨世子恪嗣是為

靖節王

鄱陽忠烈王恢高祖弟普通七年薨世子範嗣

始興忠武王憺高祖弟普通三年薨長子亮嗣

吳平忠侯景高祖從父弟天監末卒于楊州刺史子

光侯屬嗣

南康簡王績高祖子大通三年薨子會理嗣

廬陵成王續高祖子大同二年薨子安嗣

豫章安王懽昭明太子長子大通三年封位江州刺

史薨子棟嗣

陳始興昭烈王談高祖兄即位初追封談有二子績

為文帝項為宣帝高祖以宣帝襲封及文帝入纂時

宣帝在周末還帝以本宗之饗其年十月下詔曰昔

者皇基肇建封樹枝戚朕親地攸在特啓大邦弟項

嗣承門祀雖土宇開建薦饗莫繇重以遭家不造閔

凶夙遘儲貳遐隔輜重未及俛以取身膺茲景命式

脩龜鼎冰谷載懷今既入奉太宗事絕藩祿始興國

子

廟蒸嘗無主瞻言霜露感尋慟絕其徒封嗣項爲安
成王封第二子伯茂爲始興王以奉昭烈王祀賜天
下爲父後者爵一級庶申罔極之情未保山河之祚
光大二年以罪誅後主太建元年立弟叔敦爲始興
王奉昭烈王祀

未脩定侯擬高祖從子天嘉元年卒子黨嗣

遂興侯詳高祖從子天嘉五年戰死子正理嗣

衡陽獻王昌高祖子天嘉元年自長安還都渡江舡
壞而卒無子文帝以第七皇子伯信爲嗣

南康愍王曇朗高祖弟弟忠莊王休光之子曇朗爲

質於齊天嘉元年詔曰南康王曇朗出隔齊庭反身

莫測園廟方脩莫饗湏主可以長男方泰爲南康世

子繼南康王後及聞曇朗薨於是襲封

衡陽獻王昌高祖子初與宣帝俱遷長安天嘉元年

自周還朝於道薨其年文帝立第七皇子信爲衡陽

王奉獻王祀

桂陽王伯謀文帝子至德元年薨子鄴嗣

河東康簡王叔獻宣帝子太建十二年薨子孝寬嗣

後魏上谷公紇羅神元帝曾孫紇羅卒子題賜爵襄

城公後進爵爲王題卒子悉襲降爵爲襄公

高涼神武王孤文皇帝子孤薨子斤失職斤子真樂
 類有戰功後襲祖封明元初改封平陽王薨子禮襲
 本爵高涼王禮薨謚懿王子那襲坐事伏法獻文郎
 位追那功命子紇紹封紇薨子大曹孝文時改封太
 原郡公卒無子國除宣武又以大曹兄從子洪威紹
 松滋侯度高涼神武王孫度卒子乙忻襲爵襄王侯
 乙忻卒子平襲世爵松滋侯以軍功賜艾陵男卒子
 萇孝文時襲爵松滋侯例降賜艾陵伯萇卒子華襲
 爵後於弟于思俱賜死長弟珍子金襲爵艾陵男
 上黨王天穆松滋侯平子天穆卒子儼襲

西河公敦平文帝曾孫敦卒子揆襲

河澗宣公與都平文帝之後與都卒子提襲父

河澗敬公齊烈帝之玄孫齊卒長子陵襲爵

文安公泥國之踈族泥卒子屈襲

衛王儀秦明王翰子道武時賜死母良明元時追

儀功封南陽王以紹儀後

陰平熹王烈衛王儀弟明元時薨子求襲

秦愍王觚陰平王烈弟道武時薨謚封子夔為

王以紹觚

崑山王遵昭成帝孫天賜四年坐醉亂失禮賜

以庶人禮子素明元從母所生特見親寵太武初復襲爵是為康王

暨陽子可悉陵嘗山康王子可悉陵卒弟陪斤襲

城陽宣公忠嘗山康王子忠卒子盛襲爵

河澗公德嘗山康王子卒於鎮南將軍德子

王欽若等曰失

記其名卒於光州刺史謚曰恭子嶷薨於瀛州刺史謚

曰懿忠子暉襲謚曰文憲

陳留桓王虔昭成帝孫道武時追封又封其子悅為

朱提王悅賜死大武詔弟崇令襲桓王爵是為景王

崇薨子建襲

蒲城侯凱昭成帝孫太武時卒子崙襲爵以公進封

隴西公卒謚定公子琛襲爵

武遂子枝干昭成帝曾孫枝干卒子受洛襲進爵武

邑公

彭城公勃昭成帝孫勃卒長子栗襲

豐陽公庫汗彭城公孫庫汗卒子古辰襲

陽平王熙道武子太嘗六年薨長子靖王他襲他世

子吐萬早卒吐萬子僖王顯襲祖爵子康王世遵襲

孝昌元年薨子敬先襲敬先為元顥所害子宣洪襲

并州公比陵陽平王熙子為安遠將軍卒子天琚襲

卒子延伯襲

河南王曜道武子恭嘗七年薨長子提大武時襲改封潁川王後改封武昌太安元年薨年四十七謚曰成王長子平原襲爵卒謚曰簡王平原有五子長子和爲沙門捨其子顯以爵讓其次弟鑒鑒固辭詔許其身鑒終之後令顯襲爵鑒乃受之鑒薨之後與鑒子伯宗競求承襲尚書令高肇奏和太和中出爲沙門讓爵於鑒鑒後以和子顯年在弱冠宜承其緒求遜王爵以歸正裔先朝詔終鑒身聽如其請鑒既薨逝和求襲封謹尋詔旨聽傳子顯不許其身和先讓後求有乖道素請令伯宗承襲宣武詔曰和初以讓鑒而鑒還讓其子交讓之道於是乎者其子早終可聽和襲和正光四年薨子諫襲莊帝初遇害子攀襲河澗王脩道武子恭嘗元年薨無子太武詔河南王曜子羯兒襲脩爵改封略陽

廣平王連道武子始光四年薨無子太武以陽平王熙第二子渾爲南平王以繼連後渾太和十一年從駕巡方山道薨子飛襲後賜名霄太和十七年薨謚曰安王子纂襲景明元年薨於平城子伯和襲永平三年薨謚曰哀王伯和無子以弟文華子仲固襲王

封後爲蕭寶寅所害謚曰武真子承宗襲早卒以纂弟安平子仲略繼

京兆王黎道武子神麇元年麇子根襲改封江陽王麇無子獻文以南平王霄二子繼爲根後繼襲封江陽王末安二年麇謚曰武烈長子伯熙卒子亮襲樂平戾王丕明元子後坐事以憂薨子拔襲爵

樂安王範明元子後坐事暴薨長子簡王良文成時襲王末昌

莊王徼明元子徼薨子仁襲

東平王翰太武子翰薨子道符襲爵

臨淮宣王譚太武子譚薨子提襲提以貪縱削除卒孝文時追封長鄉侯宣武時謚曰懿提子昌復封臨淮王未拜而薨謚康王追改封濟南王其子彘紹封彘薨謚文穆王無子弟孝友襲爵

廣陽簡王建太武子建薨子哀王石侯襲石侯薨子定王遣興襲無子石侯弟懿烈王嘉襲嘉薨子忠武王深襲爵深爲諸葛榮所害子文獻王湛襲封湛薨子法輪坐叔父瑾謀殺齊文襄事泄合門伏法齊王矜湛覆滅乃啓原之復其爵土

陽平幽王新成景穆長子新成薨長子安壽襲爵孝

文賜名顯

義陽王子孝陽平幽王子後降為公卒子贊嗣

京兆王子推景穆子薨子太興襲後為沙門太和二

十二年終子昂宿襲薨子文琮襲

汝陽王仲景京兆王大興子孝靖時薨子冲襲

濟陰惠王小新成景穆子薨子鬱襲位以黷貨賜死

爵除詔以鬱弟偃子誕立為嫡孫特聽紹封是為靜

王子撫襲先是鬱長子彌以世嫡應襲先爵為季父

尚書僕射麗因于氏親寵遂奪彌王爵建義元年彌

子暉業訴復王爵永安三年謚彌為文獻王初彌嘗

夢人謂之曰君身不得傳世封其紹先爵者君長子

紹遠也彌卒即加暉業終如其言

汝陰靈王天賜景穆子孝文時以罪削除及卒復本

爵子威王逞嗣逞薨子文王修嗣修薨子均入西魏

封安昌王薨謚平王子則襲封

樂良厲王萬壽景穆子以憂薨子康王樂平襲樂平

薨子長命襲坐殺人賜死子忠孝明時復前爵

廣平殤王雒侯景穆子和平二年薨無子後以陽平

幽王第五子正後之為度支尚書正表引樂陵章武

之例求紹雒侯封紹付尚書議尚書奏聽襲封以明

興絕之義後加鎮東將軍詔曰故廣平殤王雖侯躰
 自恭宗茂年薨殞國除祀廢不祀忽諸正親同若子
 私繼歲久宜樹維城永茲磐石可特襲王爵後改封
 東平郡王卒改濟南王第四子獻襲獻薨子祖育襲
 任城康王雲景穆子雲薨長子文宣王澄太和中襲
 封澄薨第四子文王彞襲彞卒子度世襲

高平剛侯嵩任城康王子為蒼頭李大伯所害第二
 子携襲爵除給事中薨子景遠襲
 南康惠王禎景穆子禎薨子英改封中山王英累遷
 尚書僕射薨謚獻武王次子熙好學有文才然輕躁

浮動英慮非保家之主嘗欲廢之立第四子畧為世
 子宗義不聽略又固請乃止延昌二年襲封時領軍
 于忠執政熙忠之壻也驟遷平西將軍熙薨謚之曰
 文莊王長子景獻次仲獻次叔獻並與熙同遇害叔
 獻弟叔仁以年幼獲全襲先爵除征虜將軍復須遇
 害子琳襲熙弟誘亦被誅子始伯襲誘弟畧為爾朱
 榮所害謚曰文貞子景式襲略弟纂與熙俱死子獻
 襲

武邑王義興南安惠王子義興薨子述襲
 城陽康王長壽景穆諸子子多侯早卒次子鸞始繼

叔父章武敬王及兄卒還襲父爵鸞薨子徽宣武時襲封後爲爾朱兆所殺出帝初子延襲爵徽兄顯死於晉陽刺史子彥昭襲

章武敬王太維景穆諸子皇興二年薨無子孝文初以南安惠王第二子彬爲後襲爵彬卒長子融死王事子景哲襲景哲弟郎郎後廢帝子黃頭襲封安定王改封安平王融弟凝末熙二年終安東將軍兗州刺史子彥友襲武定中爲光祿大夫凝弟湛位至少卿遇害子俊襲

樂陵康王胡兒景穆子薨無子獻文詔胡兒兄汝陰王天賜之第二子末全復之襲封後改名思魯正始四年薨謚密王子景略宣武時襲封位至幽州刺史薨謚惠王子霸休襲

安定靖王休景穆子休薨長子安幼早卒次子燮襲燮薨子超襲時以胡珍國封安定公改封北平王後復本封遇害子孝景襲

樂安厲王長樂文成子以罪賜死於家子詮襲詮薨謚曰武康子鑿襲

廣川莊王略文成子太和四年薨子諧襲諧薨謚曰剛子靈道襲

河澗孝王若文成子年十六薨詔京兆康王子太安
爲後太安子若爲從弟非相後之義廢以齊郡王子
琛繼

安豐王猛獻文子太和中薨於營州刺史子延明襲
咸陽王禧獻文子以罪賜死正光中復禧王爵子坦
襲改封敷城王永安初復本封咸陽郡王

趙郡靈王幹獻文子幹薨長子謚宣武初襲封謚薨
謚曰貞景子毓襲莊帝初遇害謚曰宣恭無子詔以
謚弟讞子爲後襲爵

趙郡孝懿王謀靈王子莊帝初封魏郡王謀本年長
應襲王封其父靈王寵愛其弟謚以爲世子莊帝詔
復謀封趙郡王薨子煇襲

廣陵惠王羽獻文子羽薨子恭襲

高陽文穆王雍獻文子雍與嫡子大同時遇害太子
斌太兄安德縣公端與雍俱遇害子峻襲爵太弟濟
北郡王獻與雍俱遇害子徽普泰中襲爵後坐謀逆
伏法獻弟誕薨謚曰文獻無子以斌第二子子亮爲
後

彭城武宣王勰獻文子勰薨嫡子邵襲莊帝時遇害
子紹襲遷給事黃門侍郎靈太后詔曰故太師彭城

武宣王道隆德盛功高徽管協契先朝導揚末命扶
 濟濟難效漢比之誠送往奉居盡魯南之節宗社賴
 之以安皇基繇之末固而謙光守約屢擢增邑之賞
 辭多受少終保初錫之封非所謂追舊報恩念勲酬
 德者也可以前後所封戶別封三子為縣公食邑各
 一千戶庶以少慰亡蒐微申朝典子直封真定縣開
 國公以病卒子寬襲王爵始平貞王子正與兄邵俱
 同時遇害子欽襲

北海平王詳獻文子詳薨子顯襲後遇害子婆羅襲
 北濟趙郡貞王琛神武弟天平中薨子獻嗣獻遇害

子釐信嗣

陳留文恭王惠寶神武弟早亡以清河王嶽第十子
 敬文嗣

清河昭武王嶽神武從父弟天平中薨子勵嗣

廣平公盛神武從叔祖薨無子以兄子子瑗嗣天保
 初改封平昌王

長樂太守靈山神武族弟終於長樂太守子懿卒於
 武平鎮將無子文宣帝以靈山從父兄齊州刺史楚
 國子伏護為靈山後復護卒孫乂襲

陽周武昭公末樂高祖兄子末樂卒無子從兄恩宗

以第二子緒爲後襲爵天保初改封脩城郡王
永安簡平王浚神武子爲文宣所殺至乾明元年贈

太尉無子詔彭城王浹第二子淮嗣

平陽靖康王淹神武子河清三年薨子德素嗣

彭城景思王浹神武子河清三年遇害子寶德嗣位

開府兼尚書左僕射

上黨剛肅王渙神武子爲文宣帝所殺渙無嫡子庶

長子寶嚴以清河二年襲位金紫光祿大夫開府儀

同三司

襄城景王清神武子天保二年薨無子詔以嘗山王

演第二子亮嗣

高陽康穆王湜神武子天保十年薨子士義襲爵

博陵文簡王濟神武子天統五年薨子智襲爵

馮翊王潤神武子潤薨子茂德嗣

漢陽敬王維字敬延神武子天寶五年薨無子以任

城王第三子建德爲後

河南康獻王孝瑜文襄子武成時薨子弘節嗣

河澗王孝琬文襄子爲文宣所殺子正禮嗣

太原王紹德文宣子爲武成所殺武平元年詔以范

陽王子辦才爲後襲太原王

樂陵王百年孝昭子爲武帝所害後主詔以襄城王子自澤襲爵樂陵

琅邪王儼武成子爲後主所殺以平陽王淹孫世後嗣

後周邵惠公顥太祖長兄保定初追封長子什肥爲北齊神武所害追贈大冢宰襲爵郡公謚曰景

杞烈公連

一云簡公

邵惠公子魏末戰歿以章武公遵子

亮嗣之亮初封襲爵累遷宗師中大夫卒詔以弟椿爲烈公之後

虞國公仲太祖再從父保定中追封子興生值亂兵

與仲相失又幼冲莫知其戚屬遠近高祖以苾荏公

維嗣

宋獻公震文帝子尚西魏文帝女薨無子以世宗第三子寔爲嗣

隋義城縣公處綱高祖族父開皇初贈其父鍾蔡爲柱國尚書令義城縣公以處綱襲焉

河澗王行高祖從祖弟大業六年追封郇王子慶嗣滕穆王瓚高祖母弟開皇十一年薨子綸嗣以罪徙

朱崖大業中弟誵襲封滕王以奉穆王嗣

道悼王靜滕穆王子出繼叔父嵩嵩在周代以太祖

軍功賜爵興城公早卒高祖踐位追封道王謚曰宣以靜襲焉

衛昭王爽高祖異母弟開皇中薨子集初封遂安王尋襲封衛王

秦孝王俊高祖子開皇二十年爲妃崔氏所毒薨崔氏賜死二子浩湛不合承嗣煬帝即位以浩爲秦王以奉孝王嗣

蔡王智積高祖弟愨之子愨後周時戰死高祖受禪追封蔡王以智積襲焉

康末安莊王孝基高祖從父弟武德二年戰歿無子以從兄韶子道立爲嗣封高平郡王

長平肅王叔良高祖從父弟叔良薨子孝協嗣

襄武王琛高祖從父兄子武德三年薨子儉嗣

河澗元王孝恭齊武王弟貞觀十四年薨子崇義嗣

淮陽莊王道玄高祖從父兄子武德五年薨無子詔

封其弟武都郡公道明爲淮陽王令主道玄祀

衛懷王玄霸高祖子早薨無子武德元年追贈衛王

四年封大宗子泰爲宜都王以奉其祀泰後徙封於

越又以宗室贈西平王瓊之子保定爲嗣

巢刺王元吉高祖子以罪誅貞觀十六年追封以曹

王明為後

楚安王智雲高祖子武德元年追封無子三年以太宗子寬為嗣寬薨貞觀二年復以濟南公世都子靈龜嗣靈龜卒子福嗣

荆王元景高祖子永徽三年坐謀逆賜死後追封沉黎王以渤海王奉慈子長沙為嗣降爵為侯神龍初追復爵土并封其孫逃為嗣荆王

徐王元禮高祖子咸亨三年薨子淮南王茂嗣茂以流死振州神龍初封茂子瓘為嗣徐王瓘開元中卒子延年嗣二十六年封嗣徐王後坐賍貶杭郡司馬

卒永泰元年女壻黔中觀察使趙國珍入朝請以延年子前施州刺史諷為嗣因封嗣徐王

韓王元嘉高祖子以謀逆坐誅神龍初追復爵土并封其第五子訥為嗣韓王開元十七年卒子叔璩為嗣韓王

彭思王元則高祖子永徽二年薨無子以霍王元軌子絢嗣龍朔中封南昌王子志暕神龍初封嗣彭王鄭惠王元懿高祖子咸亨四年薨子敬上元初封為

嗣鄭王官至鄂州刺史神龍初又封敬嫡子希言為嗣鄭王

霍王元軌高祖子垂拱四年坐謀逆與長子緒俱死
神龍初追復爵土封緒男暉為嗣霍王

號莊王鳳高祖子上元元年薨子平陽郡王翼嗣官
至光州刺史永隆二年卒子寓嗣則天時失爵神龍

初封鳳嫡孫邕為嗣號王邕開元十五年卒子臣嗣
道孝王元慶高祖子麟德元年薨子臨淮王誘嗣官

至澧州刺史淳中中坐贓削爵次子詢壽州刺史詢
子徽神龍初封為嗣道王景雲元年卒子諫開元二

十五年襲封嗣道王
鄧康王元裕高祖子麟德二年薨無子以弟汪王子

詳子廣平公旦嗣神龍初封旦子孝先為鄧王景龍
四年制尚乘奉御事伯潛繼鄧王元裕後

晉王元名高祖子永昌中與子亶俱遇害封亶子津
為嗣舒王開元中卒子萬嗣天寶二年卒子藻嗣天

寶九載封嗣舒王建中元年九月改封嗣郢王
魯王靈巖高祖子永徽四年以罪自殺有二子長子

誥封清河王少子藹封范陽王為酷吏所陷神龍初
封藹子道堅為嗣魯王道堅卒子宇嗣寶應元年皇

太子封為魯王改宇為嗣鄒王宇薨子萃嗣
江安王元祥高祖子永隆元年薨中興初以元祥子

鉅鹿郡公晃子欽嗣江王

密貞王元曉高祖子上元三年薨子南安王穎嗣神龍初封穎弟亮子曇爲嗣密王開元五年五月制曰興滅國繼絕世天下歸心焉况乃仁不遺親德必在祀光復土宇率繇教義者哉故徐州刺史密王元曉望重天人地居藩屏家邦伊賴休戚是均乃者王室多難睿圖中缺凡我宗子咸從殛竄神龍初歲寶運紹興爰命近屬以爲後嗣而胄緒凋翳是非紛雜曇子乘隙妄尸茅土神且不歆非類人亦奚祀非族莫享無主永懷惻然其封元曉姪孫銀青光祿大夫行太僕少卿員外置同正員東莞郡開國公徹爲嗣密王以奉其祀

滕王元嬰高祖子文明元年薨子長樂王循琦嗣兄第六人垂拱中並陷詔獄神龍初以循琦弟循珂嗣天寶初卒子湛然嗣十二載封嗣滕王
吳王恪太宗子永徽中以罪誅有子四人仁瑋琨瓊並流于嶺表尋追封恪爲鬱林王神龍中封琨子祗爲嗣吳王

濮恭王泰太宗子永徽三年薨子欣封嗣濮王則天初陷酷吏獄貶昭州別駕卒子嶠本名餘慶中興初

封嗣濮王

蜀悼王愔太宗子乾封二年薨封子璠爲嗣蜀王末
昌中配流歸誠州而死神龍初以吳王恪孫郎陵王
瑋子榆爲嗣蜀王

蔣王暉太宗子上元年自殺子熾嗣垂拱中爲則天
所害子銑早卒神龍初封銑子紹宗爲嗣蔣王卒子
欽福嗣

越敬王真太宗子則天時與其子琅邪王冲謀復唐
室事敗而死開元四年十月癸未詔曰九族以親克
敦其教百代必祀允章厥德故越王貞執心不同臨

事能斷粵自藩國勤于王家光宅之後寶圖將缺懷
劉章之輔漢追鄭武之期周遂能奮不顧身率先唱
義雖英謀未尅而忠節居多嗣絕國除年踰二紀奠
享淪廢朕甚憫焉夫存或高功歿有明祀數屯則安
衆罹禍時泰則高陽紹封末言興繼式備典册其封
貞姪孫故許王男左監門衛將軍員外置同正員夔
國公琳爲嗣越王以奉其祀

紀王慎太宗子則天時流死中興初追復官爵令以
禮改葬封慎少子鐵誠爲嗣紀王後改名澄開元初
歷德棣冀三州刺史左驍衛將軍薨子行周嗣

江殤王囂太宗子貞觀六年薨以吳王恪孫玄為嗣
江王景龍四年以吳王孫禘繼江王囂後

趙王福太宗子貞觀中出繼隱太子建成咸亨元年
薨中興初封蔣王暉孫思順為嗣趙王

曹王明太宗子末隆中坐與庶人賢通謀自殺有二
子南州別駕零陵王俊黎國公傑垂拱中並遇害中

興初封傑子裔為嗣曹王裔叔父備自南州還又封
備為嗣曹王後備詔慰忠州叛獫沒于賊又封裔為

王卒子戢嗣戢卒子臯嗣

澤王上金高宗子載初元年武承嗣使酷吏周興誣

告上金自縊死子義璉義珍義玫義璋義環義瑾義

璣七人並配流死神龍初追復爵土開元十四年四

月制曰先親之義所以敦叙廣封之道所以利達故

澤王男義珣漸慶元族分榮帝系早承光寵列在戚

藩中因間言久不立嗣既宗英有譽而拜翰用崇宜

順景封之典俾弘宅土之命可封嗣澤王先是義珣

竄在嶺外匿於傭保之間及紹封無幾有人告珣非

上金子假冒寵爵義珣不能自明復流于嶺外開元

初封許王素節之子璆為嗣澤王繼上金後十二年

玉真公主表稱義珣寔上金遺裔被嗣許王璆兄弟

利其封爵謀構廢之繇是削瑒王爵復詔義珣爲嗣
王拜率更令因是諸宗室非本宗襲爵自中興已後
外繼爲嗣王者皆令歸宗削其爵邑貞元五年十二
月封故澤王諱男潤爲嗣澤王

許王素節高宗子則天時與子九人並遇害惟少子
琳璿瑒欽故以年少特令長禁雷州神龍初封璿爲
嗣許王璿開元十一年爲衛尉卿以抑伯澤王上金
男義珣不得承襲以弟瑒繼之玄宗遽遣璿爲鄂州
別駕於是下詔繼其外繼乃以故澤王上金男義珣
爲嗣澤王江王禕爲信安郡王嗣蜀王榆爲廣漢都

王嗣密王徹爲濮陽郡王嗣曹王臻爲濟國公嗣趙
王璿爲中山郡王武陽郡王維宗爲澧國公璿天寶
六載卒贈蜀郡大都督璿晚有子命瑒子益爲嗣及
卒有解需二子皆幼孺十一載益襲封許王十四載
解娶楊銛女乃襲許王

雍王賢高宗子爲則天所譖廢爲庶人幽於別所未
淳二年遷於巴州自殺追封爲雍王子守禮授太子
洗馬封爲雍王

讓皇帝憲睿宗子累封寧王開元二十八年薨追冊
爲皇帝長子汝陽郡王璿肅宗元年建辰月嗣寧王

璿薨以其子太嘗寺寺丞擢為嗣寧王食邑三千戶仍試太僕少卿

惠莊太子撫睿宗子初封申王無子開元七年正月制曰建侯樹藩命賢裂土以悖戚屬乃率典嘗司徒

兼絳州刺史上柱國申王撫玉林分彩銀河疏液厥保慶靈未繁裔緒宋王憲男嗣英

一云宋王男珣

魯庭學禮

楚館聞詩德輝日盛忠槩寡立宜其擇猶子之序居承嫡之位廬江太郡形勝攸屬用圖爾居莫如茲地是錫分珪之寶俾成磐石之崇可封懷寧郡王食邑

三千戶嗣英早卒撫開元十二年薨天寶三載又以讓帝子疇為嗣申王

岐王範睿宗子開元十四年薨子瑾封河東郡王暴卒天寶三載以惠宣太子男略陽公珍為嗣岐王

惠宣太子業睿宗子初封薛王開元二十二年薨子珣封嗣薛王

奉天皇帝琮玄宗子累封慶王天寶十一載薨無子十三載十一月封故靖德太子男休為嗣慶王

王欽若等

曰唐自玄宗已後皇子封王王子封郡王不任嗣襲故此後皆闕

梁廣王全昱太祖長兄貞明中卒封長子衡王友諒為嗣廣王

册府元龜

巡按福建監察御史臣李嗣京 訂正

新建縣舉人 臣戴國士參閱

知建陽縣事 臣黃國琦較釋

宗室部 二十四

忠一

傳曰忠為令德蓋策名委質有死無二之謂也乃有
體自天極列于藩維承光日月同休宗社而內懷明
德發於精衷自晦以掩君惡建義以雪國耻定策佐
命以安天下扶危持顛以濟大難守節而無苟拒惡

而靡憚勵恭慎之節竭謨明之效周旋攸助彌綸罄
 盡奉侍勤瘁誠言敦篤至或挺身變亂而罹害感慨
 宗國而亡身抗志不撓瞑目無悔斯皆仁厚成於自
 然純亮表於性質挺成一之德隆在三之義千載之
 下凜乎其有生氣矣

商箕子紂之親戚也紂為淫泆箕子諫不聽人或曰
 可以去矣箕子曰為人臣諫不聽而去是彰君之惡
 而自悅於民吾不忍為也乃被髮佯狂而為奴

漢燕王澤聞呂太后終澤乃曰帝少

王欽若等曰帝謂呂后所立惠

帝後宮子疆

諸呂用事諸劉孤弱引兵與齊王合謀西欲

誅諸呂至梁聞漢灌將軍屯滎陽澤還兵備西界遂

跳驅至長安

齊王傳云使祝午給琅邪王琅邪王馳見齊王齊王因留琅邪王而使祝午盡

發琅邪國而并將其兵琅邪王既見欺不得反國乃說齊王求入問計事齊王以為然乃益具軍送琅邪王與此傳不同疑此傳誤也代王亦從代至諸將相與琅邪王共

立代王是為孝文帝

衡山王勃景帝初七國反吳使者至衡山衡山王堅
 守無心吳楚已破衡山王來朝帝以為貞信乃勞苦
 之日南方卑濕徙王於濟北以褒之

濟北王胡以為武帝且封禪上書獻泰山及其旁邑
 天子以它縣償之

武平侯璜王莽居攝一年以舉兵誅莽死
陵鄉侯曾王莽建國六年以舉兵欲誅莽死

後漢慎侯賜光武族兄更始初封賜為宛王典將六
部伯升初起置後赤眉破更始所賜領六部亦稍散
六部之兵

畔乃去宛保育陽聞光武即位西之武關迎更始妻
子將詣維陽帝嘉賜忠故封為慎侯

劉虞為幽州牧就拜太尉初平二年冀州刺史韓馥
勃海太守袁紹及山東諸將議以朝廷幼冲逼於董

卓遠隔關塞不知存否虞以宗室長者欲立為主乃
遣故樂浪太守張岐等齎議上虞尊號虞見岐等厲

色叱之曰今天下紛亂主上蒙塵吾被重恩未能清
雪國恥諸君各據州郡宜共戮力盡心王室而反造

逆謀以相垢誤耶故拒之馥等又請虞領尚書事承
制封拜復不聽遂收斬使人

魏曹洪字子廉太祖從弟也太祖起義兵討董卓至
滎陽為卓將徐榮所敗太祖失馬賊追甚急洪下以

馬授太祖太祖辭讓洪曰天下可無洪不可無君遂
步從到汴水水深不得渡洪循水得船與太祖共濟

還奔譙

齊王族祖罔字元首魏世諸侯王多所抑損罔上書

曰臣聞古之王者必建同姓以明親親必樹異姓以明賢賢故傳曰庸勳親親昵近尊賢書曰克明俊德以親九族詩曰懷德維寧宗子維城由是觀之非賢無與興功非親無與輔治夫親親之道專用則其漸也微弱賢賢之道偏任則其弊也劫奪先聖知其然也故博求親疎而並用之近則有宗盟藩衛之固遠則有仁賢輔弼之助盛則有與共其治衰則有與守其土安則有與享其福危則有與同其禍夫然故能有國家保其社稷歷紀長久本支百世也今魏尊賢之法雖明親親之道未備詩不云乎鵲鳴在原兄弟急難以斯言之明兄弟相救於喪亂之際同心於憂禍之間雖有閭墻之忿不忘禦侮之事何則憂患同心也今則不然或任而不重或釋而不任一且疆場稱警閨門反拒股肱不扶胸心無衛臣竊惟此寢不安席思獻丹誠貢策天闕謹撰合所聞叙論成敗論凡數千言是時天子勿雅問真以此論感悟曹爽爽不能納

蜀北地王諶景耀末鄧艾兵至譙周勸後主降後主將從譙周之策諶怒曰若理窮力屈禍敗必及便當父子君臣背城一戰同死社稷以見先帝可也後主

不納遂送璽綬是日譔哭於昭烈之廟先殺妻子而後自殺左右無不爲泣者

晉惠帝西遷范陽王虓與從兄平昌公模長史馮嵩等刑白馬歃血而盟推東海王越爲盟主虓都督河北諸軍事驃騎將軍持節領豫州刺史劉喬不受越等節度乘虛破許虓自拔渡河王浚表虓領冀州刺史資以兵馬虓入冀發兵又南濟河破喬等河澗王顥聞喬敗斬張方傳首於越越與虓西迎帝而顥出奔於是奉天子還都拜虓爲司徒

齊王攸爲驃騎將軍每朝政大議悉心陳之

汝南王亮爲太宰錄尚書事楚王瑋有勲而好立威亮憚之欲奪其兵權瑋甚憾乃承賈后旨誣亮與衛瓘有廢立之謀矯詔遣其長史公孫宏與積弩將軍李肇夜以兵圍之帳下督李龍自外有變請距之亮不聽俄然楚兵登墻而呼亮驚曰吾無二心何至於是有詔書其可見乎宏等不許促兵攻之長史劉準謂亮曰觀此必是姦謀府中俊又如林猶可盡力距戰又弗聽遂爲肇所執乃歎曰我之忠心可破示天下也如何無道枉殺不辜是時大熱兵人坐亮于車下時人憐之爲之交扇將及日中無敢害者瑋出

今日能斬亮者賞布千匹遂爲亂兵所害投于北門之壁鬚髮耳鼻皆悉毀焉

淮南王允元康九年入朝初愍懷之廢議者將立允爲大弟會趙王倫廢賈后詔遂以允爲驃騎將軍開府儀同三司侍中都督如故領中護軍允性沈毅宿衛將士皆敬服之倫既有僭逆志允陰知稱病不朝密養死士潛謀誅倫倫甚憚之轉爲太尉外示優崇實奪其兵也允稱病不拜倫遣御史逼允收官屬以下劾以大逆允恚視詔乃孫秀手書也大怒便求御史將斬之御史走而獲免斬其令二人厲色謂左右

曰趙王欲破我家遂率國兵及帳下七百人直入大呼曰趙王反我將攻之佐淮南王者左祖於是歸之者甚衆允將赴宮尚書左丞王興閉東掖門允不得入遂圍相府允所將兵皆淮南竒才劔客也與戰頻敗之倫兵死者千餘人太子左率陳徽勒東宮兵鼓譟於內以應允結陳於承華門前弓弩齊發射倫飛矢雨下主書司馬畦秘以身蔽倫箭中其背而死倫官屬皆隱樹而立每樹輒中數百箭自辰至未徽兄淮時爲中書令遣麾騶虞幡以解圍倫子虞爲侍中在門下省密要壯士約以富貴於是遣司馬督護伏

裔領騎四百從宮中出舉空版詐言有詔助淮南王
允允不之覺開陣納之下車受詔爲裔所害時年二
十九初倫兵敗皆相傳曰已擒倫矣百姓大悅既而
聞允死莫不歎息

齊王冏趙王倫密與相結廢賈后以功轉遊擊將軍
冏以位不滿意有恨色孫秀微覺之且憚其在內出
爲平東將軍假節鎮許昌倫篡遷鎮東大將軍開府
儀同三司欲以寵安之冏因衆心怨望潛與離狐王
盛潁川王處穆謀起兵誅倫倫遣腹心張烏覘之烏
反曰齊無異志冏既有成謀未發恐事泄乃與軍司

管襲殺穆送首與倫以安其意謀定乃收襲殺之遂
與豫州刺史何勗龍驤將軍董艾等起兵遣使告成
都河澗掌山新野四王移檄天下征鎮州郡縣國咸
使聞知揚州刺史郗隆承檄猶豫未決參軍王邃斬
之送首于冏冏屯軍陽翟倫遣其將冏和張泓孫輔
出堦坂與冏交戰冏軍失利堅壘自守會成都軍殺
倫衆於黃橋冏乃出軍攻和等大破之及王與廢倫
惠帝反正冏誅討賊黨既畢率衆入雒垣軍通章署
甲士數十萬旌旗器械之盛震於京都天子就拜大
司馬加九錫之命備物典策如宣景文武輔魏故事

問於是輔政居攸故宮

成都王穎轉鎮北大將軍趙王倫之篡也進征北大將軍加開府儀同三司及齊王冏舉義穎發兵應冏以鄴令盧志爲左長史頊丘太守鄭琰爲右長史黃門侍郎程收爲左司馬陽平太守和演爲右司馬使兗州刺史王彥冀州刺史李毅督護趙驥石超等爲前鋒羽檄所及莫不響應至朝歌衆二十餘萬趙驥至黃橋爲倫將士荷許超所敗死者八千餘人士衆驚駭穎欲退保朝歌用盧志王彥策又趙驥率衆八萬與王彥俱進倫復遣孫會劉琨等率三萬人與荷超

合兵距驥等精甲耀日鐵騎前驅荷既戰勝有輕驥之心未及溫十餘里復大戰荷等奔潰穎遂過河乘勝長驅左將軍王輿殺孫秀幽趙王倫迎天子反正穎入京都誅倫使趙驥石超等助齊王冏攻張泓於陽翟泓等遂降冏始率衆入雒自以首建大謀遂擅威權穎營于大學及入朝天子親勞焉

東海王越初爲中書令徙侍中遷司空領中書監成都王穎攻長沙王乂固守雒陽殿中諸將及三部司馬疲於戰守密與左衛將朱默夜收乂別省逼越爲主啓惠帝免乂官事定越稱疾遜位帝不許加守尚

書令太安初帝北征鄴以越爲大都督六軍敗越奔
下邳徐州都督東平王琳不納越徑還東海成都王
穎以越兄弟宗室之美下寬令招之越不應命帝西
幸以越爲太傅與太宰顥夾輔朝政讓不受東海中
尉劉洽勸越發兵以備穎越以洽爲左司馬尚書曹
馥爲軍司既起兵琳懼乃以州與越越以司空領徐
州都督以琳領兗州刺史越三弟並據方任征伐輒
選刺史守相朝士多赴越而河澗王顥挾天子發詔
罷越等皆令就國越唱義奉迎大駕還復舊都率甲
卒三萬西次蕭縣豫州刺史劉喬不受越命遣子祐
距之越軍敗范陽王虓遣都護田徽以突騎八百迎
越遇祐於譙祐衆潰越進屯陽武山東兵盛關中大
懼顥斬送張方首求和尋變計距越越率諸侯及鮮
卑許扶歷駒次宿歸等步騎迎惠帝反雒陽詔越以
大傅錄尚書以下邳濟陽二郡增封及懷帝即位委
政於越吏部郎周穆清河王暉舅越之姑子也與其
妹夫諸葛玖共說越曰主上之爲大帝張方意也清
河王本太子爲群凶所廢先帝不諱多疑東宮公盍
思伊霍之舉以寧社稷乎言未卒越曰此豈宜言耶叱
左右斬之以玖穆世家罪止其身因表除三族之法

譙王承爲湘州刺史王敦構難遣參軍桓羆說承以
劉隗專寵令便討擊請承以爲軍司以軍期上道承
歎曰吾其死矣地荒人鮮勢孤援絕赴君難忠也死
王事義也惟忠與義夫復何求便欲唱義而衆心疑
惑承曰吾受國恩義無有二府長史虞惺慷慨有志
節謂承曰王敦居分陝之任而一旦作逆天地所不
容人神所痛疾大王宗室藩屏寧可從其僞邪使其
電奮存亡以之於是與惺及弟前丞相掾望建昌太
守長沙王循衡陽太守淮陵劉翼等共盟誓因桓羆
馳檄湘州指期至巴陵零陵太守尹奉首同義謀出
軍營陽於是一州之內皆同義舉乃使虞望討諸不
服斬湘東太守鄭澹澹敦姨夫也敦遣南蠻校尉魏
又將軍李嘗田嵩等甲卒二萬以攻承承且戰且守
待救於尹奉虞望而城池不固人情震恐或勸承南
投陶侃又云可退據零桂承曰吾舉義衆志在死節
寧偷生苟免爲奔敗之將乎事之不濟其令百姓知
吾心耳城沒被害

宋江夏王義恭遷侍中未拜元凶邵肆逆遣召義恭
先是詔召太子及詔諸王各有嘗人慮有詐妄致害
者至是義恭求嘗所遣傳詔邵遣之而後人義恭請

罷兵凡府內兵仗並送還臺進位太保服侍中服又
頌太宗師世祖入討邵疑義恭有異志使入任尚書
下省分諸子並住神虎門外侍中下省邵聞世祖已
次近路欲悉力逆之決戰中道義恭慮世祖船乘邵
小邵豕突中流容能爲患乃進說曰割棄南岸柵斷
石頭此先朝舊法以逸待勞不憂不破也邵從之世
祖前鋒至新亭邵挾義恭出戰嘗錄在左右故不能
自援戰敗使義恭於東堂閣將義恭先使人具船於
東冶渚因單馬南奔始濟淮追騎已至北岸僅然得
免邵大怒遣始興王濬就西省殺義恭十二子世祖
時在新林浦義恭既至上表勸世祖卽位

彭城王義康錄尚書事文帝有虛勞疾每意有所想
便覺心中痛裂屬續者相係義康入侍醫藥盡心衛
奉湯藥飲食非口所嘗不進或連夕不寐彌日不解
衣內外衆事皆專決施行

建平王宏文帝第七子元凶弒立以宏爲左將軍丹
陽尹又以爲散騎嘗侍領軍將軍江州刺史祖入討
邵錄宏殿內世祖先嘗以一手板與宏宏遣左右親
信周法道齋手板詣世祖事平以爲尚書左僕射使
奉迎太后

營浦侯遵考子琨之爲竟陵王誕司空主簿誕作亂以爲中兵參軍不就繫繫數十日終不受乃殺之追贈黃門郎詔吏部尚書謝莊爲之誄

南郡王義宣爲荆雍都督元嘉三十年遷司徒中軍將軍揚州刺史侍中如故未及就徵值元凶弒立以義宣爲中書監太尉領司徒侍中如故義宣聞之即時起兵徵聚甲卒傳檄遠近會世祖入討義宣遣參軍徐遺寶率衆三千助爲前鋒

劉韞長沙王道憐之孫爲宣城太守晉安王子勛爲亂大衆屯據鵲尾攻逼宣城于時四方牧守莫不同逆惟韞棄郡赴朝廷太宗嘉其誠以爲黃門郎太子中庶子侍中

劉襲長沙王道憐之孫爲安城太守晉安王子勛爲逆襲據郡拒之勛遣軍攻圍不能下太宗嘉之以爲郢州刺史封建陽縣侯食邑五百戶

南齊豫章王嶷嘗謂世祖曰古來言願陛下壽等南山或稱萬歲此殆近貌言如臣所懷實願陛下極壽百年亦足矣帝曰百年復何可得止得東西一百於事亦濟

南康縣侯子恪建武中遷輔國將軍吳郡太守及司

馬王敬則於會稽舉兵反奉子恪爲名明帝悉召子恪子弟親從七十餘人入西省至夜當害之會子恪棄郡奔歸是日亦至明帝乃止以子恪爲太子中庶子

梁長沙元王弟藻出爲使持節督南徐州刺史侯景亂藻遣長子或率兵入援及城開加散騎嘗侍大將軍景遣其儀同蕭邕代之據京口藻因感氣疾不自療或勸奔江北藻曰吾國之台鉉任寄特隆既不能誅剪逆賊正當同死朝廷安能投身異類欲保餘生因不食累日薨

尋陽王大心爲郢州刺史大同七年徵爲侍中兼石頭戍軍事太清元年爲雲麾將軍江州刺史二年侯景寇京邑大心招集士卒遠近之衆至數萬與上流諸軍赴援宮闕三年城陷上平侯蕭韶南奔宣密詔加散騎嘗侍進號平南將軍

南郡王大連太清元年出爲使持節輕車將軍東揚州刺史侯景入寇京都大連率衆四萬來赴及臺城沒援軍散復歸揚州

河東王譽爲南中郎將湘州刺史未幾侯景寇京邑譽率軍入援至青草湖臺城沒有詔班師

南浦侯淮安城王秀子也侯景之亂守東府城陷握節死之

邵陵王綸太清二年侯景反既陷東府城綸率四豐公大春新塗將軍永安侯確趙武將軍安南鄉侯駿前譙州刺史趙伯超武州刺史蕭弄璋步兵較尉尹思何等馬步三萬發自京口直據鍾山景黨大駭具船舟咸欲逃散分遣萬餘人距綸綸擊大破之斬首千餘級旦日景復陳兵覆舟山北綸亦列陣以待之景不進相持會日暮景引軍還安南鄉侯駿率數十騎挑之景回軍與戰駿退時趙伯超陳於玄武湖北見駿急不赴乃率軍前走衆軍因亂遂敗績綸奔京口賊盡獲輜重噐甲斬首數百級生俘千餘人景既攻臺城綸與臨成公大連等自東道集于南岸荊州刺史湘東王遣世子方等兼司馬吳畢天門太守樊文皎下赴京師營于湘子岸前高州刺史李廷任前司州刺史羊鴉仁又率兵繼至既而鄱陽世嗣永安侯礪羊鴉仁李廷任樊文皎率衆渡淮攻賊東府城前柵破之遂結營于青溪水東景遣其儀同宋子仙頰南平王第緣水西立柵相拒景食稍盡至是米斛數十萬人相食者十五六初援兵北岸百姓扶老携幼

以侯王師終得過淮便競剽掠賊黨有欲自拔者聞之咸止邵陵攜王綸子確爲太子舍人鍾山之役若戰所向披靡及侯景乞盟憚確在外慮爲後患故求召確入城詔乃召確爲南中郎將廣州刺史確知此盟多貳城必淪沒因欲南奔攜王聞之逼確使入確猶不肯攜王流涕謂曰汝欲反邪時臺使周石珍在坐確謂石珍曰侯景雖云欲去而不解長圍以意而推其事可見今召我入未見益也石珍曰勅旨如此侯豈得辭確執意猶堅攜王大怒謂趙伯超曰譙州卿爲我斬之當齎首赴闕伯超揮刃盼曰我識君耳刀豈識君確於是流涕而出遂入城及景背盟復圍城城陷確排闥而入啓高祖曰城已陷矣高祖曰猶可一戰不對曰不可臣向親格戰勢不能禁自繼下城僅得至此高祖歎曰自我得之自我失之亦復何恨乃使確爲慰勞文確既出見景景愛其膂力嘗令在左右先是攜王遣人密導確確出謂使者曰侯景輕佻可一夫力致確不惜死正欲手刃之但未得其便耳鄉還啓家王願勿以爲念也事未遂而爲賊所害山桑侯會理南康簡王績之子太清二年侯景圍京邑會治嚴將入援會北徐州刺史封山侯正表將應

其兄正德外託赴援實謀襲廣陵會理擊破之方得
進路臺城陷侯景遣前臨江太守董紹先以高祖手
勅召會理其僚佐咸勸距之會理曰諸君心事與我
不同天子年尊受制賊虜今有手勅召我入朝臣子
之心豈得違背且遠處江北功業難成不若身赴京
都圖之肘腋吾計決矣遂席卷而行以誠輸紹先至
京景以爲侍中司空兼尚書令雖在寇手每思興復
與西鄉侯歡等布心腹要結壯士時范陽祖皓斬董
紹先據廣陵城起義期于會理爲內應皓敗狀辭相
連及景矯詔免會理官猶以白衣領尚書令是冬景
往晉熙京師虛弱會理復與柳敬禮謀之曰舉大事
必有所資今無寸兵安可以動會理曰湖熟有吾舊
兵三千餘人昨來相知尅期響集聽吾日定便至京
師計賊守兵不過千人耳若大兵外攻吾等內應立
取王偉事必有成縱景後歸無能爲也敬禮曰善因
贊成之于時百姓厭賊咸思用命自丹陽至于京口
靡不同之後事不果與建安侯通理並遇害
建安侯通理南康簡王績之次子也太清中侯景內
寇聚賓客數百輕裝赴南兖州隨兄會理入援嘗親
當矢石爲士卒先及城陷又隨會理還廣陵因入齊

爲質乞師行日會侯景遣董紹先據廣陵遂追會理
因爲所獲紹先防之甚嚴不得與兄弟相見乃僞請
允還京得入辭母謂其姊安固公主曰事既如此豈
可合家受斃兄若至願爲言之善爲計自免勿賜以
爲念也家國阽危雖死非恨前途亦思立效未知天
命如何耳至京以魏降大元貞立節忠正可以託孤
乃以玉柄扇贈之貞怪其故不受通理曰後當見憶
幸勿推辭會祖皓起兵通理奔長蘆收軍得千餘人
其左右有應賊者因聞劫會理其衆遂駭散爲景所
害時年二十一元貞始悟其前意徃收葬焉

瀏陽公大雅簡文公之子也太清三年京城陷賊已
乘城大雅猶命左右格戰賊至漸衆乃自縊而下因
發憤感疾薨時年十七忠壯世子方等少聰敏有俊
才初高祖欲見諸王長子世祖遣方等入侍方等欣
然升舟冀免憂辱行至繇水值侯景亂世祖召之方
等啓曰昔申生不愛其死方等豈顧其生世祖省書
歎息知無還意乃配步騎一萬使援京都賊每來攻
方等必身當矢石宮城陷方等歸荊州收集士馬甚
得衆和世祖始歎其能方等又勸修築城柵以備不
虞既成樓雉相望周回七十餘里世祖觀之甚悅河

東王爲湘州刺史不受都府之令方等乃乞征之世祖許焉拜爲都督令帥精卒二萬南討方等臨行謂所親曰吾此段出征必死無二死而獲所吾豈愛生及至麻河溪河東王率軍逆戰方等擊之軍敗遂溺死時年二十二

宜豐侯脩爲梁秦二州刺史時兄嗣鄱陽王範在湓城頗有異論武陵王大生疑防流言囁啗脩深自分釋求送質子并請助防武陵王乃遣從事中郎蕭固諮以當世之事且觀脩意脩滂泣爲言忠臣孝子之節王敬納之故終修之時不爲不義一夕忽有狗據脩所卧床而卧脩曰此其戎乎因大脩城壘承聖元年魏將達奚武來攻脩遣記室參軍劉璠至益州求救於武陵王紀紀遣將楊乾運援之拜脩隋郡王璠還至嶓嶓乃降于魏乾運班師璠至城下說城中降魏脩數之曰卿不能死節反爲說客邪命射之聞信遣至荊州元帝遣與相聞脩遣諮議虞蕃致武牛酒武謂曰梁已爲侯景所敗王何爲守此孤城修荅守之以死誓爲斷頭將軍

陳長沙王叔堅始興王叔陵弟也宣帝弗豫叔堅陵等並從後主侍疾叔陵陰有異志乃命典藥吏曰切

藥刀甚銳可礪之及宣帝不諱倉卒之際又命其左右於外取劔左右弗悟乃取朝所服佩木劔以進叔陵怒叔堅在側聞之疑有變伺其所爲及翌日小飲叔陵哀剗藥刀進斫後主中項後主乳母樂安吳俱以身捍之獲免叔堅自後扼叔陵擒之并奪其刀將殺之間後主曰即盡之爲待也後主不能對叔陵舊多方湏臾奮得脫出雲龍門入於東府城兵敗走趨新林蕭摩訶追斬之

岳陽王叔慎禎明元年出爲持節都督湘衡桂武四州諸軍事智武將軍湘州刺史三年隋師濟江破臺城前刺史晉熙王叔文巴州刺史畢寶荊州刺史陳紀並降隋行軍元帥清河公楊素兵下荆門別遣其將龐暉將兵略地南至湘州城內將士莫有固志克日請降叔慎乃置酒會文武僚吏酒酣叔慎歎曰君臣之義盡於此乎長史謝基伏而流涕湘州助防遂興侯正理在坐乃起曰主辱臣死諸君獨非陳國之臣乎今天下有難寔是致命之秋也縱其無成猶見臣節青門之外有死不能今日之機不可猶豫後應者斬衆咸許諾乃殺牲結盟仍遣人許奉降書於龐暉信之克期而入叔慎伏甲待之暉令數百人屯於

城門自將左右數十人入于廳事俄而仗兵發縛暉之以徇盡擒其黨皆斬之叔慎坐於射堂招合士衆數日之中兵至五千人衡陽太守樊通武州太守鄔君業皆請赴難未至隋遣中牟公薛胄爲湘州刺史聞麗暉死乃益兵隋又遣行軍總管劉仁思救之未至薛胄兵次鵝羊山叔慎遣正理及樊通拒之因大合戰自旦至于日昃隋軍迭息而正理兵少不敵於是大敗胄乘勝入城生擒叔慎是時鄔君業率其衆自武州來赴出橫橋江聞叔慎敗績乃頓于新康口隋總管劉仁思兵亦至橫橋據水置營相持信宿因合戰君業又敗仁思虜叔慎正理君業及其黨與十餘人秦王斬之于漢口叔慎時年十八

冊府元龜卷終

冊府元龜卷第二百八十六

巡按福建監察御史臣李嗣京 訂正

分守建南道左布政使臣胡維霖 參閱

知建陽縣事 臣黃國琦較釋

宗室部 二十五

忠第二

後魏高涼王孤平文皇帝之第四子也烈帝顧命迎立昭成群臣咸以新有大故宜立長君大人梁蓋等共推孤孤不肯乃自詣鄴奉迎請身留為質石季龍義而從之昭成王即位乃分國半部以與之

上谷公紇羅神元皇帝之曾孫也初從道武自孤獨如賀蘭部與弟建勸賀蘭訥推道武爲王

文安公泥國之踈族也性忠直道武厚遇之元城侯屈子磨渾少爲明元所知元紹之逆也明元潛隱於外磨渾與叔孫詐云明元所在紹使帳下二人隨磨渾往窺爲逆磨渾既得出便縛帳下詣明元斬之帝得磨渾大喜爲羽翼以勲賜爵長沙公拜尚書

陰平王烈剛武有智略元紹之逆百僚莫敢有聲惟烈行出外詐附紹募執明元紹信之自延秋門出遂迎立明元以功進爵陰平王

武遂子拔于遼西公意烈子道武以宗親委之心腹屢效忠勤明元踐祚賜爵武遂子

順陽王郁桓帝之後也少惠正允直文成時位殿中尚書賜爵順陽公文成末乙渾專權郁從順德門入欲誅渾渾窘怖遂奉獻文臨朝後謀殺渾爲渾所誅獻文錄郁忠正追贈順陽王謚曰簡

南平公日辰桓帝之後也乙渾謀亂日辰與順陽王郁謀殺之事發逃免獻文傳位以有定策功進爵爲王

東陽公丕烈帝之孫也乙渾謀反丕以奏聞詔收渾

誅之

河間公齊烈帝之玄孫也少雄傑魁岸太武征赫連昌大武馬蹶賊逼帝齊以身蔽拒決死力戰賊乃退帝得上馬是日微齊帝幾至危殆帝以微服入其城齊固諫不許乃與數人從帝入城內既覺諸門悉閉帝及齊等因入其宮中得婦人裾繫之槩上帝乘而上因此得拔於難齊有力焉賜爵浮陽侯

任城王禎性忠謹孝文徵赴講武引見戒之日每欽忠懿思一言展故因講武遠徵赴闕

建中伯志河間王齊之孫爲給事郎中郎孝文南征微服觀戰所有箭欲犯帝志以身障之帝便得免矢中志目因此一目喪明以志行嘗州事

安樂王長樂子詮爲定州刺史及京兆王愉之反詐言國變在北州鎮咸疑朝廷有豐遣使觀詮動靜詮具以狀告州鎮帖然愉奔信都詮與李平高殖等四面攻燒愉突門而出尋除侍中兼以告首之功除尚書左僕射

彭城王勰孝文時爲尚書監侍中正中軍大將軍開府勰表以一歲國秩職俸親恤以禪軍國詔曰割身存國理爲遠矣但汝以親乃減已助國職俸便停親

國二事聽三分受一孝文不豫勰內侍醫藥外總軍國之務遐邇肅然人無異議徐謩當世之上醫也先是假還雒陽及召至勰引之別所泣涕執手而謂之曰君今世元化至尊氣力危惓願君竭心善思方治若聖體日康令四海有賴當獲意外之賞不然便有不測之誅非但榮辱乃存亡由此君其勉之左右見者莫不嗚咽及引入蹇便欲進治勰以孝文神力虛弱惟令以食味消息勰乃密爲壇於汝水之濱依周公故事告天地顯祖請命乞以身代孝文日有瘳後自懸瓠幸鄴勰嘗侍坐輿輦晝夜不離於側飲食必

嘗之而後手自進御從孝文征沔北還以功爲司徒太子太傅侍中如故俄而蕭寶卷將陳顯達內寇孝文復親討之詔勰使持節都督中外諸軍事總攝六師是時孝文不豫勰辭曰臣侍疾無暇六軍須有所託事不兩興情力又竭更請一王總當軍要孝文曰治我侍疾皆憑於汝牽病如此吾深慮不濟安六軍保社稷者捨汝而誰何容更請人以違心寄宗祏所賴惟在於汝諸葛孔明異姓受託而况汝乎行次滎陽孝文謂勰曰吾患轉惡汝其努力車駕至馬圈去賊營數里顯達等出戰諸將大破之勰部分諸將攻

賊壘其夜奔追孝文疾甚謂勰曰脩短命也死生大分今吾氣力危憊當成不濟矣雖敗顯達國家安危在此一舉社稷所仗惟在汝身霍子孟以異姓受付况汝親賢可不勉也勰泣曰士於布衣猶爲知己盡命况臣託靈先皇聯暉陛下誠應竭股肱之力加以以忠貞但臣出入喉膺每跨時要及於寵靈輝赫聞之遐邇涕參宰臣機政畢歸震主之聲風忌必矣此乃周旦遁逃成王疑惑陛下愛臣便爲未盡始終之美非所以惡華捐勢非所以辭勤請逸正希仰成陛下日鏡之明下念愚臣忘退之禍孝文久之曰吾尋

思汝言理實難奪乃手詔宣武曰汝第六叔勰清規赫賞與白雲俱潔厭榮捨綬以松竹爲心吾少與綢繆提攜道趣每請解朝纓恬真兵整吾以長兄之重未忍離邊何容仍屈素業長嬰世網吾百年之後其聽勰辭蟬捨冕遂其冲提之性也使成王之明讎從爾舉不亦善乎汝爲孝子勿違吾勅及孝文不起于行宮遇秘喪事獨與右僕射任成王澄及入如平嘗視疾進膳可決外奏累日達宛城乃夜進安車於郡廳事得加歛禭還載卧輿六軍內外莫有知者遣中書舍人張儒奉詔徵宣武會駕梓宮至魯陽乃發喪

行服宣武即位勰跪授孝文遺勅數紙咸陽王禧疑勰爲變停在魯陽郡外久之乃入謂勰曰汝非但辛勤亦危險至極勰恨之對曰兄識高年長故知有夷險彥和握蛇騎虎不覺艱難禧曰汝恨吾後至耳自孝文不豫勰嘗居中親侍醫藥夙夜不離左右至於衣冠不解亂首垢面帝患多忿因之以遷怒勰每被誚詈言至厲切威責近侍動將誅斬勰承顏悉心多所規濟及孝文昇遐陳顯達奔遁始爾慮凶問洩漏致有逼迫勰內雖悲慟外示吉容出入俯仰神貌無異及至魯陽也東宮官屬多疑勰有異志竊懷防懼而勰推誠盡禮卒無纖芥宣武立頗幸勰第及京兆廣平暴虐不法詔宿衛隊主率羽林虎賁幽守諸王於其第勰上表切諫宣武不納勰既無山水之遁又絕知己之遊雖對妻子鬱鬱不樂

清河王懌宣武初爲尚書僕射時司空高肇以帝舅寵任既擅威權謀去良宗屢譖懌及京兆王愉等愉不勝其忿怒遂舉逆冀州肇因愉之逆又構殺彭城王勰懌恐不免肇又錄囚徒以立私惠懌因侍宴酒酣乃謂肇曰天子兄弟詎有幾而炎炎不息昔王莽頭禿亦藉涓陽之資遂篡漢室今君曲形見矣恐後

終成亂階又言於宣武曰臣聞唯器與名不可以假人是故季氏旅岱宣尼以爲深譏仲叔軒懸丘明以爲至誠諒以天尊地卑君臣道別宜杜漸防微無相僭越至城膳錄囚人君之事今乃司徒行之詎是人臣之義且陛下脩政斷獄訟則時雨可降玉燭知和何使明君失之於上奸臣竊之於下長亂之基於此在矣宣武咲不應後靈太后委以朝政懌竭力佐輔以天下爲已任領軍元又太后之妹夫懌裁之以法又所疾又黨人通直郎宗愛希又旨告懌謀反禁懌門下詳問左右及朝貴分明得雪懌以忠而獲謗乃鳩集昔忠烈之士爲顯忠錄二十卷以見意焉陽平王新成長子願爲懷朔大將軍都督後除朔州刺史及寧州刺史穆泰謀反遣使推願爲主願密以狀聞泰等伏誅帝甚嘉之

冀州刺史元麗子顯和爲徐州安東府長史刺史元法僧叛顯和與戰被擒執手命與連坐顯和曰顯和與阿翁同源別派皆是盤石之宗一朝以地外叛若遇董狐能無慙德遂不肯坐法僧猶欲慰喻顯和曰乃可死作惡鬼不能生爲叛臣及將殺之神色自若建義初贈泰州刺史

彭城王勰子劭善武藝少有氣節孝明初梁武遣將犯邊劭上表曰僞豎遊魂闕覩邊境勞兵兼時日有千金之費臣仰藉先資紹饗厚秩思以埃塵用禪山海臣國封徐州去軍差近謹奏粟九千斛資絹六百疋國吏二百人以充軍用靈太后嘉其志意而不許之起家爲宗正少卿

中山獻武王子熙延昌中出爲湘州刺史聞劉騰元又隔絕二宮矯詔殺清河王懌熙乃起兵上表云元又悖逆如此孰可忍之臣忝籍枝萼思盡力命碎首屠肝耳之若薺今輒舉義兵實甲八萬大徒既進文武爭先與并州刺史陽城王徽嘗州刺史廣陽王淵徐州刺史齊王蕭寶寅等俱發庶仰憑祖宗之靈俯罄義夫之命掃翦克醜更清京邑臣親總三軍星邁赴難置兵溫城伏聽天旨熙兵起甫十日爲其長史柳元章等所執遇害靈太后反正贈使持節都督冀定瀛相幽五州諸軍事大將軍太尉公謚曰文莊王臨淮王昌弟孚爲尚書右丞靈太后臨朝宦者干政孚乃總括古今名妃賢后凡爲四十卷奏之遷冀州刺史爲葛榮所執榮卒還冀州刺史元顥入雒授孚東道行臺彭城郡王孚封顥逆書送朝廷天子嘉之

顯率封孚萬年鄉男

東阿侯忻之清河王紹之孫性粗武有力孝莊帝之圖爾朱榮元天穆也忻之密啓臨事之日乞得侍立手斬二人及榮之死百寮入賀忻之獨蒙問
青州刺史昂暹爲南兗州刺史元顥入雜暹據州不屈莊帝還宮封汝陽王

比齊趙郡王琛高祖之弟也少時便弓馬有志氣高祖既輔天子以魏後廢帝中興初授琛散騎嘗侍鎮西將軍既居禁衛恭勤慎密率左右

彭城景思王浹爲太師錄尚書自武成帝車駕巡幸

浹嘗留鄴河清二年三月群盜日也姓子禮等數十人

謀劫浹爲主詐稱使者徑向浹第至內室稱勅牽浹上馬臨以白刃欲引向南殿浹大呼不從遂遇害朝野痛惜焉

任城王潛爲瀛州刺史後主時奔鄴加潛大丞相及安德王加尊號於晉陽使劉子昂脩啓於潛至尊出奔宗廟既重群公勸迫權主號令事寧終歸叔父潛曰我人臣何容受此啓執子昂送鄴帝至濟州禪位潛啓竟不達潛與廣寧王孝珩於冀州召募得四萬餘人拒周軍周齊王憲來伐先遣送書并赦詔潛並

沉諸井戰敗潛孝珩俱被擒憲曰任城王何苦至此
潛曰下官神武帝子兄弟十五人幸而獨存逢宗社
顛覆今日得死無愧墳陵憲壯之歸其妻子將至鄴
城潛馬上哭自投于地流血滿面至長安尋蓬首垢
面長齋不言笑而終妻乃爲尼

廣寧王孝珩文襄第二子也承光

後主
年號

即位以孝珩

爲太宰與呼延族莫多婁敬顯尉相願同謀期正月
五日孝珩千秋門斬高阿那肱相願在內以楚兵應
之族與敬顯自遊豫園勒兵出既而阿那肱從別宅
取便路入官事不果乃求出拒西軍謂阿那肱韓長

鸞陳德信等云朝廷不賜遣擊賊豈不畏孝珩及耶
孝珩破宇文邕遂至長安反時何與國家事以今日
之急猶作如此猜高韓恐其變出孝珩爲滄州刺史
至州以五千人會任城王於信都共爲興復之計周
齊王憲來伐兵弱不能敵怒曰繇高阿肱小人吾道
窮矣齊叛臣乞扶令和稍刺孝珩墜馬奴白澤以身
扞之孝珩傷劇遂見虜齊王憲問孝珩自陳國難辭
淚俱下俯仰有節憲爲之改容親爲洗瘡傳藥禮遇
甚厚孝珩獨歎曰嗣君無獨見之明宰相非柱石之
寄恨不得握兵符受廟筭展我心力耳至長安依側

授開府縣侯周武帝在雲陽宴齊君臣自彈胡琵琶命孝珩吹笛辭曰亡國之音不足聽也固命之舉笛裁至口淚下嗚咽武帝乃止

范陽王紹義文宣第三子也後主奔鄴以紹義爲尚書令定州刺史周武帝尅并州以封輔相爲北朔州總管此地齊之重鎮諸勇士多聚焉前卒長趙穆司馬王當萬等謀執輔相迎任城王於瀛州事不果迎紹義至馬邑輔相及其屬朝阿各奴等數十人皆齊叛臣自肆州以北城戍二百八十餘盡從輔相及紹義至皆反焉紹義與靈州刺史袁洪引兵南出欲取

并州新興而肆州已爲周守前隊二儀同以所部降周周兵擊顯州執刺史陸瓊又攻陷諸城紹義還保北朔州將宇文神舉軍逼馬邑紹義遣柱明達拒之兵大敗紹義曰有死而已不能降人遂奔突厥衆三千義令之曰欲還者任意於是哭拜別者大半襄城王亮值後主敗奔鄴亮從焉遷兼太尉太傅周師入鄴亮於啓夏門拒守諸軍皆不戰而敗周軍於諸城門皆入亮方退走亮入太廟行馬內慟哭拜辭然後爲周軍所執

安德王延宗後主平陽之敗後主將奔晉陽延宗言

大家但在營莫動以兵馬付臣臣能破之帝不納及至并州又聞周軍已入馳鼠谷乃以延宗爲相國并州刺史總山西兵事謂曰并州阿兄取兒今去也延宗曰陛下爲社稷莫動臣爲陛下出死力戰駱提姿曰至尊計已成王不得輒沮後主竟奔鄴

後周邵惠公顥德皇帝與衛可孤戰於武州臨陣墜馬顥奔救擊殺數十人賊衆披靡德皇帝

太祖父也

乃得

上馬引去顥遂戰沒保定初追贈太師

趙王招率奴從高祖東征東夏底定招出就國宣帝不豫徵招及陳越代滕五王赴闕比招等至而隋文

帝輔政加招等殊禮入朝不趨劍履上殿隋文帝將遷周鼎招密欲圖之以扶社稷乃招文帝至第飲於寢室招子員貫及妃弟曾封所親人史胄皆先在左右佩刀而立又藏兵刃於帷席之間後院亦伏壯士文帝從者多在閣外惟楊弘元胄弟威及陶微坐戶側招屢以佩刀割瓜啗隋文隋文未之疑元胄覺變扣刀而入招乃以大觴親飲胄酒又命胄向厨取漿胄不爲之動滕王迨後至隋文降階迎胄因得耳語曰形勢大異公宜速出隋文共迨就坐須臾辭出後事覺階以謀反誅之并其子弟

齊王憲太宗第五子高祖之世爲晉國公護所委任天和已後護欲有所陳多令憲開其間或有可否憲慮主相嫌隙每曲而暢之高祖亦悉此心故護誅憲得無患開府裴文舉憲之侍讀高祖嘗御內殿引見之謂曰晉公不臣之迹朝野所知朕所以泣而誅者安國家利百姓耳昔魏末不綱太祖佐輔元氏有周受命晉公復執威權積習生黨謂法應湏爾豈有三十年天子而可爲人所制乎且近代以來又有以弊斃經隸屬便即禮若君臣此乃亂臣之權宜非經國之治術詩云夙夜匪懈以事一人一人者本據天子爾雖陪侍齊公不得即同臣主且太祖十子寧可盡爲天子卿宜規以正道勸以義方輯睦我君臣協和我骨肉無令兄弟自致嫌疑文舉拜謝而出歸以白憲憲指心撫几曰吾之宿心公寧不悉但當盡忠竭節耳知復何言高祖將欲東封獨與內史王誼謀之餘人莫知後以諸弟才略無出於憲右遂告之憲即贊成其事及大將軍出憲表上私財以助軍食曰臣聞撫機適運藉時來兼弱攻昧事資權道伏惟陛下繼明作聖闡業弘風思順天心用恢武略方使長蛇外翦宇宙大同軍民內向車書混一竊以龍旗雷

動天網雲布芻粟糧餼或須周給昔邊隅未靜卜衣
願上家財江湖不澄衛茲請獻私粟臣雖不敏敢忘
景行謹上金寶等一十六件少助軍資詔不納而以
憲表示公卿曰人臣當如此朕但愧其心耳寧須物
乎乃詔憲率衆二萬爲前軍趣黎陽高祖親圍河陰
未克憲攻拔武齊進圍維口拔其東西二城以高祖
疾班師是歲初置上柱國官以憲爲之

襲安化縣公孝伯其生與武帝同日又與武帝同學
帝即位引置左右孝伯竭心盡力無所迴避至於時
政得失外間細事皆以奏聞宣帝即位授小冢宰帝
忌齊王憲意欲除之謂孝伯曰公能圖之當以其官
位相授孝伯叩頭曰齊王戚近功高棟樑所寄臣若
順旨則臣爲不忠陛下非孝子也帝因踈之

隋觀德王雄高祖族子也周太象中進爵邢國公高
祖爲丞相雍州牧畢王賢謀作難雄時爲別駕知其
謀以告高祖賢伏誅

河間王弘高祖從祖弟高祖爲丞相嘗置左右委心
腹高祖詰周趙王宅將及於難弘時立於戶外以衛

高祖

唐宋王成器睿宗長子景雲二年以晉州刺史蕭志

忠為秘書監同州刺史崔湜為中書侍郎時太平公
主謂成器曰待崔湜蕭志忠到當輔政廢太子以爾
代之成器馳告皇太子太子與成器奏之故令停湜
等官

舒王誼本代宗子昭靖太子邈之子德宗命為已子
建中四年涇原兵亂誼奉德宗出幸奉天賊之攻城
誼晝夜傳詔慰勞諸軍不解帶者月餘

後唐贈太保從璟明宗長子明宗在魏府為軍士所
逼莊宗詔從璟謂曰爾父於國有大功忠孝之心朕
自明信今為亂兵所劫爾宜自去宣朕旨無令有疑

行璟行至中途為元行欽所制復與歸雖下莊宗改
其名名為繼璟以為已子命再往從璟固執不行願
死於御前以明丹赤從莊宗赴汴州明宗之親舊多
策馬而去左右或勸從璟令自脫終無行意尋為元
行欽所殺天成初贈太保

冊府元龜卷終二百八十六

冊府元龜 宗室部

卷之三百八十六

空一行

册府元龜卷第二百八十七

巡按福建監察御史臣李嗣京訂正

知長樂縣事臣夏允彝參閱

知建陽縣事臣黃國琦較釋

宗室部 二十六

忠諫

古人有言曰忠臣雖在敵國猶不忘君惓惓之義也矧骨肉之親本根攸庇若乃朝政有闕君道或愆賞罰無章衆言並用而能諫之以德竭其誠心務進謹言期於開悟蓋情兼家國義在君親者也與夫信而

後諫不聽則去者異矣詩曰雖有他人不如我同姓其是之謂歟

殷王子比干紂之親戚也見箕子諫不聽而為奴則曰君有過而不以死爭則百姓何辜乃直言諫紂紂怒曰吾聞聖人之心有七竅信有諸乎乃遂殺夫王

子比干剗視其心紂作炮烙之刑王子比干曰王暴不諫非忠臣也畏死而不信非勇

士也見過則諫不用則死忠之至也遂進諫三日不去朝紂因而殺之

秦公子扶蘇始皇長子始皇益發謫徙邊扶蘇諫曰

天下初定遠方黔首未集諸生皆誦法孔子今上皆

重法繩之臣恐天下不安惟上察之始皇怒使扶蘇

北監蒙恬於上郡

子嬰二世兄子二世時趙高親近日夜毀惡蒙氏求

其罪過舉劾之子嬰進諫曰臣聞故趙王遷殺其良

臣李牧而用顏聚燕王喜陰用荊軻之謀而借秦之

約齊王建殺其故世忠臣而用后勝之議此三君者

皆各以變古者失其國而殃及其身今蒙氏秦之大

臣謀士也而主欲一旦棄去之臣竊以為不可臣聞

輕慮者不可以治國獨智者不可以存君誅殺忠臣

而立無節行之人是內使群臣不相信而外使闔士

之意離也臣竊以為不可二世不聽

漢淮南王安厲王長子也武帝建元六年閩越復舉兵擊南越南越守天子約不敢擅發兵而上書以聞帝多其義大為發兵遣兩將軍將兵誅閩越安上書諫曰陛下臨天下布德施惠緩刑罰薄賦歛哀鰥寡恤孤獨養耆老振匱乏盛德上隆和澤下洽近者親附遠者懷德天下攝然攝安也 奴協切人安其生自以沒身不見兵革今聞有司舉兵將以誅越臣安竊為陛下重之越方外之地薊髮文身之民薊古剪字不可以冠帶之國法度理也自三代之盛胡越不與受正朔與讀曰豫非疆不能服威弗能制也以為不居之地不收之民

不足以煩中國也故古者封內甸服封內謂封圻千里之內也甸服

主治王田以供祭祀也封外侯服封外千里之外也侯侯也王者斥侯侯衛賓服

侯服之外又有衛服賓賓見於王也侯衛二服同為賓也蠻夷要服要以遙切言

耳戎狄荒服此在九州之外者也荒言其荒忽絕遠來去無嘗者也遠近勢異

也自漢初定已來七十二年吳越人相攻擊者不可

勝數然天子未嘗舉兵而入其地也臣聞越非有城

郭邑里也處谿谷之間篁竹之中竹田曰篁習於水鬪便

於用舟地深昧而多水險中國之人不知其勢阻而

人其地雖百不當其一得其地不可郡縣也攻之不

可暴取也以地圖察其山川要塞相去不過寸數而

間獨數百千里間中間也或八九百或千里也阻險林叢弗能盡著

視之若易行之甚難天下賴宗廟之靈方內大寧戴

白之老不見兵革民得夫婦相守父子相保陛下之

德也越人名為藩臣貢酌之奉不輸大內言其國僻遠於宗廟

宗廟之貢祭皆不與也大內都內也國家一卒之用不給

上事自相攻擊而陛下發兵救之是反以中國勞蠻

夷也且越人愚戇輕薄負約反覆其不用天子之法

度非一日之積也一不奉詔舉兵誅之臣恐後兵革

無時得息也間者數年歲比不登民待賣爵贅子以

接衣食贅子者謂令子出就歸家為贅婿耳賴陛下德澤賑救之得毋

轉死溝壑四年不登五年復蝗民生未復今發兵行

數千里資衣糧入越地輿轎而踰嶺輿今竹輿車也言以輿過嶺耳

柁舟而入水行數百千里夾以深林叢竹水道上下

擊石林中多蝮蛇猛獸夏月暑時嘔泄霍亂之病相

隨屬也曾未施兵接刃死傷者必衆矣前時南海王

反陛下先臣使將軍間忌將兵擊之先臣淮南厲王長間忌人姓名

以其軍降處之上淦後復反會天暑多雨樓船卒水

居擊權未戰而疾死者過半親老涕泣孤子號號破

家散業迎尸千里之外裹骸骨而歸悲哀之氣數年

不息長老至今以為記曾未入其地而禍已至此臣

聞軍旅之後必有凶年言民之各以其愁苦之氣薄
 陰陽之和感天地之精而災氣為之生也陛下德配
 天地明象日月恩至禽獸澤及草木一人有饑寒不
 終其天年而死者為之悽愴於心今方內無狗吠之
 警而使陛下甲卒死亡暴露中原霑潰山谷邊境之
 民為之早閉晏開龜朝字不及夕臣安竊為陛下重之
 不習南方地形者多以越為人衆兵彊能難邊城淮
 南全國之時多為邊吏全國謂未分為三之時也淮南人於邊為吏與越相境故
 知其地形臣竊聞之與中國異限以高山人迹所絕車道
 不通天地所以隔外內也其入中國必下領水領水

言其柔弱如然

之山峭峻漂石破舟不可以大船載食糧下也越人
 欲為變必先繇餘干界中越邑今鄞陽縣也積食糧廼入伐
 材治船邊城守候誠謹越人有入伐材者輒收捕焚
 其積聚雖百越奈邊城何且越人繇力薄材繇弱也不
 能陸戰又無車騎弓弩之用然而不可入者以保地
 險中國之人不能其水土也臣聞越甲卒不下數十
 萬所以入之五倍廼足輓車奉饗者不在其中饗亦餉也
 南方暑濕近夏瘴熱瘴黃病也暴露水居蝮蛇蠱毒也生疾
 疾多作兵未血刃而病死者什二三雖舉越國而虜
 之不足以償所亡臣聞道路言閩越王弟甲弑而殺

之甲者閩王弟名甲也誅死其民未有所屬陛下若欲來內

處之中國使重臣臨存施德垂賞以招致之此必攜

幼扶老以歸聖德若陛下無所用之則繼其絕世存

其亡國建其王侯以為畜越畜養之也此必委質為藩臣

世共貢職陛下以方寸之印丈二之組填撫方外組者

綬印之不勞一卒不頓一戟而威德並行今以兵入其

地此必震恐以有司為欲屠滅之也必雉兔逃入山

林險阻如雉兔之逃竄而入山林險阻之中背而去之則復相群聚留

而守之歷歲經年則士卒罷勸食糧乏絕男子不得

耕稼樹種婦人不得紡績織紉丁壯從軍老弱轉餉

居者無食行者無糧民苦兵事逃亡者必眾隨而誅

之不可勝盡盜賊必起臣聞長老言秦之時掌使尉

屠睢擊越郡都尉姓屠名睢也又使監祿鑿渠通道監郡御史也名祿

越人逃入深山林叢不可得攻留軍屯守空地曠日

引久士卒勞倦越出擊之秦兵大破廼發適戍以備

之當此之時外內騷動百姓靡敝靡徹也音縻行者不還

往者莫反皆不聊生亡逃相從群為盜賊於是山東

之難始興此老子所謂師之所處荆棘生之者也古者

事一方有急四面皆從臣恐變故之生姦邪之作錄

此始也周易曰高宗伐鬼方三年而克之鬼方小蠻

夷高宗殷之盛天子也以盛天子伐小蠻夷三年而後克言用兵不可不重也臣聞天子之兵有征而無戰言莫敢較也如使越人蒙微幸以逆執事之顏行顏行猶鴈行在前行故曰顏行胡郎切斷輿之卒有一不備而歸者雖得越王之首臣竊為大漢羞之陛下以四海為境九州為家八藪為囿江漢為池生民之屬皆為臣妾人徒之衆足以奉千官之共租稅之收足以給乘輿之御而玩心神明秉執聖道負黼依依形如屏風而曲之畫以黼文張於牖間依讀曰辰也憑玉几南面而聽斷號令天下四海之內莫不嚮應陛下垂德惠以覆露之露謂之始霑潤澤也或露或覆言養

育也使元元之民安生樂業則澤被萬世傳之子孫施之無窮天下之安猶泰山而四維之也夷狄之地何足以為一日之間而煩汗馬之勞乎詩云王猶允塞徐方既來言王道甚大而遠方懷之也臣聞之農夫勞而君子養焉愚者言而智者擇焉臣安幸得為陛下守藩以身為鄣蔽人臣之任也邊境有警愛身之死而不畢其愚非忠臣也安竊恐將吏之以十萬之師為一使之任也言漢發一使鎮撫之則越人賓服不煩兵往是時漢兵遂出踰頌適會閩越王弟餘善殺王以降漢兵罷帝嘉淮南之意

劉向初名更生為諫議大夫給事中元帝初即位太
傳蕭望之為前將軍少傳周堪為諸吏光祿大夫加官

也百官公卿表云諸吏所加或列俱將軍卿大夫得舉不法也皆領尚書事甚見尊

任更生年少於望之堪然二人重之薦更生宗室忠

直明經有行權為散騎宗正給事中與侍中金敞拾

遺於左右四人同心輔政患苦外戚許史在位放縱

而中書宦官弘恭石顯弄權望之堪更生議欲白罷

退之未白而語泄遂為許史及恭顯所譖愬堪更生

下獄及望之皆免官其春地震夏客星見昴卷舌間

見於昴與卷舌之間也

上感悟下詔賜望之爵關內侯奉朝請

秋徵堪向欲以為諫議大夫恭顯白皆為中郎冬地

交震時恭顯許史子弟侍中諸曹皆側目於望之等

更生懼焉乃使其外親上變事非常之事故謂之變也言竊聞

故前將軍蕭望之等皆中正無私欲致大治忤於貴

戚尚書忤猶逆也今道路人聞望之等復進以為復見毀

讒必曰嘗有過之臣不宜復用是大不然言不宜用其有過之

臣者此臣聞春秋地震為在位執政大盛也不為三

獨夫動亦已明矣謂蕭望之周堪及向獨夫猶言匹夫也且往者高皇

帝時季布有罪至於夷滅後赦以為將軍高后孝文

間卒為名臣卒終也孝武帝時兒寬有重罪繫按道侯

韓說諫曰

說讀悅

前吾丘壽王死陛下至今恨之

恨悔之

今殺寬後將復大恨矣上感其言遂貫寬

貫謂緩恕其罪

復

用之位至御史大夫御史大夫未有及寬者也又董

仲舒坐私為災異書主父偃取奏之下吏罪至不道

幸蒙不誅復為太中大夫膠東相以老病免歸漢有

所欲興嘗有詔問

興謂改作憲章

仲舒為世儒宗定議有益

天下孝宣皇帝時夏侯勝坐誹謗繫獄三年免為庶

人宣帝復用勝至長信少府太子太傅名敢直言天

下美之若乃群臣多此比類難一二計有過之臣無

負國家有益天下此四臣者足以觀矣前弘恭奏望

之等獄決三月地大震恭移病出

移病者移書言病一日言以病移出

不居官府

後復視事天陰雨雪繇是言之地動殆為恭等

殆近也

臣愚以為宜退恭顯以章蔽善之罰

章明也

進望

之等以通賢者之路如此太平之門開災異之原塞

矣書奏恭顯疑其更生所為白請考姦詐辭果服遂

逮更生繫獄下太傅常玄成諫大夫貢禹與廷尉雜

考劾更生前為九卿坐與望之堪謀排車騎將軍許

氏侍中者毀離親戚欲退去之而獨專權為臣不忠

幸不伏誅復蒙恩徵用不悔前過而教令人言變事

誣罔不道更生坐免為庶人而望之亦坐使子上書

自究前事恭顯白令詣獄置對置對者立其罪辭望之自殺

天子甚悼恨之乃擢周堪為光祿勳堪弟子張猛光

祿大夫給事中大見信任恭顯憚之數譖焉更生見

堪猛在位幾已得復進幾讀日其懼其傾危乃上封事諫

曰臣前幸得以骨肉備九卿奉法不謹乃復蒙恩竊

見災異並起天地失嘗徵表為國徵證也欲終不言念

忠臣雖在猷畝猶不忘君惓惓之義剛者田中之溝也工大切惓惓

蘇中忠况重以骨肉之親又加以舊恩未報乎欲竭

愚誠又恐越職然惟二恩未報惟思也忠臣之義一抒

愚意退就農畝死無所恨抒謂發也臣聞舜命九官禹

其專切恐

司空棄后稷契司徒咎繇作士垂共工濟濟相讓和

之至也衆賢和於朝則萬物和於野故蕭韶九成而

鳳凰來儀擊石拊石百獸率舞韶舜樂名舉蕭管之屬示其倫也於韶樂

而百獸相率來舞言感至和也九奏則鳳凰見其容儀擊鍾鳴磬四海之內靡不和

寧及至周文開基西郊言文王始受命作周也雜選衆賢罔不

肅和崇推讓之風以銷分爭之孽文王既没周公思

慕歌詠文王之德其詩曰於穆清廟肅雍顯相濟濟

多士周頌祀文王清廟之詩也於嘆辭穆肅敬也雍和也顯明相助也濟濟盛也言文王有清靜之

化敬而且和光明著見故濟濟之衆士皆執行文王之德也於讀曰烏當此之時武王

周公繼政朝臣和於內萬國驩於外故盡得其驩心

以事其先祖其詩曰有來雍雍至止肅肅相維辟公

天子穆穆周頌禘太祖之詩也相助也辟百辟也公諸侯也言有此賓客以和而來至也而敬

者乃助王祭之人百辟與諸侯言四方皆以和來也耳於是時天子則穆穆然也

諸侯和於下天應報於上故周頌曰降福穰穰此執

篇祀武王之詩又曰貽我粢粢此思文之篇以后稷也穰穰多也

言天遺此物也貽讀與遺同麥也始自天降此皆以和致和

獲天助也下至幽厲之際朝廷不和轉相悲怨厲王夷王

之子厲王生幽王詩人疾而憂之曰民之無良相怨一

王宣王生幽王此小雅角弓之篇刺幽王之詩也良善也言人各

方為不善其意乖離而相怨也一方謂自守一方所

獨異衆小在位而從邪議歛歛相是而背君子故其

詩曰歛歛訛訛亦孔之哀謀之其臧則具是違謀之

不臧則具是依此小雅小旻篇刺幽王之詩也言在

職各失臣節甚可哀痛謀之善者則背君子獨處守

之不善之謀依而施用所以為刺也君子獨處守

正不撓衆枉撓屈也不為衆勉強以從王事則反見

憎毒讒愬故其詩曰密勿從事不敢告勞無罪無辜

讒言瞿瞿此小雅十月之交篇刺厲王之詩也密勿

敢自陳勞苦言已實無罪當是之時日月薄蝕而無

辜而被讒愬嗷嗷然也當是之時日月薄蝕而無

光薄迫也謂其詩曰朔日辛卯日有蝕之亦孔之醜

自此以下至百川沸騰皆十月之交詩也孔甚也醜

惡也周之十月夏之八月朔日有辛卯日月交會而

日見蝕陰傷於陽辛金日也卯木辰又曰彼月而微

也以卯侵金則臣侵君故甚恐也

宗室部

十一

此日而微今此下民亦孔之哀微虧微也言彼月者當有虧耳而今此日

乃復微也言君臣失道又曰日月鞠凶不用其行四是為災異故令人哀也

國無政不用其良鞠告也言日月不用其寧行之道以告凶災者繇四方之國無政理

不能用善人也天變見於上地變動於下水泉沸騰山谷異

處其詩曰百川沸騰山冢率崩高岸為谷深谷為陵

哀今之人胡憖莫懲沸湧出也騰乘也冢山頂也率盡也胡何也憖憎也懲艾也言

百川沸騰而相乘陵山頂隆高而盡推壞陵谷易處尊卑失序災異大矣誠可懼畏哀哉今人何為其莫

創艾也霜降失節不以其時其詩曰正月繁霜我心憂

傷民之訛言亦孔之將言民以是為非甚衆大也正

夏之四月正陽之月謂之正月繁多也訛偽也孔甚也將大也此言王政外傷也多霜害於生物故以心

為憂傷而衆庶之人共為偽言以是為非排斥賢雋禍甚大也此皆不和賢不肖易

位之所致也賢人在下不肖居上故云易位也自此之後天下大亂

篡殺殃禍並作厲王奔彘厲王無道民不堪命乃與相畔襲厲王厲王出奔彘

幽王見殺為犬戎所攻殺至乎平王末年魯隱之始即位也

平王幽王之周大夫祭伯乖離不和出奔於魯隱元年祭伯來穀梁

傳曰而春秋為諱不言來奔傷其禍殃自此始也是

後尹氏世卿而專恣春秋公羊經隱公二年四月尹氏卒傳曰尹氏者天子之大

夫其稱尹氏何貶也曷為貶譏繼卿繼卿非祀也又詩小雅節南山云尹氏大師赫赫師尹不平謂何刺

之諸侯背畔而不朝周室卑微二百四十二年之間

謂從隱公元年至哀公十四年獲麟也隱公十一年桓公十八年莊公三十二年閔公二年僖公二十三

年文公十八年宣公十八年成公十八年襄公三十一年昭公三十二年定公十五年哀公十四年凡二百四十四日食三十六
謂隱二月己巳桓三年七月壬辰朔十七年十月朔莊三年十月八年三月二十五年六月辛未朔二十六年十二月癸亥朔三十年九月庚午朔僖五年九月戊申朔十二年三月庚午朔十五年五月文元年二月癸亥朔十五年六月辛丑朔宣八年七月甲子十年四月丙辰十七年六月癸未成十六年六月丙寅朔十七年十月乙未朔十五年九月庚戌朔丁巳二十年冬十月丙辰朔二十一年九月庚戌朔冬十月庚辰朔二十三年二月癸酉朔二十四年秋七月甲子朔八月癸巳朔二十七年冬十二月乙亥朔昭七年夏四月甲辰朔十五年六月丁巳朔十七年夏六月甲戌朔二十一年秋七月壬午朔二十二年十二月辛亥朔定五年正月辛亥朔十二年十一月丙寅朔十五年八月庚辰朔凡三十六也地

甲午山陵崩地二僖十四年八月辛卯沙鹿壞成凡五年夏梁山壞凡二也地下頽

星三見謂文十四年秋十月有星孛入于北斗昭十七年冬有星孛于大辰哀十三年冬十一月

有星孛東夜嘗星不見夜中星隕如雨事在莊七年四月辛卯

火災十四桓十四年秋八月壬申御廩災莊二十年夏齊大災僖二十年五月乙巳西宮災成

三年二月甲子新宮災襄九年春宋災三十年五月甲午宋災昭九年夏四月陳災十八年夏五月壬午

宋衛陳災定二年夏五月壬辰雉門及兩觀災哀三年五月辛卯桓宮僖宮災四年六月辛丑亳社災凡

十長狄入三國謂春秋文十一年經書冬十月甲午叔孫得臣敗狄于鹹公羊傳曰狄者

何長狄也兄弟三人一者之齊一者之魯一者之晉之齊榮如之魯喬如之晉楚如長狄鄭之種

石隕墜六鷁退飛多麋有蜮蜚鸛鶴來巢者皆一見

謂僖十六年正月戊申朔隕石于宋丘是月六鷁退

飛過宋都莊十六年冬多麋十八年秋有蜮二十九

年秋有蜚昭二十五年夏有鸛鶴來 畫冥晦 倍十五

巢蜮短尾狐也 鷓水鳥也 蜚負蠶也 已卯晦震夷伯之 雨木冰 事在成十六年正月雨木

廟穀梁傳曰晦也 今俗呼為 李梅冬實七月霜降草木不死 倍三十三

間樹者 隕霜不殺草李梅實未知在何時也而此言李梅冬 實又云七月霜降草木不死與今春秋不同未見義

所八月殺菽 謂定公元年十月隕霜殺菽周 大雨雹

出 專在倍二十九年秋及 雨雪雷霆失序相乘 隱九年

周三年冬四年正月 酉大雨震電庚辰大雨雪莊六年冬十月雨雪倍五

年冬大雪皆是也 雷古之雷字也 雷霆之急者也 水旱饑 蝻螾並起 並起猶雜沓也 謂桓元九年秋大

大水二十五年秋大水宣十年秋大水倍二十一年夏大旱宣 十年秋大旱宣十年冬饒十五年冬蝻生饑襄二十

四年冬大饑桓五年秋蝻倍十五年八月蝻文三年

秋雨蝻於宋八年蝻宣六年八月蝻十三年秋蝻十 五年秋蝻襄十年八月蝻哀十二年十二月蝻十三

年九月蝻十二月蝻惠五年九月蝻八年九月蝻莊 六年秋蝻皆是也 蝻即蝻也 蟲之食苗心者也 蝻音

終蝻音 當是時禍亂輒應 弒君三十六 謂隱公四年 真也 完二十五年羽父使賊弒公于為氏桓二年宋督弒

其君與夷七年曲沃沃伯誘晉小子侯殺之十七年鄭 高渠彌弒昭莊八年齊無知弒其君諸兒十二年宋

萬弒其君捷十四年傳瑕弒其君鄭子三十二年共 仲使圉人犇賊子般閔二年共仲使卜筮賊公于武

闔倍十六年晉里克弒其君卓二十四年晉弒懷公 手高梁文元年楚世子商臣弒其君顯十四年齊公

子商人弒其君舍十六年宋人弒其君杵臼十八年 齊人弒其君商魯襄仲殺子惡莒弒其君庶其宣二

年晉盾弒其君夷臯四年鄭公子歸生弒其君夷十 年陳夏徵舒弒其君平國成十八年晉弒其君州蒲

襄七年鄭子驪使賊弒僖公二十五年齊崔杼弒其 君光二十六年衛喜弒其君剽二十九年闔殺吳子

餘祭三十年蔡世子般弒其君固三十一年莒人弒

莊七年秋大水十一年 秋宗大水

其君密州昭元年楚公子圍問王疾繼而殺之十三年楚公子比弑其君處子乾谿十九年許世子止弑其君買二十七年吳弑其君僚定十三年薛弑其君比哀四年盜殺蔡侯申六年齊陳乞弑其君荼十年齊人弑悼公 亡國五十二年 謂桓五年州公如曹莊四九三十六年 師滅譚十三年齊人滅遂十四年楚子滅息十六年楚滅鄧閔元年晉滅霍滅魏僖五年楚滅弦晉滅虢滅虞十三年楚人滅黃十七年楚滅項十九年秦人取梁二十五年衛侯毀滅邢二十六年楚人滅蓼三十年秦滅滑文四年楚滅江五年楚人滅蓼十六年楚人秦人巴人滅庸宣八年楚滅舒蓼九年取根年十三年楚子滅蕭十五年晉師滅赤狄潞氏成六年取鄆十七年楚滅舒庸襄六年莒人滅鄆齊侯滅萊十年諸侯滅偃陽十三年取赤二十五年楚滅舒鳩昭四年楚子滅賴十三年晉滅肥十六年楚子取戎蠻氏十七年晉滅陸渾戎二十一年晉滅鼓三十三年吳滅徐定安四年蔡滅沈五年楚滅唐六年鄭滅許十四年楚人滅項十五年楚人滅胡哀八年宋公滅曹邾滅須句楚權晉滅焦揚楚滅房甲凡五十二

諸侯奔走不得保其社稷者不可勝數也

謂桓十五年鄭伯突

出奔蔡襄十四年衛侯出奔齊昭三年北燕伯款出奔齊二十三年莒子庚與來奔之類是也 周室

多禍晉敗其師於貿戎

貿戎地名也公羊成元年秋王師敗績于貿戎傳曰孰敗

之蓋晉 伐其郊

郊周邑也昭三十三年正月經書晉人圍郊也

鄭傷桓王

諸侯伐鄭伯禦之射

戎執其使 隱七年冬經書天子使凡伯來聘戎

王中肩事在桓五年秋 五大夫爭權三君更立莫能正

周景王終單穆公劉

文公鞏簡公其平大夫相與爭奪更立王子

衛侯朔

召不往齊逆命而助逆

春秋桓十六年書衛侯朔出奔齊穀梁傳曰天子召不往

遂至陵夷不能復興

陵夷曰卑替也 繇此觀之和氣致祥乖

氣致異祥多者其國安異象者其國危天地之嘗經

衛侯朔一節在五十六節之前

古今之通義也今陛下開三代之業紹文學之士優

游寬容使得並進今賢不肖渾淆言雜亂也白黑不分邪

正雜揉忠讒並進揉和也章交公車人滿北軍漢儀注中壘校尉北軍壘門內尉一人主上書者獄上章於公車尉

主有不如法者以付北軍尉北軍尉以法治之也

朝臣舛午繆戾乖刺言志不和各相違背也更相讒愬轉相是

非傳授增加文書紛糾前後錯繆毀譽渾亂言各任私情不

得其所以營惑耳目感移心意不可勝載言其誣罔天子也營

謂四分曹為黨徃徃群朋曹輩也將同心以陷正臣進

者治之表也正臣陷者亂之機也乘治亂之機未知

孰任而災異數見此臣所以寒心者也夫乘權藉勢

之人子弟鱗集於朝言其相次如魚鱗羽翼陰附者衆輻湊

於前輻湊言如車輻之歸于轂也毀譽將必用以終乖戾之咎言

佞之人毀譽得進則忠賢被斥日以乖戾也忠是以日月無光霜雪夏墮海

水沸出陵谷易處列星失行皆怨氣之所致夫遵衰

周之軌迹遁詩人之所刺而欲以成太平致雅頌猶

郤行而求及前人也初元以來六年矣按春秋六年

之中災異未有稠如今者也稠多也夫有春秋之異無

孔子之救猶不解紛况甚於春秋乎原其所以然者

讒邪並進也讒邪之所以並進者縣上多疑心既已

用賢人而行善政如或譖之則賢人退而善政還

也紛亂

也枉曲

收還也夫執狐疑之心者來讒賊之口持不斷之意者

開群枉之門讒邪進則衆賢退群枉盛則正士消故

易有否泰小人道長君子道消君子道消則政日亂

故爲否否者閉而亂也君子道長小人道消小人道

消則政日治故爲泰泰者通而治也詩又云雨雪瀼

瀼見覲聿消此小雅角弓篇刺幽王好讒佞之詩也瀼瀼盛也是無雲也覲日氣也聿辭也

言雨雪之盛瀼瀼然至於無雲日氣始出於雨雪皆消釋矣喻小人雖多王若欲與善政則賢者外用而

小人與易同義昔者絲共工驩兜與舜禹雜處堯朝

滅矣絲崇伯之名即禱机也共工少皞氏之後周公管蔡

即窮奇也驩兜帝鳩無之後即渾敦也流言相謗豈可勝

道哉帝堯成王能賢舜禹周公而消共工管蔡故以

大治榮華至今孔子與季孟偕仕於魯季孟謂季孫孟孫皆桓公

之後代執國權而卑公室也李斯與叔孫俱官於秦叔孫者叔孫通也定

公始皇賢季孟李斯而消孔子叔孫故以大亂汚辱

至今故治亂榮辱之端在所信任信任既賢在於堅

固而不移詩云我心匪石不可轉也此即栢舟之詩也言石性雖堅

尚有可移轉曰至貞人言守善篤也易曰渙汗其大

號此易渙卦九五爻也言王者號令如汗汗出而不

反者也今出善令未能踰時而反是反汗也一時三月也

用賢未能三旬而退是轉石也論語曰見不善如探

湯論語載孔子之言探湯言其除難無所避也今二府奏佞調不當在位

歷年而不去也二府丞相御史也調古諳字故出令則如反汗用

賢則如轉石去佞則如拔山如此望陰陽之調不亦

難乎是以群小窺見間隙緣飾文字巧言醜詆詆毀也

流言飛文譁於民間譁謹也故詩云憂心悄悄愠於群

小此邱栢舟言仁而不遇之詩悄悄憂貌愠怒也小人成群誠足愠也昔孔

子與顏淵子貢更相稱譽不為朋黨事俱見論語禹稷臯

陶傅相汲引不為比周事具尚書舜典何則忠於為國無邪

心也故賢人在上位則引其類而聚之於朝易曰飛

龍在天大人造也乾卦九五象辭言聖王正位臨在取萬方則賢人君子皆來朝也

下位則思與其類俱進易曰拔茅連茹以其彙征吉

彙類也茹牽引也茅喻君有潔白之德臣下引其類而仕之此泰卦初九爻征行也在上則引

其類在下則推其類故湯用伊尹不仁者遠而衆賢

至類相致也今佞邪與賢臣並任交戟之內合黨共

謀違善依惡歛歛訛訛數設危險之言欲以傾移主

上如忽然而用之此天地之所以先戒災異之所以

重至也自古明聖未有無誅而治者也故舜有四放

之罰流共工於幽州放驩兜於崇山而孔子有兩觀

之誅少正卯姦人之雄故孔攝司寇七然後聖化可

得而行也今以陛下明知誠深思天地之心迹察兩

交戟謂宿衛者

觀之誅尋其念迹而察之覽否泰之卦觀雨雪之詩歷周唐

之所進以為法原秦魯之所消以為戒歷謂歷觀之原謂思其本

考祥應之福省災異之禍以揆當世之變省視也揆度也放

遠佞邪之黨壞散險詖之聚險言杜閉群枉之門廣

開衆正之路杜塞也决斷狐疑分別猶豫使是非炳然

可知則百異消滅而衆祥並致太平之基萬世之利

也臣幸得託肺腑附舊解云肺腑為肝肺相附著猶言心膂也一說肺為斫木肺亂也自

言于帝室猶誠見陰陽不調不敢不通所聞竊推春

秋災異以救今事一二條其所以以繇也不宜宣泄臣

謹重封昧死上恭顯見其書愈與許史比而怨更生

等成帝即位顯等伏辜更生乃復進用更名向時帝

元舅陽平侯王鳳秉政倚太后專國權數有大異向

見尚書洪範箕子為武王陳五行陰陽休咎之應休美也

也向乃集合上古以來歷春秋六國至秦漢符瑞災

異之記推迹行事連傳禍福著其占驗比類相從各

有條目凡一十篇號曰洪範五行傳論奏之天子心

知向忠精故為鳳兄弟起此論也然終不能奪王氏

權久之營起昌陵數年不成復還歸延陵制度泰奢

向上疏諫曰臣聞易曰安不忘危存不忘亡是以身

安而國家可保也易下繫之辭故聖賢之君博觀始終窮

音許求它皆類此

極物情而是非分明王者必通三統二王之後與已為三統天地人

之始也天統謂周十一月建子為上天始施之端也

二曰地統言殷以十二月建丑為下地始化之端也

三曰人統言夏以十三月建寅為正人始成之

端也言王者象地天人之三統故有三代也 命所授者博非獨一姓也孔子論詩至於殷士膚敏

裸將于京此大雅文王篇殷士卿士也膚美也敏疾也裸也將行也京周京也言殷之臣有

美德而敏疾乃來助祭于周行裸喟然嘆曰喟然大

嗚之事是天命無常歸于有德也哉天命善不可不傳於子孫是以富貴無嘗不如是

則王公其何以戒慎民萌何以勸勉萌與毗同蓋傷無知之貌

微子之事周而痛殷之亡也雖有堯舜之聖不能化

丹朱之子雖有禹湯之德不能訓末孫之桀紂自古

及今未有不亡之國也昔高皇帝既滅秦將都雒陽

感悟劉敬之言自以德不及周而賢於秦遂徙都關

中依周之德因秦之阻世之長短以德為效效謂微驗也

故嘗戰栗不敢諱亡孔子所謂富貴無嘗蓋謂此也

孝文皇帝居霸陵北臨厠厠近水也霸陵山北頭厠近霸水帝登其上以遠望也

意悽愴悲懷顧謂群臣曰嗟乎以北山石為椁用

紵絮斲陳漆其間斲斬也陳施也斲絮以漆著其間也故云以北山石為椁紵絮者可以紵

衣絮也斲而陳其間又從而漆之也豈可動哉張

釋之進曰使其中有可欲雖錮南山猶有隙使其中

無可欲雖石椁又何戚焉有可欲謂多藏金玉而厚葬之人皆欲取之是有間

隙也無可欲謂不具器備而薄葬人而無欲攻掘取之故無憂感也錮謂鑄塞也云錮南山者取其深大喻也夫死者無終極而國家有廢興故釋之言為無窮

計也孝文寤焉遂薄葬不起山墳易曰古之葬者厚衣之以薪藏之中野不封不樹厚衣之以薪言積以覆之也不封謂不聚

土為墳地後世聖人易之以棺槨棺槨之作自黃帝始黃帝葬於橋山在上郡周陽縣堯葬濟陰丘壠皆小葬具

甚微丘壠冢也舜葬蒼梧二妃不從二妃堯之二女禹葬會稽不改其烈不改樹木百物之烈也殷湯無葬處謂不見傳記也文武周公

葬于埠埠陌在長安北四十里也秦穆公葬於雍橐泉宮祈年館下樛里子葬於武庫樛里子秦惠王異母弟也樛里子且死曰葬我必於渭南章臺

東後百年當有天子宮夾我墓又漢興長樂宮在其東未央宮在其西武庫正直其上也皆無丘

壠之處此聖帝明王賢君智士遠覽獨慮無窮之計也其賢臣孝子承命順意而薄葬之此誠奉安君父

忠孝之至也夫周公武王弟也葬兄甚微孔子葬毋於防防魯邑名也稱萬古而不墳墓謂壙穴也墳謂積土也曰丘東南

西北之人也不可不識也東西南北言周遊以行其道不得專在本邦故墓須表為四尺墳遇雨而摧弟子修之以告孔子孔子流

涕曰吾聞之古者不修墓蓋非之也事見禮記延陵季子適齊而反其子死於贏博之間二邑並在太山其子死於其間穿不

及泉斂以時服封墳掩坎其高可隱謂人立可隱財也而號

曰且言也號謂哭而骨肉歸復於土命也魂氣則無不之也

夫羸博去吳千有餘里季子不歸葬孔子往觀曰延

陵季子於禮合矣禮記故仲尼孝子而延陵慈父舜

禹忠臣周公弟弟弟弟者言能順理也其葬君親骨肉皆微薄

矣非苟為儉誠便於體也宋桓司馬為石槨仲尼曰

不如速朽非桓雕為石槨奢泰故激此言秦相呂不韋集知略之士

而造春秋亦言薄葬之義皆明於事情者也逮至吳

王闔閭違禮厚葬十有餘年越人發之及秦惠文武

昭嚴襄五王嚴襄者莊襄則始皇父也皆大作丘壠多其瘞藏瘞埋

咸盡發掘暴露甚足悲也秦始皇帝葬於驪山之阿

阿謂山曲也下錮三泉上崇山墳其高五十餘丈周圍五

里有餘石槨為游館多累石作槨於壙穴中以為離宮別館也人膏為燈

燭水銀為江海黃金為鳧鴈珍寶之藏機械之變機作

械發木之人屬盡其巧變也始皇本紀令匠作機弩矢有所穿近輒射之又言工匠為機咸皆知之已下

閉門皆殺工匠也椁棺之麗宮館之盛不可勝原言不能盡其數本

又多殺宮人生糞工匠計以萬數天下苦其役而反

之驪山之作未成而周章百萬之師至其下矣周章陳勝

之項籍焚其宮室營宇往者咸見發掘言至其墓所者掘之而求

財物其後牧兒亡羊羊入其鑿鑿謂所穿冢藏也牧者持火炤

求羊失火烧其藏椁自古至今葬未有盛如始皇也

數年之間外被項籍之災內罹牧豎之禍罹遭也豈不

哀哉是故德彌厚者葬彌薄知愈深者葬愈微無德

寡知其葬愈厚丘隴彌高宮廟甚麗發掘必速繇是

觀之明暗之效葬之吉凶昭然可見矣周德既衰而

奢侈宣王賢而中興更為儉宮室小寢廟詩人美之

斯干之詩是也詩小雅篇名美宣王考室其首章曰秩秩斯干秩秩流行也干澗也喻宣

之德如澗水源秩秩上章道宮室之如制下章言子

孫之衆多也宮室如制謂桓桓其庭有覺其楹君子攸寧也子孫衆多謂維熊維羆男子之

祥維虺維蛇及魯嚴公即莊公也刻飾宗廟多築臺囿後

嗣再絕謂子般閔公皆殺死也春秋刺焉周室如彼而昌魯秦

如此而絕是則奢儉之得失陛下即位躬親節儉始

營初陵其制約小天下莫不稱賢明及徙昌陵增埤

為高埤下也積土為山發民墳墓積以萬數營起邑居

期日迫卒卒讀粹也功費大萬大萬億也死者恨於下生

者愁於上怨氣感動陰陽因之饑饉物故流離以十

萬數物故謂死也流謂亡其居處也臣甚懼焉懼謂不了言惑於此事也

古園字憂以死者為有知發人之墓其害多矣若其

無知人安用大安焉也謀之賢知則不說以示衆庶則

苦之說讀曰悅其下亦同若苟以說愚夫淫侈之人又何為哉

陛下慈仁篤美甚厚聰明疏達蓋世宜弘漢家之德

崇劉氏之美光昭五帝三王而顧與暴秦亂君競爲

奢侈北方丘壠

顧猶反也

說愚夫之日隆一時之觀違賢

知之心亡萬世之安臣竊爲陛下羞之唯陛下上覽

明聖皇帝堯舜禹湯文武周公仲尼之制下觀賢知

穆公延陵樛里張釋之之意孝文皇帝去墳薄葬以

儉安神可以爲則秦昭始皇增山厚藏以侈生害足

以爲戒初陵之撫宜從公卿大臣之議

撫音規摹之摹謂規度墓

地也其字從木以息衆庶書奏上甚感向言而不能從其計

向睹俗彌奢淫而趙衛之屬起微賤踰禮制

趙皇后昭儀謂

婕妤向以爲王教錄內及外自近者始故採取詩書

所載賢妃貞婦與國顯家可法則及孽嬖亂亡者

孽

也嬖愛也

序次爲列女傳凡八篇以戒天子及採傳記行

事著新序說苑凡五十篇奏之數上疏言得失陳法

戒書數十上以助觀覽補遺闕帝雖不能盡用然內

嘉其言嘗嗟嘆之時帝無繼嗣政錄王氏出災異浸

甚

浸又漸也

向雅竒陳湯智謀與相親友獨謂湯曰災異

如此而外家日盛其漸必危劉氏吾幸得同姓末屬

累世蒙漢厚恩身爲宗室遺老歷事三主上以我先

帝舊臣每進見嘗加優禮吾而不言孰當言者向遂

上封事極諫曰臣聞人君莫不欲安然而嘗危莫不

欲存然而嘗亡失御臣之術也夫大臣操權柄持國

政操執也未有不為害者也昔晉有六卿齊有田崔衛

有孫甯魯有季孟嘗掌國事世執朝柄終後田氏取

齊六卿分晉崔杼弑其君光孫林甫甯殖出其君術

弑其君剽季氏八佾舞於庭三家者以雍徹並專國

政卒逐昭公周大夫尹氏筦朝事濁亂王室子朝子

猛更立連年乃定故經曰王室亂又曰尹氏殺王子

克甚之也其惡言大甚也春秋舉成敗錄禍福如此類甚衆

皆陰盛而陽微下失臣道之所致也故書曰臣之有

作威作福害於而家凶於而國也而汝孔子曰祿去

公室政逮大夫危亡之兆秦昭王舅穰侯及涇陽葉

陽君穰侯魏冉也涇陽葉陽皆其弟也專國擅勢上假太后之威三

人者權重於昭王家富於秦國國甚危殆賴寤范雎

之言而秦復存二世委任趙高專權自恣壅蔽大臣

終有閹樂望夷之禍二世齊於望夷之宮閹樂以兵殺之秦遂以亡近

事不遠即漢所代也漢興諸呂無道擅相尊王呂產

呂祿席太后之寵據將相之位席猶因言若人之坐於席兼南北

軍之衆擁梁趙王之尊驕盈無厭欲危劉氏賴忠正

大臣絳侯朱虛侯等竭誠盡節以誅滅之然後劉氏

復安今王氏一姓乘朱輪華轂者三十三人青紫貂

蟬充盈幄內魚鱗左右

言在帝之左右相次若魚鱗也

大將軍秉事

用權五侯驕奢僭盛並作威福擊斷自恣行汗而寄

治身私而託公

寄託也內為汗私之行而外託治公之道也

依東宮之尊

假甥舅之親以為威重

東官太后所居也

尚書九卿州牧郡

守皆出其門

言為僚吏者皆居顯要之職

筦執樞機朋黨比周稱

譽者登進忤恨者誅傷游談者助之說執政者為之

言排擯宗室孤弱公族其有智能者尤非毀而不進

遠絕宗室之任不令得給事朝省恐其與已分權數

稱燕王蓋主以疑上心

示宗室視近而反逆也

避諱呂霍而弗

肯稱

呂后霍后二家皆坐擅僭誅戚故為王后諱而不言也

內有管蔡之萌外

假周公之論兄弟攬重宗族盤互

盤結而交互也

歷上古至

秦漢外戚僭貴未有如王氏者也雖周皇甫秦穰侯

漢武安呂霍上官之屬皆不及也

皇甫周卿士字也周后寵之故處於

盛位權黨於朝詩人

物盛則有非嘗之變先見為其

刺之武安侯田蚡也

人徵象孝昭帝冠石立於泰山

冠山下有石自立三

石為足一石在上故

日冠 仆柳起於上林

其柳已死僵仆而孝宣帝即位

於地而更起生

今王氏先祖墳墓在濟南者其梓植生枝葉扶踈上
出屋根垂地中雖立石起柳無以過此之明也事勢
不兩大王氏與劉氏亦且不並立如下有泰山之安
則上有累卵之危陛下為人子孫守持宗廟而令國

祚移於外親降為皂隸縱不為身奈宗廟何婦人內
 夫家外父母家此亦非皇太后之福也孝宣皇帝不
 樂舅平樂昌侯權所以全安之也夫明者起福於無
 形銷患於未然宜發明詔睦德音接近宗室親而納
 信援引也黜遠外戚母授以政皆罷令就第以則效先
 帝之所行厚安外戚全其宗族誠東宮之意外家之
 福也王氏未存保其爵祿劉氏長安不失社稷所以
 保睦外內之姓子子孫孫無疆之計也如不行此策
 田氏復見於今六卿必起於漢為後嗣憂昭昭甚明
 不可不深啗不可不蚤慮易曰君不密則失臣臣不
 密則失身幾事不密則害成唯陛下深留聖恩審固

幾密覽往事之戒以折中取信居萬安之實用保宗
 廟久承皇太后言社稷不安帝身亦不得久事皇太后也天下幸甚書奏

天子召見向歎息悲傷其意謂曰君且休矣吾將思
 之且令出外休息以向為中壘較尉元延中星孛東井蜀岷

山壞雍江向惡此異懷不能已復上奏曰臣聞帝舜
 戒伯禹毋若丹朱傲周公戒成王毋若殷王紂詩曰
 殷監不遠在夏后之世亦言湯以桀為戒也聖帝明
 王嘗以敗亂為戒不諱廢興故臣敢極陳其愚惟陛
 下留神察焉謹按春秋二百四十二年日蝕三十六

襄公尤數率三歲五月有奇而一食奇謂成數之漢餘不滿者也

興訖竟寧孝景帝尤數率三歲一月而一食臣向前

數言日當食今連三年比比類也自建始以來二十歲

間而八食率二歲六月而一發古今罕有小大希稠

占有舒疾緩急而聖人所以斷疑也易曰觀乎天文

以察時變昔孔子對魯哀公並言夏桀殷紂暴虐天

下故歷失則攝提失方孟陬無紀攝提星名也隨斗柄建十二月曆不

正則失其所建首時此皆易姓之變也秦始皇之末

為孟正月為陬也至二世時日月薄食山陵淪亡星辰出於四五四時

月也當見太白經天而行太白陰星出東當伏東出西當伏西過午為經天者

也無雲而雷雷當託雲猶君之託臣也二世不恤

矢夜光流星也其射如矢蛇行不熒惑襲月熒惑主

主刑故趙高殺二世也夔火燒宮夔災也野禽戲庭野鳥入處

門內壞長人見臨洮石隕于東郡星孛大角以亡星

也及項籍之敗亦孛大角漢之八秦五星聚于東井

得天下之象也孝惠時有兩血日食於衝滅光星見

之異日食行交孝昭時有泰山卧石自立上林僵柳

復起大星如月西行衆星隨之此為特異孝宣興起

之表天狗夾漢而西流星也墮地為久陰不雨者二

宗室部

未相薄主既之也

十餘日昌邑之不終視孝宣之紹起天之去就豈不昭昭然哉高宗成王亦有雉雉拔木之變能思其故故高宗有百年之福成王有復風之報神明之應應若影響世所同聞也臣幸得託末屬誠見陛下寬明之德異銷大異而興高宗成王之聲以崇劉氏故豕豕奸死亡之誅今日食尤屢星孛東井攝提炎及紫宮有識長老莫不震動此變之大者也其事難一二記故曰書不盡言言不盡意是以設卦指爻而復說義書曰倂來以圖倂使也使人以齒來示成王明口說不了指齒乃了也天文難以相曉臣雖圖上猶須口說然後可知願賜清燕

之間指圖陳狀帝輒入之謂招入也然終不能用也向每

召見數言公族者國之枝葉枝葉落則本根無所庇廕方今同姓疏遠毋黨專政祿去公室權在外家非所以疆漢宗卑私門保守社稷安固後嗣也向自得見信於帝故嘗顯訟宗室譏刺王氏及在位大臣其言多痛切發於至誠

劉輔河間宗室也成帝時為諫議大夫帝欲立趙婕妤為皇后先下詔封婕妤奸父臨為列侯輔上書言臣聞天之所欲必先賜以符瑞天之所違必先降以災變此神明之徵應自然之占驗也昔武王周公承順

天地以饗魚鳥之瑞

謂伐紂有白鳥赤魚之瑞也

然猶君臣祗懼

動色相戒况於季世不蒙繼嗣之福屢受威怒之異

者辱雖夙夜自責改過易行畏天命念祖業妙選有

德之士考卜窈窕之女

窈窕幽閑也

以承宗廟順神祇心

塞天下望

塞滿也

子孫之祥猶恐晚暮今迺觸情縱欲

傾於卑賤之女欲以母天下上不畏于天下不媿於人

惑莫大焉里語曰腐木不可為柱卑人不可以為主

天人之所不予必有禍而無福市道皆知之

市道市中之道

也朝廷莫肯一言臣竊傷心自念得以同姓拔擢尸

祿不忠污辱諫爭之官不敢不盡死惟陛下深察書

奏帝使侍御史收繫掖庭秘獄減死罪一等論為鬼

薪

册府元龜卷第二百八十八

巡按福建監察御史臣李嗣京 訂正

知閩縣事 臣曹鼎臣 參閱

知建陽縣事 臣黃國琦 較釋

宗室部 二十七

忠諫第二

後漢東平王蒼光武之子明帝永平四年春車駕出觀覽城第尋聞當遂較獵河內蒼即上書諫曰開時令盛春農事不聚衆興功傳日田獵不宿食不享出入不節則木不曲直此失春令者也臣知

駕今出事從約省所過吏人諷誦其崇之德雖然

不以禮非所以示四方也惟陛下因行田野循視稼

穡消搖仿佯弭節而旋皆遊散之意至秋冬乃振威

靈整法駕備周衛設羽旄詩云抑抑威儀惟德之隅

抑抑臣不勝憤懣伏自手書乞詣行在所極陳至誠

帝覽奏即還宮至章帝時欲為原陵顯節陵起縣邑

蒼聞之遽上疏諫曰伏聞當為二陵起立郭邑臣前

頗謂道路之言疑不審實近令從官古霸問涅陽主

疾涅湯主使還乃知詔書已下切見光武皇帝躬履

儉約之行深觀始終之分懃懃懇懇以葬制為言故

營建陵地具稱古典詔曰無為山陵陂池裁令泥水

而已孝明皇帝大孝無違奉承貫行貫行謂一行遵奉也至於

自所營創尤為儉省謙德之美於斯為盛臣愚以園

邑之興始自強秦古者丘壠且不欲其著明况築郭

邑建都郭哉上遠先帝聖心下造無益之功虛費國

用動搖百姓非所以致和意祈年豐也又以吉凶術

數言之亦不欲無故繕修丘墓有所興起考之古法

則不合稽之時宜則違人求之吉凶復未見其福陛

下履有虞之至性追祖禰之深恩然懼左右過議以

累聖心臣蒼誠傷二帝純德之美不暢於無窮也惟

蒙哀覽帝從而止自是朝廷每有疑政輒驛使咨問
蒼悉心以對皆見納用

晉齊公攸文帝之子武帝時以比年饑饉議所節省
攸奏議曰臣聞先王之教莫不先正其本務農重本
國之大綱當今方隅清穆武夫釋甲廣分休假以就
農業然守相不能勤心恤公以盡地利昔漢宣歎曰
與朕理天下者惟良二千石乎勤加賞罰黜陟幽明
于時翕然用多名守計今地有餘羨而不農者衆加
附業之人復有虛假通天下之謀則饑者必不少矣
今宜嚴勅州郡簡諸虛詐害農之事督實南畝上下

同奉所務則天下之穀可復古政豈患於暫一水旱
便憂饑餒哉考績黜陟使嚴明畏威懷惠莫不自
厲又都邑之內游食滋多巧佞末業服飾奢麗富人
兼美猶有魏之遺弊染化日淺靡財害穀動復萬計
宜申明舊法必禁絕之使去奢即儉不奪農時畢力
稼穡以寔倉廩則榮辱禮節蠲之而生興化反本於
茲爲盛轉鎮東大將軍

扶風王駿以齊王攸出鎮駿表諫切以帝不從遂發
病薨

范陽王虓宣帝之姪孫元帝時河間王顥表立成都

王頴爲太弟頴爲王浚所破虢與東平王楙鎮東將
軍周馥等上言曰自愍懷被害皇儲不建委重前相
輒失臣節是以前年太宰與臣永惟社稷之貳不可
久空所以共啓成都王頴以爲國副愛重之後而弗
克負荷小人勿用而以爲腹心骨肉宜敦而猜能着
至險詖宜遠而讒說殄行此皆臣等不聰不明失所
宗賴遂令陛下謬於降授雖戮臣等不足以謝天下
今大駕還宮文武空曠制度荒破靡有孑遺臣等雖
劣足以輔王室而道路之言謂張方與臣等不同既
惜所在與異又以太宰悼德允元著於具瞻每當義
節輒爲社稷宗盟之先張方受其指教爲國效節昔
年之舉有死無二此卽太宰之良將陛下之忠臣但
以受性強毅不達變通遂守前志已致紛紜然退思
惟旣是其不易之節且慮事翻之後爲天下所罪故
未卽西還耳原其本事寔無深責臣聞先代明主未
嘗不全護功臣令福流子孫自中間已來陛下功臣
初無全者非獨人才皆劣其於取禍實繇朝廷策之
失宜不相容恕以一旦之咎喪其積年之勲旣遠周
禮議功之典且使天下之人莫敢復爲陛下致節者
臣等此言豈獨爲一張方寔爲社稷遠計欲令功臣

長守富貴臣愚以為宜委太宰以闕右之任一方事
重及自州郡以下選舉授任一皆仰成若朝之大事
廢興損益每輒疇咨此則二伯述職周召分陝之義
陛下得行於今時遣方還郡令群后申志時定王室
所加方官諳悉如舊此則忠臣義士有勸功臣必全
矣司徒戎異姓之賢司空越公族之望並忠國愛主
小心翼翼宜幹機事委以朝政安北將軍王浚佐命
之裔率身履道忠亮清正遠近所推如今日大舉實
有定社稷之功此臣等所以歎息歸高也浚宜特崇
重以副群望遂撫幽朔長為北藩臣等竭力杆城藩

屏皇家陛下垂拱而四海自正則四祖之業必隆於
今日月之暉昧而復曜乞垂三思察臣所言又可以
臣表西示太宰又表曰成都王失道為姦邪所誤論
王之身不宜深責且先帝遺體陛下群弟自元康以
來罪戾相尋實海內所為匈匈臣等所以痛心今廢
成都更封一邑宜其必許若廢黜尋有禍害既傷陛
下矜慈之恩又令遠近嘗謂公族無復骨肉之情此
實臣等內省悲慙無顏於四海也乞陛下察臣忠款
宋建平王宏孝武帝時普責百官讜言宏議曰臣聞
建國之道咸殊興王之政不一至於開諫致寧防口

取禍固前王同軌後主共則秦殷之敗語戮刺王
漢之盛誇升箴顯陛下以至德神臨垂精思治進儒
禮而崇寬教衰獄訟而黜嚴刑表忠行而舉貞節辟
處士而求賢異脩廢官而出滯賞撤天膳而重農食
禁貴遊而弛推酤通山澤而易關梁固已海內仰道
天下知德今復開不諱之塗獎直辭之路四海希風
普天幸甚舉蒙採問敢不悉心謹條鄙見置陳如左
辭理違謬伏用震驚夫用兵之道自古所慎頃者干
戈未戢武備宜修而卒不素練兵非夙習且戎衛之
職多非其才或以資厚索加或以祿薄帶帖或寵
權門恩自私假旣無將領虛尸榮祿至於邊城舉
羽驛交馳而望其擐甲推鋒立功閫外譬緣木求魚
不可得矣嘗謂臨難命帥皆出倉卒驅烏合之衆隸
造次之主貌踈情乖有若胡越豈能使其同力救危
濟難故奔北相望覆敗繼有今欲改選將較皆得其
人分臺見將各以配給領護二軍爲其總統令撫養
士卒使恩信先加農隙較獵以習其事三令五申以
齊其心使動止應規進退中律然後蓄銳觀釁因時
而動推敵陷堅折衝於外孫子曰視卒如赤子故可
與之共死所以張拳效事先之心吮癰致必盡之命

豈不繇恩著者士輕其生令明者卒畢其力考心跡事如或有在妄陳庸短退懼乖謬

江夏王義恭爲太宰時竟陵王誕舉兵反孝武遣沈慶之討伐值雨不得攻城及晴孝武怒使太史擇其發將自濟江義恭上表諫曰誕素無才略畜養又寡自拒王命士庶離散城內乏糧器械不足徒賴免兵蒼頭三四百人造次相附恩怨風結臣始短慮謂一旬可殄而假息流遷七十餘日上將受律群蕃兵時銳卒精旅動以萬計大威所震未有成功臣雖凡怯猶懷積罪陛下入剪封豕出討長蛇兵不血刃舉輿七百而蔽爾小醜遂延晷漏致皇赫斯怒將動乘之此寔臣下素食駑鈍之責行留百司莫不仰慙俯愧今盛暑被甲日費千金天威一麾孰不幸甚臣伏尋晉文王征淮南淹師出二百日方能制寇今誕樵糧垂竭背逆者多慶之等轉悟遲重之非漸見乘已之利且成旨頗降必應旦夕夷殄愚又以廣陵塗近人信易達雖爲江水約示不難且覩理者寡闇塞者衆忽見雲旗移次京都旣當祗悚四方之志必有未達臣愚伏重思計今寧不當計小醜省生命以安遐邇之情又以長江險闊風波難期王者尚不乘危况乃

汎不測之水今雖先天不違動干休慶龍舟所幸理
必利涉然居安慮危不可不懼私誠款款冒啓赤心
追用悚汗不自宣盡

南齊竟陵王子良爲會稽太守宋元嘉中皆責成郡
縣孝武徵求急速以郡縣遲緩始遣臺使自此公役
勞擾太祖踐祚子良陳之日前臺使督逋切調嘗聞
相望於道及臣至郡亦殊不踈凡此輩使人旣非詳
察勤順或貪險崎嶇要求此役朝辭禁門情態卽異
暮宿村縣威福便行但令朱鼓裁完鉞槩微具顧盼
左右叱咤自專擅宗斷族排輕斥運齧渴津埭恐响

傳郵破崗水逆商旅半洪逼令倒下先過已船浙江
風猛公私畏渡脫舫在前驅令俱發呵蹙行民固其
嘗理侮折守宰出變無窮旣瞻郭望境便飛下嚴符
但稱行臺莫顯所督先訶疆寺却攝群曹開亭正擒
便振荆革其次絳標寸紙一日數至徵村切里俄刻
十催四鄉所召莫辨在直狹老士庶共令付獄或尺
布之逋與以當疋百錢之稅且增爲千或誑應質作
尚方寄繫東治萬姓駭迫人不自固遂漂衣敗力競
致薰漿值今夕酒醕肉飫卽許附申徵格明日禮輕
貨薄便復不入恩科篚貢微闕總撻肆情風塵毀謗

隨忿而發及其豚蒜轉積鶩粟漸盈遠則分膏他境
近則託買吏民反請郡邑助申容回刺言臺推信如
所在聞頃者令長守牧離此每實非復近歲愚謂並
諸簡課宜停遣使審畿州郡則指賜勅令通外鎮宰
明下條源既各奉別指人競自罄雖復臺使盈湊會
正屬所徒相疑憤反更淹懈凡豫衣冠符思威世多
以闇緩貽愆少爲欺猾入罪若類以宰牧乖政則觸
事難委不課通上綱徧覺非才但奢促差降各賜一
朝如乃事速應緩自顯依違糾坐之科不必須重但
令必行其甘如薺且而裝之船充擬千緒三坊寡役

呼訂萬計每一使之發彌辰方辦粗計近遠率遣一
部職散人領無減二十舟船所資皆復稱是長江萬
里費固倍之較略一年脫得省者息舩優役實爲不
少兼折奸減竊遠近暫安及王敬則爲會稽太守會
土民無士庶皆役保敬則以工有餘息平歛爲錢送
臺庫以爲便子良啓曰伏尋三吳內地國之關輔百
度所資民庶彫流日有困殆蠶農嘗獲饑寒尤甚富
者稍增其饒貧者轉鍾其弊可爲痛心難以辭盡頃
錢貴物賤殆欲兼倍凡在觸類莫不如茲稼穡難劬
斛宜數十機杼勤苦足裁三百所以然者實亦有餘

年嘗歲調既有定期僅卹所上減是見直中間錢多
翦鑿鮮復完者公家所受必須負大以兩代一困於
所無鞭捶質繫益致無聊臣昔忝會稽粗閑物俗塘
丁所上本不入官良繇陂湖宜壅橋路須通均夫計
直民自爲用若甲分毀壞則年一脩改若乙限堅完
則終歲無役今郡通課此直悉以還臺租賦之外更
生一調至今塘路隳蕪湖源泄散害民損政實此爲
劇建元初狡虜遊魂軍用殷廣浙東五郡丁稅一千
乃有質賣妻兒以充此限道路愁窮不可見聞所逋
尚多收上事絕臣登其啓聞卽蒙蠲原而此年租課

三分適一明知擾民實自弊國愚謂塘丁一條宜還
復舊在所逋卹優量原除凡應受錢不限大小仍令
在所拆市布帛若民有親物是軍國所需者聽隨價
准直不必更應送錢於公不虧其用在私實荷其渥
昔晉氏初遷江左草創絹布所直十倍於今賦調多
少因時增減永初中官布一疋值錢一千而民間所
輸聽爲九百漸及元嘉物價轉賤私貨則束直六千
官受則疋准五百所以每欲優民必爲降落今入官
好布疋堪百餘其四民所送猶依舊制昔爲刻上今
爲刻下氓庶空儉豈不繇之救民拯弊莫過減賦時

和歲稔尚爾虛乏儻值水旱寧可熟稔且西京熾疆實基三輔東都全固實賴三河歷代所同古今一揆石頭以外裁足自供府州方山以東深關朝廷根本夫股肱要重不可不恤宜蒙寬政少加優養略其目前小利取其長久大益無患民貲不殷國庾不阜也宗臣重寄咸云利國竊如愚管未見可安帝不納又武帝新親政水旱不時子良密啓曰臣思水潦成患良田沃壤變爲汙澤農政吉祥因高肆務播殖旣周繼以旱虐黔庶呼嗟相視歛氣夫國資於民民資於食匪民何以能政臣每一念此寢不便席本始中郎

國大旱宣帝下詔除民租今聞所在逋欠尚多守宰嚴期兼夜課切新稅方向無從故調於何取給正當相驅爲盜耳愚謂逋租宜皆原除少降停恩後紓民命自宋道無章王風陵替竊官假號駢門連室今在民所簡動以萬計漸漬之來非復始適先朝政理以致沸騰小人心罔思前過申之以威反怨後罰歎窮則觸事在匪輕齊有天下日淺恩洽未布一方或饑當加優養愚謂自可依源削除未宜便克復後且部曹衛較誠存精密令史奸黠鮮不容情情旣有移理或在謬耳目有限群狡無極變易是非居然可見

詳而後取於事未達明詔深矜獄圜息文累隆今科
網嚴重稱爲峻察負罪罹讐充積牢戶暑時鬱蒸加
以金鐵聚憂之氣足感天和民之多怨非國福矣頃
土木之務甚爲殷廣雖役未及民動費已積災旱致
災或繇於此皇明載遠書軌未一絲淮滌江數州地
耳以魏方漢猶有一郡之譬以今比古復爲遠矣何
得不愛其民緩其政救其危存其命哉湘區與密蠻
寇熾疆如聞南師未能挫戮百姓齊民積年塗炭瘴
食侵淫邊虞方重交州蔓絕一垂寔惟荒服恃遠後
賓固亦當事自青德啓運款關受職置之度外不足

絃言今懸軍遠伐經途萬里衆寡事殊客主勢異以
逸待勞全勝難必又緣道調兵以足軍力民丁烏合
事乖習銳廣州積歲無年越州兵糧素乏加以發借
必致驚擾愚謂叔獻所請所宜聽從取亂侮以便俟
後會雖緩歲月必有可擒之理差息發動費役之勞
劉楷見甲以助湘中威力旣舉蟻寇自服又詔折租
布二分取錢子良又啓曰臣一月入朝六登文陛廣
殿稠人裁奉顏色縱有所懷豈敢自達比大青亟見
地孽亟臻民下妖訛好生嗜嗜穀價雖和比室饑噍
縑纒雖賤駢門髀質臣一念此痛入心骨三吳與區

地惟河輔百度所資罕不自出宜在蠲優使其全富而守宰相繼務存掊剌圖桑品屋以准貲課致令斬樹發瓦以違重賦破民敗產要利一時在所相承准令上直每至州臺使命切求懸急絀充徭役必繇窮困乃有畏失嚴期自殘軀命亦有斬絕手足以避徭役生育弗起殆爲黨事守長不務先富民而唯言益國豈有民貧於下而國富於上耶又泉鑄歲遠頻多翦鑿江東大錢十不一在公家所受必須輪郭遂買本一千加子七百求請無地捶革相繼尋完者爲用旣不兼兩週遷復質會非委積縱令小民每嬰困苦

且錢帛相半爲制永久或聞長宰湏令輸直進違舊科退容姦利入屬近縣旣在京畿發借徵調實煩他邑民特尤貧連年失稔草衣藿食稍有流亡今農正就興宜蒙賑給若逋課未上許以申原免豫二藩雖日舊鎮往屬兵虞累棄鄉土密邇寇處下無安志編草結菴示違涼暑扶攜流落靡有生向俱稟人靈獨絕溫飽而賦頃多少尚均沃實謂凡在荒民應加蠲減又司市之要自昔所難頃來此役不繇才舉並條其重貲許以銜鬻前人增佑求挾後人加稅請代如此輪迴終何紀極兼復交關津要共相唇齒愚野未

閑必加凌誑罪無大小橫沒貲載凡求試殺帛類非
廉謹未解在事所以開容夫斷獄惟平畫一在制雖
恩家得罪必宜申憲鼎姓貽誓最合從綱若罰典惟
加賤下辟書必蠲世族懼非先王立理之本尚書列
曹上應乾象如聞命議所出先諮於都都既下意然
後付郎謹寫開行愚謂郎官尤宜推擇宋運告終戎
車屢駕寄名軍牒動竊數等故非分充朝殿積俱廣
越守宰梁益郡邑參差調補實允事機且此徒冗雜
爾遵王憲嚴加廉視隨違彈斥一二年間可減大半
永明初玉輅爲重蓋又作麒麟頭采畫以馬首戴之
子良啓曰聞車旗有章載自前史器必依禮服無舛
法凡蓋員象天軫方法地上無二天之儀下設兩蓋
之飾求之志錄恐爲乖衷又假爲麟首加乎馬頭事
不師古鮮或可施武帝好射雉子良諫曰鑿鑿亟動
天蹕屢巡陵犯風烟驅馳野澤萬乘至重一羽甚微
貪甚微之驩忽至重之誠頃郊郭以外科禁嚴重匪
宜芻牧事罷遂乃窳掩殆廢且蠶月后登桑時告至
士女吁嗟易生噂議棄民從欲理未可安曩時巡幸
必盡威防領軍景先詹事赤斧堅甲利兵左右屯衛
今馳騫外野交待疎濶晨出晚還頓遺清道此實愚

臣最所震迫狡虜玩威甫獲款關二僕全富猶加曲
待如聞使臣頻亦怨望前會東宮遂形言色昔宋氏
遣使舊列階下劉纘御史始登朝殿今既反命宜賜
優禮伏謂中堂雲構寔惟峻絕檐陛深嚴事隔涼暑
而別爲一室如或有疑邊帶廣途訛言孔熾毀立之
易過於轉圓若依舊通敞實允觀聽頃市司驅扇租
俸過刻吹毛求瑕廉察相繼被以小罪責以重備愚
謂宜勅有司更詳優格臣年方朝賢齒未相及以管
窺天猶知失得廊廟之士豈闇其非未聞一人爲陛
下憂國家非但面從亦畏威耳臣若不啓陛下於何

聞之永明末又將射雉子良復諫曰忽聞外議伏承
當更射雉臣下情震越心懷憂悚猶謂疑妄事不必
然伏度陛下以信心明耀故所以傾金寶於禪靈仁
愛廣洽得使禽魚養命於江澤豈惟國慶民權乃以
翱翔治樂夫衛生保命人獸不殊重軀愛體彼我無
異於禮云聞其聲不忍食其肉見其生不忍見其死
且萬乘之尊降同匹夫之樂天殺無辜傷仁害福之
本菩薩不殺壽命得長施物安樂自無恐怖不惱衆
生身無患苦臣見功德有此果報所以日夜勸懃厲
身奉法實願聖躬康衛若此每寢夢寐脫有異見不

覺身心立就焦爛陛下嘗曰捨財脩福臣私心願願
 尚恨其少豈可今日有見此事一損福業追悔便難
 臣此啓聞私心實切若是大事不易可改亦願陛下
 矧臣此誠曲垂三思况此嬉遊之間非關當否而動
 輒傷生實可深慎雖不盡納而深見寵愛
 豫章王竄爲侍中楊州刺史唐寓之賊起啓曰此段
 小寇出於竟愚天網宏罩理不足論但聖明御世幸
 不可爾比籍聲聽皆云有繇而然豈得不仰啓所懷
 少陳心款山海崇深臣獲保安樂公情願於此可見
 齊有天下歲月未久澤沾萬民其實未多百姓猶險
 懷惡者衆陛下曲垂流愛每存優旨但頃小大士庶
 每以小利奉公不顧所損者大擿籍揜巧督郵簡小
 藏丁匿口凡諸條制實長怨府此目前交利非天下
 大計一室之中尚不可精寓宙之內何可用洗公家
 何嘗不知民之多巧但古今以政不可細碎故不爲
 耳爲此者實非乖理但識理者百不有一陛下弟兒
 大臣猶不皆能伏理况復天下悠悠萬品怨積聚黨
 覓迷相類止於一處何足不除脫復多所便成紘紘
 久欲上鬻閑侍無因謹陳愚管伏願特畱神思答曰
 巧欺那可容宋世混亂以爲是不蚊蟻何足憂已爲

義勇所破官軍昨至都今應散滅吾政恨其不辦大

耳亦何時無後魏注城王獻文集命邪後乃詔聽復籍錯莫敢先言雲

進日陛下後魏注城王獻文集方隆太平臨覆四海豈得上遘宗廟下棄

兆民父子相傳其來久矣皇魏之興有革皇儲正統

聖德夙章陛下必欲捐形塵務願袖清曠者家嗣之

寄宜紹寶曆若或欲捨儲官輕移宸極恐非先聖之

意駭動人情又天下是祖宗之天下而陛下輒改神

器上垂七廟下長姦亂之道此是禍福所繫願深思

慎之太尉源賀又進日陛下今欲外選諸王而禪位

于皇叔者臣恐春秋蒸嘗昭穆有亂脫萬世之後必

有逆饗之譏深願思任城之言東陽公元丕等進日

皇太子雖聖德夙彰然實冲幼陛下富於春秋始覽

機政普天景仰率土係心欲隆獨善不以萬物為意

其若宗廟何其若億兆何獻文日儲宮正統受終文

祖群公相之有何不可於是傳位於孝文

任城王澄為吏部尚書值車樹反叛孝文將欲討之

澄表諫不宜親行會江楊王繼平之乃止宣武即位

澄表日臣參訓先朝籍規有日前言舊軌頗亦聞之

又昔在嘗代親習皇后發秘序庭無闕日臣每於侍

坐先帝未嘗不以書典在懷禮經為事周旋之則不

冊府元龜 宗室部 卷之三十八 十七

輟於時自鳳舉中京方隆禮教宗室之範每蒙委及四門之選負荷詮量自先皇昇遐未遑脩述舉官虛荷四門之名宗人有闕四時之業青衿之緒於茲將落臣每惟其事竊所傷懷伏惟聖畧宏遠四方罕務宴安之辰於是乎在何爲太平之世而令子衿之歎興焉聖明之日而使宗人之訓闕焉愚謂可勅有司脩復皇宗之學開闢四門之教使墜落之族日就月將詔曰胄子崇業自古盛典國均之訓無應久廢尚書更可量宜脩立及孝明時靈太后臨朝澄上表曰伏惟世宗真武皇帝命將授旗隨陸啓穎運籌制勝

淮漢自賓節用勞心志清六合是故纘武脩文仍世彌盛陛下當周康靖治之時豈得宴安於玄默然取外之理要繇內強圖人之本先在自備蕭衍雖虐使其民而窺覷不已若遇我虛痕士民彫窘賊衍年老志張思播虺毒此之弗圖恐受其病伏惟陛下妙齡在位聖德方昇皇太后摠御天機朝乾夕惕若留意於負荷忿車書之末一進賢拔能重官人之舉樹惠賞清旌養人之器脩干戈之用畜熊虎之士愛時鄙財輕寶重穀七八年間陛下聖畧方剛親王德幹性茂將相膂力未衰愚臣猶堪戎伍荷戈帶甲之衆蓄

銳於今燕弧冀馬之盛充牣在昔又賊衍惡積禍盈
勢不能久子弟鬪悖釁逆已彰亂亡之兆灼然可見
兼弱有徵天與不遠大同之機宜湏蓄備昔漢帝力
疾討滅英布高皇卧病親除顯達夫以萬乘之主豈
忘息安實以侵名亂正計不得已今宜慕二帝之遠
圖以蕭寧爲大任然頃年以來東西難寇艱虞之與
首尾連接雖尋得剪除亦大損財力且饑饉之氓散
亡莫保收入之賦不增出用之費彌衆不愛力以悅
民無豐資以待敵此臣所以夙夜懷憂悚息不寧者
也易曰何以守位曰仁何以聚人曰財財者非天不

生非地不長非時不成非人不聚聚財如此之難守
位若此之重興替之道焉可不慮又古者使民歲不
過三日食壯者之糧任老者之智此雖太平之法難
卒而用然妨民害財亦不宜不戒今墉雉素脩廩庫
崇列雖府寺膠塹少有未周大抵省府粗得庇憇理
務寺塔足致衆誦道唯明堂辟雍因禮之大來冬司
徒兵至請籌量減徹專力經營務令早就其廣齊施
之財酬商市之獎凡所營造自非供御切湏戒伏急
惡亦宜徵減以務阜積庶無橫損民有全力夫食土
甌而媯德昭寢卑室而禹功盛章臺麗而楚力衰阿

宮壯而秦財竭存亡之繇灼然可觀願思前王一同之功畜力聚財以待時會靈太后銳於繕興在京師則起永寧太上公等佛寺功費不少州各造五級佛圖又數爲一切齊會施物動至萬計百姓疲於土木之功金銀之價爲之踴上削奪百官士力費損庫藏兼曲賚左右日有數千澄故有表雖卒不從而嘗履峇禮之

清河王懌宣武初司徒高肇以帝舅寵任擅權懌上言曰聞唯罷與名不可以假人是故季氏放僭宣足以爲深譏仲叔懸軒丘明以爲至誠諒以天尊地卑君臣道別宜杜漸防萌無相僭越至於減膳錄囚人君之事今乃司徒行之詎是人臣之義且陛下脩政教解獄訟則時雨可降玉燭知和何使明君失之於上奸臣竊之於下長亂之基於此在矣帝笑不應孝明時有沙門惠憐者自云呪水飲人能差諸病病人就之者日有千數靈太后詔給衣食事重力使於城西之南治療百病懌表諫曰昔新垣之奸不登於明堂五利之詐終嬰於顯戮臣聞故律深惑衆之科禮絕妖淫之禁皆所以大明君正防遏姦邪昔在漢末有張角者亦以此術熒惑當時論其所行與今不異遂能

也首新垣子順屬靈太后頗事莊飾數出遊幸順面

任城王澄子順屬靈太后頗事莊飾數出遊幸順面

諍曰禮婦人夫喪自稱未亾人首去珠玉衣不被絲

陛下毋臨天下年垂不惑過自脩飾何以示後世

太后慙而不出還入宮責順曰千里相徵豈見衆辱

順曰陛下盛服炫容不畏天下所笑何耻臣之一言

乎

臨淮王孝友明於政理嘗奏表曰令制百家為黨族

二十家為閭伍家為比鄰百家之內有師二十五

發皆免苦樂不均羊少狼多復有蠶食此之為弊久

矣京邑諸坊或七八百家唯一里三正二史庶事無

闕而况外州乎諸依舊制三正之名不改而百家於

四閭間二比計族少十二丁物十二疋貨絹畧計見

管之戶應二萬族一歲出貲絹二十四萬疋十五丁

出一番兵計得一萬六千兵此富國安人之道也古

諸侯娶九女士有一妻二妾晉令諸王置妾八人郡

君侯妾六人官品令第一第二品有四妾第三第四

有三妾第五第六有二妾第七第八有一妾所以陰

教聿脩繼嗣有廣廣繼嗣孝也脩陰教禮也而聖朝

四句在此下

駭誘生人致黃巾之禍天下塗炭數十年間角之餘
 也昔新垣平以天機示漢高祖高祖亦以此為
 任城王澄子順屬靈太后頗事莊飾數出遊幸順面
 諍曰禮婦人夫喪自稱未亾人首去珠玉衣不被綵
 陛下毋臨天下年垂不惑過自脩飾何以示後世
 太后慙而不出還入宮責順曰千里相徵豈見衆辱
 順曰陛下盛服炫容不畏天下所笑何耻臣之一言
 乎

臨淮王孝友明於政理嘗奏表曰令制百家為黨族
 二十家為閭伍家為比鄰百家之內有師二十五
 發皆免苦樂不均羊少狼多復有蠶食此之為弊久
 矣京邑諸坊或七八百家唯一里三正二史庶事無
 關而况外州乎諸依舊制三正之名不改而百家於
 四閭間二比計族少十二丁物十二疋貨絹畧計見
 管之戶應二萬族一歲出貲絹二十四萬疋十五丁
 出一番兵計得一萬六千兵此富國安人之道也古
 諸侯娶九女士有一妻二妾晉令諸王置妾八人郡
 君侯妾六人官品令第一第二品有四妾第三第四
 有三妾第五第六有二妾第七第八有一妾所以陰
 教聿脩繼嗣有廣廣繼嗣孝也脩陰教禮也而聖朝

忽棄此數繇來漸久將相多尚公主王侯多娶后族
故無妾媵習以爲嘗婦人多幸生逢今世舉朝旣是
無妾天下殆皆一妻設令人強志廣娶則家道離索
事皆迤邐內外親知其相啗恠凡今人通無准節父
毋嫁女則教之以妬姑娣逢迎其相勸以忌持制夫
爲婦德以能妬爲女工自云不受人欺畏他笑我王
公猶自一心已下何敢二意夫妬忌之心生則妻妾
之禮廢妻妾之禮廢則姦淫之兆興斯臣所以毒恨
者也請以王公第一品娶八通妻以備九女稱事二
品備七三四品備五五六品則一妻二妾限以一周

悉令充數自不充數及待妾非禮使妻妬加捶撻免
所居官其妾無子而不娶妾斯則自絕無以血食祖
父請科不孝之罪離遣其妻臣之赤心義唯國家欲
使吉凶無不合禮貴賤各得其宜去人帥以出兵丁
立倉儲以豐穀食設賞格以擒姦盜行典令以示朝
音庶饑足食足兵人信之矣又冒申妻妾之數正欲
王侯將相功臣子弟苗裔滿朝傳祿無窮此臣之志
也詔付有司議奏不同孝友又言今人生爲皂隸葵
擬王侯存沒異途無復節制崇壯丘權盛飾祭儀隣
里相榮稱爲至孝又夫婦之始王化所先共食合馭

足以成禮而今之冒者彌奢同牢之設甚於祭繁累
魚成山有林木之像鸞鳳斯存徒有煩勞終成委棄
仰惟天意其或不然請自茲以後若婚葬過禮者以
違旨論官司不加糾劾卽與同罪

臨淮王彧孝莊時追崇文武宣王爲文穆皇帝廟號
肅祖母李妃爲文穆皇后將遷神主於太廟以孝文
爲伯考或表諫以爲漢祖創業香街有太上之廟光
武中興南頓立春陵之寢元帝之於光武疏爲絕服
猶尚身奉子道入繼太宗高祖之於聖躬親實猶子
陛下旣纂洪緒豈宜加伯考之名且漢宣之繼孝昭

斯仍上後叔祖豈忘宗承考妣蓋以大義斯奪及金
德將興宣王受寄景王意在毀冕文王心規裂冠雖
祭則魏主而權歸晉室昆之與季實傾曹氏且子元
宣王冢裔文王成其大業故晉武繼文祖武宣有伯
考之稱以今類古恐或非儔高祖德溢寰中道超無
外肅祖雖勲格宇宙猶曾奉贄稱臣穆后稟德永元
復將配享乾位此乃君臣並坐嫂叔同室歷觀墳籍
未有其事時莊帝意銳朝臣無敢言者唯彧與吏部
尚書李神雋並有表聞詔報日文穆皇帝勲格四表
道邁百王是用考循舊範恭上尊號王表云漢太上

於香街南頓於春陵漢高不因瓜瓞之緒光武又無世及之德皆身受符命不繇父祖別廟異寢於理何差文穆皇帝天驕人宅曆數有歸朕忝承下武遂主神器既帝業有統漢氏非倫若以昔况今不當移寢則魏太祖晉景帝雖玉跡已顯皆以人臣而終豈得與余帝別廟有闕餘序漢郡國立廟者欲尊高祖之德使饗遍天下非闕大廟神主獨在外祠薦漢宣之父亦非勲德所出雖不追尊不亦可乎伯考之名自是尊卑之序何必准古而言非類也復云君臣同列嫂叔共室當以文穆皇帝昔遂臣道以此爲疑禮天子元子猶士禘祫豈不同室乎且晉之文景共爲一代議者云世限七室主無定數昭穆既同明有共室之理禮既有禘嫂叔何嫌禮祖禰一廟豈無婦舅共室也若專以共室爲疑容可更議遷毀莊帝既通諸妹之請此祠意黃門侍郎嘗景中書侍郎邢子才所贊成也又追尊兄彭城王爲孝宣聖帝或又面諫曰陛下作而不法後世何觀歷尋書籍未有其事帝不從及神主入廟復勅百官悉陪從一依乘輿之式或上表以爲爰自中古迄於下葉崇尚君親褒明功德乃有皇號終無帝名今若去帝直留皇名求之古義

少有依准又不納

濟陰王暉業弟昭業頗有學尚位諫議大夫莊帝將幸維也南昭業立於閭闔門外扣馬諫帝避之而過後勞之

北齊永安簡平王浚保定初進爵爲王文宣末年多酒浚謂親近日兄舊來不甚了了自登祚已後識解頓進今因酒敗德朝臣無敢諫者大敵未滅吾甚以爲憂欲乘驛至鄴面諫不知用吾不人有知密以白帝因見街八年來朝從幸東山帝裸裎爲樂雜以婦女又作狐掉尾戲浚進言此非人主所宜帝甚不悅

浚又於屏處召楊遵彥議其不諫帝特不欲大臣諸王交通遵彥懼以奏帝帝大怒曰小人爾來遂罷還宮

河南王孝瑜文襄長子也武成嘗使和士開與胡對坐握槊孝瑜諫曰皇后天下之母不可與臣下手帝深納之後又言趙郡王父死非命不可而親河間王孝琬文襄第三子天統中累遷尚書令初厥與周師入太原武成避之而東孝琬扣馬諫請趙郡王部分之必整武成從其言孝琬免胄將使追還周軍退拜并州刺史

冊府元龜卷第二百八十九

冊府元龜卷第二百八十九

冊府元龜卷第二百八十九

冊府元龜卷第二百八十九

冊府元龜卷第二百八十九

冊府元龜卷第二百八十九

冊府元龜卷第二百八十九

冊府元龜卷第二百八十九

冊府元龜卷第二百八十九

冊府元龜卷第二百八十九

巡按福建監察御史臣李嗣京 正

分守建南道左布政使臣胡維霖 訂

知建陽縣事 臣 黃國琦 較

宗室部 二十八

圖興復

古者封建子弟藩屏王室平居則共其樂多難則同其憂所謂宗子維城本支百世也故有窮之難少康以庖正而復舊物新都之篡光武以諸至而致中興雖復藉祖宗之道德因億兆之懷思蓋緣天姿異常

靈命夙集耳其有屬居宗室世值艱虞或神器將移
或王業既墜乃將糾率義旅殘滅讐怨或投間於中
或稱兵於外而天未悔禍時方不利志雖自激功卒
無成豈謀慮之未臧蓋鎡基之靡固耳亦有流寓絕
域羈旅鄰邦思借人之兵以復已之圖而運移勢去
終底滅亡區區之心有足悲也與夫歸國邑獻符命
以圖生者豈不遠乎

漢安衆侯崇長沙定王六世孫平帝時與舂陵侯敞

俱朝京師助祭明堂

平帝時王莽輔政祿祭明堂諸侯王二十八人列侯百二十八

人宗室子九百餘人

崇見王莽將危漢室私謂敞曰安漢

公擅國權群臣莫不迴從

迴曲也

社稷傾覆至矣太后

春秋高天子幼弱

謂元后平帝也

高皇帝所以分封子弟蓋

為此也敞心然之及莽居攝崇與相張紹謀曰安漢

公莽專制朝政必危劉氏天下非之者乃莫敢先舉

此宗室耻也吾帥宗族為先海內必和紹等從者百

餘人遂進攻宛不得入而敗

張紹竦之從兄

莽于池其室宅

徐鄉侯快

一云名快

膠東恭王子聞王莽僭位乃結黨數

千人起兵於其國欲誅莽快兄殷為扶崇公快攻即

墨殿閉城門自繫獄吏民距快快敗走至長廣死是

時陵鄉侯魯

楚思王子

扶恩侯貴

不知誰子孫

皆以起兵誅莽

敗

春陵侯敞二弟弘梁弘先起義兵卒梁少以俠氣聞
更始元年起兵豫章欲徇江東自號就漢大將軍暴
疾卒

後漢光武族兄玄字聖公春陵戴侯熊渠曾孫也王
莽地皇二年新市人王匡王鳳馬武王嘗成丹等攻

板竟陵縣名今復州轉擊雲社安陸安陸今安州縣三年與其支

黨朱鮪張卬等北入南陽號新市兵皆自稱將軍平
林人陳牧廖湛復聚眾千餘人號平林兵以應之聖
公因往從牧等為其軍安集椽是時光武及兄伯升

亦起春陵與諸部合兵而進四年正月破王莽前隊

大夫甄阜屬正梁丘賜斬之號聖公為更始將軍眾

雖多而無所統一諸將遂共議立更始為天子二月

辛未設壇場於清水上沙中陳兵大會更始即位南

面立朝群臣素懦弱羞愧流汗舉手不能言於是大

赦天下改元更始元年悉拜置諸將以族父良為國

三老王匡為定國上公王鳳成國上公朱鮪大司馬

族弟伯升大司徒陳牧大司空餘皆九卿將軍五月

伯升拔宛於元功縣名在南陽六月更始入都宛城盡封宗室

及諸將為列侯者百餘人更始忌伯升威名遂誅之

以光祿勳劉賜為大司徒前鍾武侯劉望起兵畧有

汝南時王莽納言將軍嚴尤秩宗將軍陳茂既敗於

昆陽往歸之八月望遂自立為天子以尤為大司馬

茂為丞相王莽使太師王_匡與更始新封國公同姓名國將哀章

守維陽哀姓魯哀公之後更始遣定國上公王_匡攻維陽西

屏大將軍申屠建丞相司直李松攻武關三輔震動

是時海內豪傑翕然響應皆殺其牧守自稱將軍用

漢年號以待詔命旬月之間徧於天下長安中起兵

攻未央宮九月東海人公賓就斬王莽於漸臺公賓姓就

名漸臺太收壘授傳首諸宛時更始在便坐黃堂取

視之喜曰莽不如是當與霍光等寵姬韓夫人笑曰

若不如是帝焉得之乎更始悅乃懸莽首於宛城市

是月拔維陽生縛太師王_匡國將哀章至斬之十月

使奮威大將軍劉信擊殺劉望於汝南并誅嚴尤陳

茂更始遂北都維陽以劉賜為丞相申屠建李松自

長安傳送乘輿服御又遣中黃門從官奉迎遷都二

年二月更始自維陽而西至長樂宮初王莽敗唯未

央宮被焚而已其餘宮館一無所毀宮女數千備列

後庭自鍾鼓帷帳輿輦服太倉武庫官府市里不

改於舊李松與棘陽人趙萌說更始宜悉王諸功臣

朱鮪爭之以為高祖約非劉氏不王更始乃先封宗
室太嘗將軍劉祉為定陶王劉賜為宛王劉慶為燕
王劉歆為元氏王大將軍劉嘉為漢中王劉信為汝
陰王後遂立王匡為北陽王王鳳為宜城王朱鮪為
膠東王衛尉大將軍張卬為淮陽王廷尉大將軍王
掌為鄧王執金吾大將軍廖湛為穰王申屠建為平
民主尚書胡殷為隨王柱天大將軍李通為西平王
五威中郎將李軼為舞陰王水衡大將軍成丹為襄
邑王大司空陳牧為陰平王驃騎大將軍宋佻為潁
陰王尹尊為郟王唯朱鮪辭曰臣非劉宗亦不敢干

與遂讓不受乃徙鮪為左大司馬劉賜為前大司馬
使與李軼李通王掌等鎮撫關東以李松為丞相趙
萌為右大司馬共秉內任萌專權威福自己郎吏有
說萌放縱者更始拔劍擊之自是無敢復言萌私忿
侍中引下斬之更始救請不從時李軼朱鮪擅命山
東王匡張卬橫暴三輔其所授官爵者皆群小賈豎
或有膳夫庖人多着繡面衣錦袴襜褕褚于
褚于大掖衣也
襜褕其短者 罵詈道中長安為之語曰竈下養中郎將爛

羊胃騎都尉爛羊頭關內侯十二月赤眉西入關三
年正月更始使蘇茂拒赤眉於弘農茂軍敗死者千

餘人三月遣李松會朱鮪與赤眉戰於務鄉地名在

城縣松等大敗棄軍走死者三萬餘人時王匡張卬

守河東為鄧禹所破還奔長安卬與諸將議曰赤眉

近在鄭華陰間旦暮且至今獨有長安見滅不久不

如勒兵掠城中以自富轉攻所在東歸南陽收宛王

等兵事若不集復入湖池中為盜耳申屠建廖湛等

皆以為然共入說更始更始怒不應莫敢復言及赤

眉立劉盆子更始使王匡陳牧成丹趙萌屯新豐李

松軍檄以拒之新豐有鴻門亭張卬廖湛胡殷申屠建

等與御史大夫隗囂合謀欲以立秋日貍腹時共劫

更始貍獸名以立秋日祭獸冀州北郡以八月朔作飲食為臠俱成計侍中劉能

卿知其謀以告之更始託病不出召張卬等皆入將

悉誅之唯隗囂不至更始狐疑使卬等四人且待於

外廬卬與湛殷疑有變遂突出獨申屠建在更始斬

之卬與湛殷遂勒兵掠東西宮時燒門入戰於宮

中更始大敗明日將妻子車騎百餘東奔趙萌於新

豐更始復疑王匡陳牧成丹與張卬等同謀乃並召

入牧丹先至卬斬之王匡懼將兵入長安與張卬等

合李松還從更始與趙萌共攻卬等城內連戰月餘

卬等敗走更始徙居長信宮赤眉至高陵卬等迎降

之遂共連兵而進更始城守使李松出戰敗死者二千餘人赤眉生得松時松弟汎為城門較尉赤眉使使謂之日開城門活汝兄汎即開門九月赤眉入城更始單騎走從厨城門出長安故城北中門也諸婦女從後連呼日陛下當下謝城更始即下拜復上馬去至高陵止傳舍遣劉恭請降赤眉使其將謝祿往受之十月更始隨祿降赤眉封長沙王祿縊殺之

齊武王續字伯升光武長兄性剛毅慷慨有大節自王莽篡漢嘗憤憤懷復社稷之慮不事家人居業傾身破產結交天下雄俊莽末盜賊群起南方尤甚伯

升召諸豪傑計議曰王莽暴虐百姓分離今枯旱連年兵革並起此天亾之時復高祖之業定萬世之秋也眾皆然之於是分遣親客使鄧晨起新野光武與

李通李軼起於宛伯升自發春陵子弟合七八千部署賓客自稱柱天都部柱天者若天之柱也都部者都統其眾人也使宗

室劉嘉往招新市平林兵王匡陳牧等合軍而進屠長聚及唐子鄉殺湖陽尉進拔棘陽因欲攻宛至小

長安與王莽前隊大夫甄阜屬正梁丘賜戰時天密霧漢軍大敗姊元弟仲皆遇害宗室死者數十人伯升復收會兵眾還保棘陽阜賜乘勝留重於藍鄉今

州北陽縣 引精兵十萬南渡潢淳 潢水二湖流注合為潢水又南經

陽縣之潢淳聚又謂之潢 臨比水阻兩川間為營絕

後橋示無還心新市平林見漢兵數敗阜賜軍大至

各欲解去伯升甚患之會下江兵五千餘人至宜秋

宜秋聚名在北陽縣 乃往為說合從之勢下江從之伯升於是

大饗軍士設盟約休卒三日分為六部潛師夜起襲

取藍鄉盡獲其輜重明旦漢軍自西南攻甄阜下江

兵自東南攻梁丘賜至食時賜陳潰阜軍望見散走

漢兵急追之却追潢淳水斬首溺水者二萬餘人遂

斬新王莽納言將軍嚴尤秩宗將軍陳茂聞賜軍敗

欲引據宛伯升乃陳兵誓衆焚積聚破釜斃斬首三

千餘級尤茂棄軍走伯升遂進圍宛自號柱天大將

軍自阜賜死後百姓日有降者衆至十餘萬諸將會

議立劉氏以從人望豪傑咸歸於伯升而新市平林

將帥樂放縱憚伯升威明而貪聖公懦弱先共定策

立之策後使騎召伯升示其議伯升曰諸將軍幸欲

尊立宗室其德甚厚然愚鄙之見竊有未同今赤眉

起青徐衆數十萬聞南陽云宗室恐赤眉後有所止

如此必將內爭今王莽未滅而宗室相攻是疑天下

而自損權非所以破莽也且首兵唱號鮮有能遂陳

勝項籍卽其事也春陵去宛三百里耳未足爲功遠
 自尊立爲天下準的使後人得承吾敝非計之善者
 也今且稱王以號令若赤眉所立者賢相率而往從
 之若無所立破莽降赤眉然後舉尊號未晚願各思
 之諸將多曰善將軍張卬拔劍擊地曰疑事無功今
 日之議不得有二衆皆從之聖公旣卽位拜伯升爲
 大司徒封漢信侯繇是豪傑失望多不服五月伯升
 拔宛六月光武破王尋王邑自是兄弟盛名益甚更
 始群臣不自安遂共謀誅伯升乃大會諸將以成其
 計初伯升部將宗人劉稷時起兵擊魯陽今汝州
魯山縣

更始立怒曰本起兵圖大事者伯升兄弟也今更始
 何爲者耶更始君臣聞而心忌之以稷爲抗威將軍
 稷不肯拜更始乃與諸將陳兵數千人先收稷將誅
 之伯升固爭李軼朱鮪因勸更始并執伯升即日害
 之

中山王茂泗水王歙從父弟年十八歲漢兵之起茂
 自號劉失職聚衆京密間京密二縣
俱屬河南稱厭新將軍攻

下潁川汝南衆十餘萬人光武旣至河內茂率衆降
 晉南陽王保愍帝時爲相國都督陝西諸軍事帝之
 蒙塵也保自稱晉王建元署置百官遣使拜涼州張

實爲征西大將軍儀同三司增邑三千戶俄而保爲都尉陳安所叛氏羗皆應之保窘迫遂去上却遷祁山實遣將韓璞步騎五千赴難陳安退保緜諸歸上却未幾保復爲安所敗使詣實乞師實遣宋毅赴之而安退會保爲劉曜所逼遷于桑城將謀奔實實以其宗室之望若至河右必動物情遣其將陰監逆保聲言翼衛實禦之也會保薨其衆散奔涼州者萬餘人

司馬楚之宣帝弟太嘗胤之八世孫年十七值宋高祖輔政誅夷司馬咸屬楚之乃以於汝穎之間楚之

少有英氣能拆節待士與司馬順明道恭等所在聚黨及高祖自立楚之規欲報復收據長社歸之者嘗萬餘人高祖深憚之楚之尋奔于後魏爲征西將軍

荊州刺史與山陽公奚斤共平河南

宋劉秉長沙王道憐孫順帝卽位初爲尚書令中軍時齊王輔政袁粲鎮石頭粲潛與秉及諸大將軍黃回等謀欲作亂本期夜會石頭旦乃舉兵秉素怯懦騷動擾不自安丹晡後便自丹陽郡車載婦女盡室奔石頭部曲數百赫奔滿道旣至見粲粲驚曰何遽便來事今敗矣秉曰今得見公萬死亦何恨從弟中

領軍韞直在省內與直閣將軍卜伯興謀其夜共攻齊王會秉去事覺齊王夜使驍騎將軍王敬則收韞韞已戒嚴敬則率壯士直前韞左右皆披靡因殺之伯興亦伏誅粲敗秉踰城出走於領稽湖見擒與二子承侯並誅

後魏始平縣公孝矩為南豐州刺史時見周太祖專政將危元氏孝矩每慨然有興復社稷之志陰謂昆季曰昔漢時有諸呂之變朱虛東牟卒安劉氏今宇文泰之心路人所見顛而不扶焉用宗子盍將圖之為元則所逼孝矩乃止

北齊范陽王紹義拒奔突厥他鉢可汗謂文宣英雄天子以紹義踵蹀躞似之王欽若等曰蹀躞骨重也甚見愛重凡齊

人在北者悉隸紹義遂即皇帝位稱武平元年以趙穆為天水王他鉢聞寧寶得平州亦招諸部各舉兵南何云共立范陽王作齊帝為其報讐周武帝大集兵於雲陽將親北伐遇疾暴終紹義聞之以為天贊已盧昌期據范陽亦表迎紹義俄而周將宇文神舉攻滅昌期其日紹義適至幽州聞周摠管出兵於外欲乘虛取薊城列天子旌旗登燕昭王家乘高望遠部分兵眾神舉遣大將軍宇文恩將四千人馳救幽

州半爲齊軍所殺紹義聞范陽城陷素服舉哀迴軍入突厥周人購之於他鉢又使賀若誼往說之他鉢猶不忍遂僞與紹義獵於南境使誼執之流于蜀紹義妃渤海封孝琬女自突厥逃歸紹義在蜀遺妃書云夷狄無信來逆於此竟死蜀中

隋越王侗煬帝諸孫大業十三年帝幸江都令侗與金紫光祿大夫段達大府慶元文都攝民部尚書韋津右武衛將軍皇甫無逸等摠留臺事宇文化及之弑逆也文都等議以侗元德太子之子屬最爲近於是乃共尊立大赦改元曰皇泰謚帝曰明廟號世祖

追尊元德太子爲孝成皇帝廟號世宗尊其母劉氏姊爲皇太后未幾宇文化及立秦王子浩爲天子來次彭城所經城邑多從逆黨侗懼遣使者蓋琮馬公政招懷李密密遂遣使請降侗大悅禮其使甚厚卽拜密爲太尉尚書令魏國公令拒化及下書曰我大隋之有天下於茲三十八載高祖文皇帝聖略神功載造區夏世祖明皇帝則天法地財一華戎東暨蟠木西通細柳前踰丹徼後越幽都日月之所臨風雨之所至圓首方足稟氣食毛莫不盡入提封皆爲臣妾加以寶貺畢集靈瑞咸臻作樂制禮移風易俗知

周寰海萬物咸受其賜道濟天下百姓用而不知世
祖往因歷試統臨南服自居皇極順茲望幸所以往
歲首方展禮肆覲停鑾駐蹕按駕清道八屯如昔七
萃不移豈意釁起非常逮於軒陛災生不意延及冕
旒奉諱之日五情哀隕攀號荼毒不能自勝且聞之
自古代有屯剝賊臣逆子無世無之至如宇文化及
世傳庸品其父述往屬時來早霑厚遇賜以婚媾置
之公輔位尊九命祿重萬鍾禮極臣人榮冠世表徒
承海嶽之恩未有消塵之荅化及以此下材夙蒙顧
盼出入外內奉望階墀昔陪藩國統領禁衛及從升
皇祚陪列九卿但本性虎狼恣其貪穢或交結惡黨
或侵掠貨財事重刑篇狀盈獄簡在上不遺簪履恩
加草芥應至罪辜每蒙恕免三經除解尋復本職再
徙邊裔仍卽追還生成之恩昊天罔極獎擢之義人
事罕聞化及梟鏡爲心禽獸不若縱毒與禍傾覆行
宮諸王子弟一時殘酷痛暴行露世不忍言有窮之
在夏時大戎之於周代釁辱之極亦未是過朕所以
刻骨摧心飲膽嘗血瞻天視地無處容身今王公卿
士庶寮百辟咸以大寶鴻名不可顛墜元克巨猾須
早夷殄翼戴朕躬嗣守寶位顧惟寡薄志不逮此今

者出黼衣而杖旄鉞釋衰麻而探甲冑御冤誓衆忍
淚治兵指日遙征以平大盜耳化及僞立秦王之子
幽暹比於囚拘其身自稱霸王專擅擬於九五履踐
禁御據有官闈昂首揚眉初無慙色衣冠朝望外懼
克威志士誠臣內皆憤怨以我義師順彼天道梟夷
醜族匪夕伊朝大尉尚書令魏公丹誠內發宏略外
舉率勤王之師討違天之逆果毅爭先熊羆競逐金
鼓振讐若火焚毛鋒刃縱橫如湯沃雪魏公志在扶
翊投袂前驅朕親御六軍星言繼進以此衆戰以斯
順舉驛山可以動射石可以入况擁爾徒皆有離德

京都侍衛西憶家鄉江左淳民南思江邑比來表書
駱驛人信相尋若王師一臨舊章覽觀自應解甲倒
戈冰銷葉散且聞化及自恣天奪其心弑戮不辜挫
辱人士莫不道路以目號天踟地朕今復讐雪耻梟
輟者一人拯溺救焚所哀者士庶唯天鑒孔殷祐我
宗社億兆感義但會朕心臬戮元克策勳飲至四海
交泰稱朕意焉兵衛軍機竝受魏公節度密見使者
大悅北面拜伏臣禮甚恭密遂東拒化及士貴頗不
協王欽若等曰士貴謂元
文都皇甫無逸等人陰有相圖之計未幾元文
都盧楚郭文懿趙長子等爲世克所殺皇甫無逸歸

長世充既破李密爲鄭王摠百揆於九錫備物侗不能禁世充又逼侗遜位幽於含涼殿月餘遇害

唐琅琊王冲越王貞之子垂拱四年爲博州刺史據州舉兵初韓王嘉魯王靈夔崔王元軌越王貞及元嘉子黃公譔靈夔子范陽王藹元軌子江都王緒等自則天臨朝嘗怏怏有不平之志密有異圖是歲七月譔作謬書與貞云內人病漸重必須早療若至今冬恐成痼疾宜早下手仍速相報至是以明堂將成追皇宗赴集因通相語云大享之際神皇必遣人大行誅戮皇家子弟無遺種矣譔詐爲皇帝璽書與冲云朕被繫王等宜各發兵救拔我也冲又僞爲帝璽書云神皇欲傾李家社稷移國祚於武氏冲乃呼長史蕭德宗等令召募兵士分報韓魯霍越紀等五王各令起兵應接以赴神都於是制左金吾將軍丘勣爲行軍大摠管以討冲初冲募得五千餘人將武水縣令郭武悌赴魏州請授魏州縣令馬玄素領兵千七百人在路邀截恐力不及敵先入武水城閉門拒守乃令積草車上放火烧城南門擬乘火突入火之未起南風甚急及草已燃遽迴爲北風未至城門燒草已盡冲軍繇是沮氣有堂邑丞董玄寂爲冲統率

兵仗及冲擊武水玄寂曰瑯琊王與國家交戰此乃反也冲聞之斬玄寂以徇兵衆懼而散入草澤不可禁止唯有家僮左右不過數十而已乃却走入博州城爲守門者所殺傳首神都梟於闕下冲起兵凡七日而敗初冲與諸王連及冲先發而莫有應者唯冲父豫州刺史越王貞獨舉兵以應之尋遣兵攻上蔡縣旣聞冲敗恐懼索鑠欲自拘馳驛詣闕謝罪會其所署新蔡令傅延慶募得勇士二千餘人貞遂有拒敵之志乃宣言於其衆曰瑯琊王已破魏相數州兵至二十萬朝夕卽到爾宜勉之徵屬縣兵至五千人

分爲五營貞自爲中營署其所親汝陽丞裴守德爲大將軍內營摠管趙成美爲左郎將押左營周弘道爲右郎將押右營安摩訶爲郎將後軍摠管王孝思爲右將軍前軍摠管又以豫州長史帝慶禮爲銀青光祿大夫行其府司馬凡署九品已上官五百餘人令道士及僧轉讀諸經以祈事捷家僮及戰士咸帶符以辟兵其所授官皆以迫脅見從本無鬪志唯裴守德實與之同守德有膂力善騎射貞將起事便以其女良鄉縣主妻之而委以爪牙心腹之任九月庚辰命左豹韜衛大將軍麴崇裕爲中軍大摠管夏官

尚書岑長倩為後軍大摠管率兵十萬討之仍令鳳閣郎中張光輔為諸軍節度削貞及冲屬籍改姓虺氏官軍至豫州城東四十里貞命子規及裴守德拒戰規等兵潰而歸貞大懼閉門自守裴守德排閣入問王安在意欲以貞自購也貞自仰藥而死規又自殺守德攜良鄉縣主亦同縊而死丙寅豫州平崇禘傳貞父子及守德等首梟於闕下貞起兵凡二十日而敗初越王貞之起兵也而韓王元嘉與其子讓實為謀首於是皇宗國戚內外相連者甚廣魯王靈夔子范陽王諒遣使貞及於冲曰若四面同來事無不濟諸道計會未審而先發兵倉卒唯貞應之諸道莫有赴者故其事不成坐致誅滅

冊府元龜卷第二百八十九

宗室部

尚書岑長倩爲後軍大摠管率兵十萬討之仍令鳳閣郎中張光輔爲諸軍節度削貞及冲屬籍改姓虺氏官軍至豫州城東四十里貞命子規及裴守德拒戰規等兵潰而歸貞大懼閉門自守裴守德排閣入問王安在意欲以貞自購也貞自仰藥而死規又自殺守德攜良鄉縣主亦同縊而死丙寅豫州平宗裕傳貞父子及守德等首梟於闕下貞起兵凡二十日而敗初越王貞之起兵也而韓王元嘉與其子譔實爲謀首於是皇宗國戚內外相連者甚廣魯王靈夔子范陽王藹遣使貞及於冲曰若四面同來事無不濟諸道計會未審而先發兵倉卒唯貞應之諸道莫有赴者故其事不成坐致誅滅

而殿初越王貞之...
育扶皆效其專不知坐廷結...
憲詣鼓指會未審而夫發其會卒卸貞獻之...

冊府元龜卷第二百九十

巡按福建監察御史臣李嗣京 訂正

新建縣舉人 臣戴國士參閱

知建陽縣事 臣黃國琦較釋

宗室部 三十六

謹讓 立功

謹讓

傳日門內之治恩掩義門外之治義斷恩蓋先王之
道不以私害公也周漢而降宗枝茂盛封建既廣性

此錯入謹讓門序論
及淮南厲王事
此乃履也
門起計二章下接相陽
懷侯嘉茲鈔於別序
增補記

習不同乃有背既睦之教蓄不成之性忽麟趾之義
忘盤石之訓恣其盈佚弗率典訓以至奉藩無狀事
親不謹暱愛近習銜惑邪說或專用非辟或潛懷異
圖雖復舉八議之典蒙三宥之惠煩尺一之詔屈廷
尉之請猶或長惡不悛罔顧顛覆以致遷削土宇陷
於不義悲夫

漢淮南厲王長文帝之弟文帝時薄太后及太子諸
大臣皆憚厲王厲王以此歸國益恣不用漢法出入
警蹕稱制自作法令數上書不遜順數音所文帝重
自切責之重時帝舅薄昭為將軍尊重帝令昭予厲

王書諫數之曰數音所竊聞大王剛直而勇慈惠而
厚貞信多斷是天以聖人之資奉大王也甚盛不可

不察今大王所行不稱天資皇帝初即位易侯邑在
淮南者侯邑在淮南者更易以他郡大王不肯皇帝

卒易之卒終也使大王得三縣之實甚厚大王以未嘗
與皇帝相見求入朝見未畢昆弟之歡畢盡也而殺列

侯以自為名皇帝不使吏與其間與讀日豫謂不赦
大王甚厚法二千石缺輒言漢補大王逐漢所置而

請自置相二千石皇帝詘天下正法而許大王甚厚

不從正法聽王自置二千石詘謂曲也大王欲屬國為布衣守冢

真定 屬謂委棄之也音之徵反 皇帝不許使大王毋失南面之尊

甚厚 毋失不失也南面之尊謂王位也 大王宜日夜奉法度修貢職

以稱皇帝之厚德今廼輕言恣行以負謗於天下甚

非計也夫大王以千里為宅居以萬民為臣妾此高

皇帝之厚德也高帝蒙霜露沐風雨 沐亦頰字也蒙冑也沐洗面也

音胡內反字 赴矢石野戰攻城身被瘡痍 痍音夷 以為

子孫成萬世之業艱難危苦甚矣大王不思先帝之

艱苦日夜怵惕脩身正行養儀牲豐潔粢盛奉祭祀

以無忘先帝之功德而欲屬國為布衣甚過且夫貪

讓國土之名輕廢先帝之業不可以言孝父為之基

而不能守不賢不求守長陵而求之真定先母後父

不誼數逆天子之令不順言節行以高兄無禮 謂請守母

冢自為名節而表異行用此矜高於兄也 幸臣有罪大者立斷小者肉刑

不仁 斷謂斬也 貴布衣一劔之任賤王侯之位不知不學

問大道觸情妄行不祥 任情意所欲則行之 此人者

危亡之路也而大王行之棄南面之位奮諸賁之勇

吳專諸衛孟賁也音音奔 嘗出入危亡之路臣之所見高皇帝之

神必不廟食於大王之手明矣昔者周公誅管叔放

蔡叔以安周齊桓殺其弟以及國 子紂兄也言弟者諱也 秦始

皇殺兩弟遷其母以安秦 始皇母與嫪毐私通生二子事覺誅毒并殺二弟遷

其母於咸 頃王 亾代高帝奪之國以便事 頃王高帝兄仲也句

陽宮也 奴入代不能守走歸京師高帝奪其國退為郟陽侯以便國法也便音煩面反 濟北舉兵皇

帝誅之以安漢 濟北王興居與大臣共誅諸呂自以功大怨其賞薄故反 故周齊

行之於古秦漢用之於今大王不察古今之所以安

國便事而欲以親戚之意望於大上不可得也 大上天子

也 亡之諸侯游宦事人及舍匿者論皆有法 舍匿謂容止而

藏隱 其在王所吏王者坐 言各有所主 今諸侯子為

吏者御史主 王御史也自此以下至 為軍吏者中尉

主客出入殿門者衛尉大行主諸從蠻夷來歸誼及

以亡名數自占者內史縣令主相欲委下吏無與其

禍不可得也 言諸侯王之相欲委罪於在下小吏王而身不干豫之不可得也與讀曰豫

若不改漢繫大王邸論相以下為之奈何夫墮父大

業退為布衣所哀 墮毀也布衣貧賤之人王託伏法則貧賤之人反哀憐之墮音火規

幸臣皆伏法而誅為天下笑以羞先帝之德 羞辱也

甚為大王不取也宜急改操易行上書謝罪曰臣不

幸早失先帝少孤呂氏之世未嘗忘死 嘗恐 陛下即

位臣怙恩德驕盈行多不軌 軌法也 追念臯過恐懼伏

地待誅不敢起皇帝聞之必喜大王長弟歡欣於上

羣臣皆得延壽於下上下下得宜海內嘗安願熟計而

疾行之行之有疑猶如發矢不可追已王得書不說

立功

順陽侯嘉光武族兄義兵起嘉隨更始征伐為偏將軍及攻破宛封興德侯遷大將軍擊延岑於冠軍降之更始都長安封漢中王

安成侯賜光武族兄自伯升起兵賜乃隨從攻擊諸縣更始既立以賜為光祿勳及伯升被害代為大司徒加丞相更始都長安封賜為宛王拜前大司馬使持節鎮撫關東建武初聞光武即位乃詣雒陽

成武侯順光武族兄建武八年使擊破六安賊因拜為六安太守

陳王寵明帝子陳敬王之孫中平中黃巾賊起郡縣皆棄城走寵善弩射十發十中中中皆同處

地載參連為奇又有三微三小三微為經三小為緯經緯相將萬勝之方然要在機牙寵有彊

弩數千張出軍都亭置軍營於國之都亭國人素聞王善射不敢反叛故陳獨得完百姓歸之者衆十餘萬人

魏任城王彰太祖子漢末封鄢陵侯建安二十三年代郡烏丸反以彰為北中郎將行驍騎將軍討之彰

北征入涿郡界叛胡數千騎卒至時兵馬未集唯有步卒千人騎數百匹用田豫計固守要隙虜乃退散

彰追之身自搏戰射胡騎應弦而倒者前後相屬戰

過半日彰鎧中數箭意氣益厲乘勝逐北至桑乾去
 代二百餘里長史諸將皆以為新涉遠士馬疲頓又
 受節度不得過代不可深進違令輕敵彰日率師而
 行唯利所在何節度乎胡走未遠追之必破從令縱
 敵非良將也遂上馬令軍中後出者斬一日一夜與
 虜相及擊大破之斬首獲生以千數彰乃倍嘗科大
 賜將士將士無不悅喜時鮮卑大人軻比能將數萬
 騎觀望疆弱見彰力戰所向皆破乃請服北方悉平
 陳侯仁太祖從弟從太祖為別部司馬行厲鋒較尉
 太祖之破袁術仁所斬獲頗多從征徐州仁嘗督騎
 為軍前鋒別攻陶謙將呂繇破之還與大軍合彭城
 大破謙軍從攻費華即墨開陽謙遣別將救諸縣仁
 以騎擊破之太祖征呂布仁別攻句陽拔之生獲布
 將劉何太祖平黃巾迎天子都許仁數有功拜廣陽
 太守後太祖征張繡仁別徇旁縣率厲將士甚奮太
 祖壯之遂破繡太祖與袁紹久相持於官渡紹遣先
 遣徇諸縣太祖使仁將騎擊備王破走之盡復收諸
 叛縣而還紹遣別將韓荀欽斷西道仁擊荀於雞籠
 山大破之太祖討馬超以仁行安西將軍督諸將拒
 潼關破超渭南蘇伯田銀反以仁行驍騎將軍都督

七軍討銀等破之復以仁行征南將軍假節屯樊鎮
荊州侯音以寃叛畧傍縣衆數千人仁率諸軍攻破
音斬其首

高陵侯純初以議郎參司空軍事督虎豹騎從太祖
圍南皮純麾下騎斬袁譚及北征二郡純部騎獲單
于踰頓從征荊州追兜僇於長坂獲其二女輜重收
其散卒進降江陵

樂城侯洪太祖從弟太祖征徐州張邈舉兖州叛迎
呂布時大饑荒洪將兵在前先據東平范聚糧穀以
繼軍太祖討邈布於濮陽布破走遂據東河轉擊濟

陰山陽中牟陽武京密十餘縣皆拔之以前後功拜
鷹揚較尉遷揚武中郎將別征劉表別將於舞陰葉
堵陽博望有功遷厲鋒將軍

長平侯休太祖族子漢末從曹洪擊蜀將吳蘭於下
辯大破之文帝初以休爲鎮南將軍都督諸軍事孫
權遣將屯歷陽休到擊破之又別遣兵渡江燒賊蕪
湖營千家遷征東將軍領揚州刺史帝征孫權休爲
征東大將軍假黃鉞督張遼等及諸州郡二十餘軍
擊權大將呂範等於洞浦破之拜揚州牧明帝時吳
將審惠屯皖休擊破之斬惠首吳將韓綜翟丹等前

後率衆詣休降遷大司馬都督揚州如故

邵陵侯真太祖族子漢末太祖使將虎豹騎討靈丘賊拔之又以偏將軍擊蜀將於下辯破之又爲征蜀護軍督徐晃等破蜀將軍詳於陽平文帝卽位以真爲鎮西將軍假節都督雍梁諸軍事張進等反於涸泉真遣費耀討破之斬進等黃初三年爲上軍大將軍假節與夏侯尚等征吳擊牛渚屯破之明帝卽位遷大將軍蜀將諸葛亮圍祁山南安天水安定三郡應亮帝遣真督諸軍軍郿遣張郃擊亮將馬謖破之安定民楊條等畧吏民保月氏城真進擊之條謂其

衆曰大將軍自來吾願早降耳遂自縛出三郡皆平吳奮威將軍瑜堅弟靜之子漢建安九年爲丹陽太守與周瑜等共討麻保二屯破之後屯溧陽徙屯牛渚瑜以永安人饒助爲襄安長無錫人顏連爲居巢長使招納廬江二郡各得降附瑜弟皎漢建安中爲護軍較尉領衆二千餘人是時曹公數出濡須皎每赴拒號爲精銳後與呂蒙襲南郡皎爲後繼禽鬪羽定荊州皎有力焉

皎弟沙羨侯奐建安末代皎統其衆領江夏太守黃武五年大帝攻石陽奐以地主使所部將軍鮮于丹

帥五千人先繼淮道自帥吳碩孫梁五千人爲軍前鋒降高城得三將拜揚威將軍

輔堅之兄子以揚武較尉佐長沙桓王策平三郡策討丹陽七縣使輔西屯歷陽以拒袁術并招誘餘民鳩合遺散又從策討陵陽生得祖郎策西襲廬江太守劉勲輔隨從身先士卒有功策以輔爲廬陵太守桓堅族子河之子年二十五拜安東中郎將與陸遜共拒魏寇先主軍衆甚盛彌山盈谷桓投刀奮命與遜戮力備至敗走桓斬上兜道截其徑要先主踰山越險僅乃得免備主恚歎曰吾昔初至京城桓尚小

兒而今迫孤乃至此桓以功拜建武將軍封丹徒侯晉琅邪王佃泰始中爲鎮東大將軍平吳之役率衆數萬出涂中孫皓奉箋送璽綬詣佃請降詔曰琅邪王佃督率所統連據涂中使賊不得相救又使琅邪相劉弘等進軍逼江賊震懼遣使奉僞璽綬又使長史王嘗率諸軍渡江破賊邊守獲督蔡機斬首降附五六萬計諸葛靚孫奕等皆歸命請死功勲茂著其封子二人爲亭侯各三千戶賜絹六十疋

汝陰王駿爲鎮西將軍都督雍涼等州咸寧初羗虜樹機能等叛駿遣衆討之斬三千餘級進位征西大

將軍又詔駿遣七千人伐涼州守兵樹機能侯彈勃等欲先劫佃兵駿命平虜護軍文倣督涼秦雍諸軍各進屯以威之機能乃遣所領二十部及彈勃面縛軍門各遣人質子安北地金城諸胡吉軻羅侯金多及北虜熱罔等二萬口又來降

淮陵王漼初封廣陵公爲散騎嘗侍趙王倫之篡也三王起義漼與左衛將軍王輿攻殺孫秀因而廢倫以功進封爲王

東海王越懷帝永嘉三年九月丙寅劉聰圍俊義遣平北將軍曹武討之丁丑王師敗績越入保京城聰至西明門越禦之戰於宣陽門外大破之

南頓王宗初封南頓公討劉喬有功進封王增邑五千并前萬戶

譙王尚之初爲會稽王道子驃騎諮議與弟兄之並居列職交州刺史王恭忌其盛也與豫州刺史庾楷並稱兵以討尚之爲名南遣荊州刺史殷仲堪南郡公桓玄等道子命前將軍王珣右將軍謝琰討恭尚之距楷兄之與楷子鴻戰於當利鴻走斬楷將段方楷單馬奔桓玄道子以尚之爲建威將軍豫州刺史假節一依楷故事

宋良沙景王道憐晉末爲建威將軍南彭城內史時北青州刺史劉該反引魏人爲援清河陽平二郡太守孫全聚衆應之義熙元年後魏遣豫州刺史索度真大將軍斛蘭寇徐州攻相縣執鉅鹿太守賀申進圍寧朔將軍羊穆之於彭城穆之告急道憐率衆救之軍次陵柵斬全進至彭城真蘭退走道憐率龍驤將軍孔隆及穆之等追真蘭走奔相城又追躡至光水溝斬劉該魏衆見殺乃赴水死畧盡以破索度真功封新淦縣男食邑五百戶從高祖征廣固嘗爲軍鋒及城陷慕容超將親兵突圍走道憐所部獲之以廣固功改封竟陵縣公食邑千戶

臨川武烈王道規高祖少弟少儻有大志高祖奇之與謀桓玄時桓弘鎮廣陵以爲征虜中兵參軍高祖尅京城道規以其日與劉毅孟昶共斬弘收衆濟江進平京邑玄敗走晉大將軍武陵王遵承制以道規爲振武將軍義昌太守與劉毅何無忌追桓玄遇玄於崢嶸洲大敗玄軍玄與郭鈴單舸走江陵不復能守欲入蜀爲馮遷所斬義軍遇風不進桓謙桓振復據江陵毅留巴陵道規與無忌俱進攻桓謙於馬頭桓蔚於寵州皆破之復進軍夏口爲鎮軍將軍馮

該戍夏口東岸揚武將軍孟山圖據魯城輔國將軍桓仙客守偃月壘於是毅攻魯城道規無忌攻偃月並克之生禽仙客山圖其夕該遁走進平巴陵道規留夏口進號輔國將軍督淮北諸軍事并州刺史義昌太守如時荊州湘江豫猶多桓氏餘燼往往屯結復以本官進督江州之武昌荊州之江夏隨郡義陽綏安豫州之西陽汝南潁川新蔡九郡諸軍事隨宜翦撲皆悉平之

竟陵王誕爲揚州刺史孝武帝孝建初南郡王義宣舉兵反有荊州江交豫四州之力勢震天下孝武卽位日淺朝野大懼帝加誕節仗士五千人出入六門上流平定之力也

始安王休仁明帝卽位爲揚州刺史會諸方逆命休仁都督征討諸軍事增班劍三十人出據虎檻進據赭圻尋領太子太傅總統諸軍隨宜應接泰始二年拜司徒休仁率衆軍大破賊斬僞尚書僕射袁覲進討江郢荆雍湘五州平定之

巴陵王休若泰始二年爲鎮軍將軍時方反叛休若進號衛將軍雍州刺史率諸軍破賊於吳興會稽平定三郡同迹皆伏誅三年薛安都子伯令畧據雍州

晉熙王燮廢帝元徽二年爲征虜將軍郢州刺史時
江州刺史桂陽王休範反燮遣中兵參軍馮景祖襲
尋陽休範中兵參軍毛惠等居守關門降燮進號安
西將軍督江州諸軍事

南齊豫章文獻王嶷宋建元元年爲都督揚州南徐
二州諸軍事驃騎大將軍二年春魏軍寇司豫州嶷
表遣南蠻司馬崔慧景北討又分遣中兵參軍蕭惠
朗援司州屯西關虜軍濟淮攻壽春分騎當出隋鄧
衆以爲憂嶷曰虜入春夏非動衆時令豫司強守邊
其津要彼見堅嚴自當潰散必不敢越二鎮而南也
是時纂嚴嶷以荊州隣接蠻蜚慮其生心令鎮內皆
綬服旣而魏軍竟不出樊鄧於壽春敗走尋給班劍
二十人

梁長沙王懿齊永明季授持節都督梁南北秦沙四
州諸軍事加冠軍將軍是歲魏人入漢中遂圍南鄭
懿隨機拒擊傷殺甚多乃解圍遁去懿又遣互帥楊
元秀攻魏歷城宰蘭駱大仇池等六戍尅之魏人震
懼邊境遂寧永元元年裴叔業據豫州反授持節征
虜將軍督豫州諸軍事討叔業叔業懼降於魏旣而

平西將軍崔慧景入寇京邑奉江夏王寶玄圍臺城齊室大亂詔徵懿懿時方食投箸而起率銳卒三千人援城慧景遣其子覺來拒懿奔擊大破之覺單騎走乘勝而進慧景衆潰追斬之遷尚書令都督征討水陸諸軍事持節將軍如故

懿子西昌侯藻天監元年爲持節都督益寧二州諸軍事冠軍將軍益州刺史時天下草創邊徼未安州民焦僧護聚數萬據郫樊作亂藻年未弱冠集僚佐議欲自擊之或陳不可藻大怒斬于階側乃乘平肩輿巡行賊壘賊聚弓亂射矢下如雨從者舉楯禦箭又命除之繇是人心大安賊乃夜遁藻命騎追之斬首數千級遂平之

始興忠武王憺齊末爲給事黃門侍郎巴東太守蕭慧訓子瓚及巴西太守魯休烈舉兵逼荊州屯軍上明鎮軍蕭頴胄暴疾卒西朝甚懼尚書僕射夏侯詳議徵兵雍州南平王偉遣憺赴之憺以書喻瓚等旬日皆請降

吳平侯景爲寧蠻校尉雍州刺史元志率衆七萬寇潯溝驅迫羣蠻悉渡水來降因命司馬朱思遠寧蠻長史曹義宗中兵參軍孟惠雋擊志於潯溝大破

之生禽志長史杜景斬首萬餘級流屍蓋漢水

南郡王大連太清元年為使持節輕車將軍東揚州

刺史三年會稽山賊田頌郡聚黨數萬來攻大連命

中兵參軍張彪擊斬之

陳遂興侯詳高祖疎屬也高祖東征杜龕詳別下安

吉原鄉故彰三縣龕平以功授散騎侍郎假節雄信

將軍青州刺史

後魏上谷公紇羅初從道武自獨孤如賀蘭部與弟

建勸賀蘭納推道武為主及道武即帝位以援立功

與建同日賜爵為公武陵侯因從道武平中原以功

封曲逆侯太武時改封

曲陽侯素延以小統從道武征討諸部初定并州為

刺史道武之驚於柏肆也

道武征慕容寶軍于鉅鹿之柏肆塢其夜寶悉眾犯

營帝驚而起并州守將封寶真為逆素延斬之

吉陽男比干以司衛監討白澗丁零有功

平陽王真樂高涼王孤平文孫也頗有戰功

樂城侯謂烈帝子與其子烏真俱隨道武征討屢有

戰功

新興公丕子雋邕並有軍功雋封新安縣男邕封涇

縣男

秦明王翰昭成子年十五便請征伐昭成壯之使領騎二千長統兵號令嚴信多有尅獲

翰子衛王儀登國初破諸部有謀戰功皇始二年十月遣儀將三萬騎攻慕容德於鄴天興元年正月慕容德走保滑臺儀克鄴收其倉庫詔賞將士各有差嘗山王遵道武初爲慕容寶所敗別率騎七萬邀其歸路繇是有參合之捷及平中山拜尚書左僕射加侍中領渤海之合口及博陵渤海羣盜起遵討平之陳留王虔登國初與衛王儀破黠弗部後衛辰慕容寶來寇虔絕其左翼寶敗

虔弟崇爲并州刺史從道武討蠕蠕別督諸軍出大澤越涿耶山威懾漠北

永昌王健所在征戰嘗有大功從太武破赫連昌遂西畧至木根上討和龍健別攻拔建德後平叛胡白龍餘黨於西海帝襲蠕蠕越涿耶山詔健殿後矢不虛發所中皆應弦而斃威震漠北又從征平原州健功居多又討破禿髮保周自殺傳首京師

淮南王佗太武之討胡白龍於西河屠其城佗別破餘黨斬首數千後與武昌王提率并州諸軍討吐京叛胡曹僕渾於河西平之拜使持節前鋒大將軍督

諸軍北討蠕蠕破之後劉義隆遣將寇邊佗從征於懸瓠破之拜使持節都督雍秦二州諸軍事鎮西大將軍

武昌王提太武時爲使持節鎮東大將軍平原鎮都大將軍臨淮王佗討平吐京叛胡遷車騎大將軍

提子平原襲封爵獻文時蠕蠕犯塞從駕擊之平原戰功居多爲鎮南大將軍齊州刺史孝文時妖賊司馬小君自稱晉後聚黨三千餘人屯聚平陵年號聖君攻破郡縣殺長史平原身自討擊殺七人擒小君送京師斬之又有妖人劉舉自稱天子扇惑百姓復討斬之

晉王伏羅爲車騎大將軍督高平涼州諸軍討吐谷渾慕利延吐谷渾慕利延軍至樂都遂間道行至大母橋慕利延衆驚奔白蘭慕利延子拾寅走阿曲斬首五千餘級降其一萬餘落

河間公齊從太武征赫連昌帝馬蹶賊逼帝齊以身蔽釋決死力戰賊乃退帝得上馬是日微齊帝幾至危殆帝以微服入其城齊固諫不許乃與數人從帝入城內旣覺諸門悉閉帝及齊等因入其宮中得婦人裙繫之樂上帝乘而上因此得拔於齊有力焉賜

爵浮陽侯從征和龍以功拜尚書進爵爲公後坐事
免官爵守將裴方明陷仇池太武復授齊前將軍與
建興公古弼討之遂尅仇池威振羗氏復賜爵河間
公與武都王楊保宗對鎮駱谷時保宗弟文德說開
險自有期矣秦州主簿邊固知之密告齊晨詣保宗
呼曰古弼至欲宣詔保宗出齊叱左右扶保宗上馬
馳驛送臺氏遂推文德爲主求援於宋宋遣將房亮
之符詔啖龍等率衆助文德齊擊斬殺龍擒亮之氏
遂平以功拜內都大官

臨淮王譚太武南討爲中軍大將軍初宋文帝以鄒
山險固乃積糧爲守禦之備譚率衆攻之獲米三十
萬以供軍儲宋人恃淮之阻素不設備造筏數十潛
軍而濟賊衆驚潰斬其將故崇及賊首萬級

陽平王新成長子願爲懷朔鎮大將都督三道諸軍
北討詔徵起京勗以戰伐之事對曰當仰仗廟筭使
呼韓同渭橋之禮帝曰壯哉王言朕所望也乃與陸
叡集諸將議軍途所詣於是中道出黑山東道趣士
盧河西道向侯延河軍過大磧大破蠕蠕願入朝詔
曰王之前言果不虛也

濟陰王新成小子麗爲宗正右衛將軍時秦州屠各

王法智推州主簿呂荀兒爲主號建明元年置立百官攻逼州郡涇州人陳瞻亦聚衆自稱王號聖明元年以麗爲使持節都督與楊椿討之荀兒率衆十餘萬屯孤山別據諸險圍逼州城麗出擊大破之便進軍永雒賊徒遂戰麗夜擊走之行秦州事李韶乘勝追掩荀兒遂率其衆三千餘人降麗

上黨王長孫觀獻文時以征西大將軍假司空督河西七鎮諸軍討吐谷渾部師拾寅遁藏焚其所居城邑而還孝文初拜殿中尚書侍郎吐谷渾又侵逼復假觀司空討除之

任城王雲獻文時蠕蠕犯塞雲爲中大都督從獻文討之遇於大磧及仇池氏反雲爲征西將軍討平之雲子澄爲征北大將軍孝文時蠕蠕犯塞加澄使持節督北諸軍事以討之蠕蠕遁走後爲楊州刺史時梁將張囂寇夷陵戍澄遣輔國將軍成興步騎赴討大破之復本陵囂遁走又遣長風戍主奇道顯攻梁陰山戍破之斬其戍主龍驤將軍都亭侯梅興祖仍引攻白橐戍又破之斬其寧朔將軍關內侯吳道爽澄表請南伐詔發二萬人馬千五百疋并壽陽先兵三萬委澄經畧乃遣統軍傅豎眼王神念等進次大

峴東開九山淮陵皆分部諸將倍據之總勒大衆駱驛相接而神念尅其開惡潁川二城斬梁軍主費尼而寧朔將軍韋惠龍驤將軍李伯繇乃固大峴澄遣統軍党法宗傅豎眼等進軍尅之遂圍白塔牽城數日之間便卽逃潰梁清溪戍望風散走梁徐州刺史司馬明素率衆三千欲援九山徐州長史潘伯憐規固淮陵寧朔將軍王燮負險焦城法宗旦進焦城破淮陵擒明素斬伯憐其濟陰太守王厚強廬江太守裴遂卽亦奔還詔曰將軍文德內昭武功外暢奮揚大畧將蕩江吳長旌始舒賊徒懾氣熊旅方馳東閩席卷想江湖弭波在旦夕耳所送首虜並已聞之

澄子嵩宣武時爲安南將軍揚州刺史梁湘州刺史楊公則率衆二萬屯軍籬口姜慶真領軍五千據於首陂又遣其左軍將軍騫小眼軍主何天祚張後典等率衆七千攻圍陸城嵩遣統軍封邁王會等步騎八千討之邁達陸城賊皆夜遁追擊破之斬獲數千公則慶真退還馬頭梁徐州刺史昌義之屯據高皇遣三軍潛寇陰陵以水淺竭不通船艦屯於馬頭梁將田道龍何景先等領卒三千已至衡山規寇陸城並克逼嵩遣兼統軍李叔仁等援合肥小硯楊石頰

戰破之梁虜將軍趙草頓於黃口嵩遣軍司趙熾等
往討之先遣統軍安伯醜潛師夜渡伏兵下蔡草率
卒四千逆來拒戰伯醜與下蔡戍主虎等前後夾擊
大敗之俘斬溺死四千餘人統軍李叔仁等夜襲碇
石之敗又破之梁將姜慶真專據肥汭冠軍將軍曹天寶
屯於雞口軍主尹明世屯東碇石嵩遣別將羊弘次
于淮西去賊營十里司馬趙熾率一萬爲表裏聲衆
軍會分擊賊之四壘四壘之賊戰敗奔走斬獲數千
溺死萬數統軍牛敬賓攻碇石明世宵遁慶真合餘
燼浮淮下下蔡戍主王畧截流擊之俘斬大半於是

威名大振

江陽王繼孝文時爲安北將軍留守雒京時高車酋
帥樹者擁部民反叛詔繼都督北討諸軍事繼推轡
斬讐首一人餘加慰諭於是叛徒歸順

北海王顥爲徐州刺史撫軍將軍免其後賊帥宿勤
明達叱于麒麟等寇亂幽華諸州乃復顥王爵以本
將軍使持節征西將軍都督華幽東秦諸軍事兼左
僕射西道行臺以討明達顥轉戰而前頻破賊衆解
幽華之圍以功增封八百戶進號征西將軍

彭城王勰從孝文征沔北爲使持節都督南征諸軍

事中軍大將軍開府時詔曰胡便交敵可勅將士肅爾軍儀總於時親勒大衆至明大破齊將崔慧景等車駕還京會百寮於宣極堂行飲至策勲之禮命舍人宣旨總翼弼六師纂戎荆楚沔北之勲每毗廟算從討新野有尅城之謀受命鄧城致大捷之効功爲羣將之最也別當授賞不替厥庸以破慧景等勲增邑五百戶宣武時爲司徒領揚州刺史揚州所統建安戍王朝景畧猶爲寶卷拒守不下總水陸討之景畧面縛出降自總之至壽春東定城戍至於陽石西降建安山蠻順命斬首獲生數以萬計進位大司馬領司徒增邑八百戶又寶卷遣將陳伯之屯於肥口胡松又據梁城水軍相繼二百餘里總部分將士分攻賊營伯之胡松率衆出戰諸將擊之斬首九千俘獲一萬伯之等僅以身免屯於烽火總又分命諸將頻戰伯之計窮宵遁淮南平詔曰王威尊上輔德勲莫二孤必昧識訓保攸憑此以壽春初開封疆任重故令王親董元戎遠撫淮外冒茲炎蒸衡蓋飄飄經畧踰時必有虧損淹違詔覲夙夜繫情制勝宣規威效兼著公私允稱義所欽嘉雖凱旋有期無申延屬可遣給事黃門侍郎鄭道昭就彼祇勞微總還朝

中山王英孝文南伐英爲梁漢別道都將後大駕臨
鍾離詔英率衆備寇境上英以未暇西救漢中有可
乘之會表求進討孝文許之師次沮水齊將蕭懿遣
將尹紹祖梁季羣等領衆二萬之微山立柵分爲數
處居高視下隔水爲營英謀曰彼帥賤民慢莫能相
服若選精卒并攻一營彼不相救我尅必矣若尅一
軍四營自拔於是簡兵三面騰上果不相救旣破一
處四面俱潰生擒梁季羣斬三千餘級俘七百人齊
白馬戍將其夜逃潰乘勝長驅漢川之民相率歸附
宣武卽位詔英持節假鎮南將軍都督征義陽諸軍
事率衆南討梁武司州刺史蔡道恭聞英將至遣其
驍騎將軍楊繇率城外民三千餘家於城西南十里
賢首山卽嶺爲三柵作表裏之勢英勒諸軍圍賢首
山焚其柵門楊繇驅水牛從營而出繼之以兵軍人
避牛師遂退下尋分兵圍守其下柵民任馬駒斬繇
以降民皆安堵梁平西將軍曹景宗後將軍王僧炳
等率步騎三萬來救義陽僧炳統衆二萬據鑿峴景
宗率一萬繼後英遣冠軍元逞楊烈將軍曹文敬進
據樊城抗之英部勒將士犄角討之大破僧炳軍俘
斬四千餘人英又於士雅山結壘與景宗相抗分遣

諸統伏於四山示之以弱梁將馬仙琕率萬餘來掩英營英命諸軍僞北誘之既至平地統軍傅永等三軍擊之梁軍便奔退進擊潰之斬首二千三百級斬其羽林監軍鄧終年仙琕又率一萬人重來決戰英勒諸將隨便分擊又破之後斬梁將陳秀之統軍王買奴別破東嶺之陣斬首五百道恭憂死驍騎將軍行州事蔡靈恩後馮窮城短兵日接景山仙琕知城將拔盡銳決戰一日三交皆大敗而返靈恩勢窘遂降三關戍聞之亦棄城而走梁又遣將寇肥梁詔英使持節加散騎嘗侍征南將軍都督楊徐二道諸軍

事率衆十萬討之所在皆以便宜從事英擊破陰陵斬梁將二十五人及虜首五十餘級及頻破賊軍於梁城斬其支將四十二人殺獲及溺死者將五萬梁中軍大將軍臨川王蕭宏尚書右僕射柳恢等大將五人公淮南走凡收米三十萬石英追至馬頭梁馬頭戍主委城遁走郢州治中督榮祖潛引梁軍以義陽應之三關之戍並據城降梁郢州刺史婁悅嬰城自守懸瓠城民白早生等殺豫州刺史司馬悅據城南叛梁將徐苟仁率衆守懸瓠悅子尚華陽公主立并爲所劫又詔英使持節都督南征諸軍事假征南

將軍出自汝南宣武以荆蠻頽破早生詔英南赴義陽英輒與荆蠻分兵攻懸瓠尅之乃引軍而進初荀仁之據懸瓠梁寧朔將軍張道凝等率衆據楚城聞英將至棄城南走英追擊斬道凝及梁虎賁中郎曹苦生盡俘其衆旣次義陽將取三關英策之曰三關相須如左右手若尅一關兩關不待攻而定攻難不如攻易東關易攻宜須先取卽黃石公所謂戰如風發如河決英恐其并力於東乃使長史李華率五統向西關分其兵勢身督諸軍向東關英至長薄梁將馬廣夜遁入於武陽英進師攻之梁遣其冠軍將軍彭瓮驃騎將軍徐超接武陽英乃緩軍日縱之使入此城吾先曾觀其形勢易攻耳吾取之如拾遺也諸軍未之信瓮等旣入武陽英促圍攻之六日而廣等降於是進擊黃峴梁太子左衛李元履棄城奔竄又討西關梁司州刺史馬仙琕亦卽退走果如英策凡擒獲其大將二十人卒七千米四十萬石軍資稱之安定王休爲外都大官時蠕蠕犯塞出爲使持節征北大將軍撫冥鎮大將休身先將士擊虜退之高陽王雍孫端爲鎮東將軍兖州刺史時梁將復寇徐兗圍逼州城端率文武拒守以功封安德縣開國

公食邑五百戶

章武王融宣帝時為驍騎將軍梁將寇逼淮陽梁城

陷沒詔融假節征虜將軍別將南討大摧賊衆還梁

城

安豐王猛子延明孝明時為尚書右僕射及元法僧

反詔為東道行臺徐州大都督節度諸軍事與都督

臨淮王彧尚書李憲等討法僧梁遣其豫章王綜鎮

徐州延明先收徐方甚得人譽招懷舊土遠近歸之

綜既降延明因以軍乘之復東南之境至宿豫而還

冊府元龜

冊府元龜卷第二百九十

宗室部二十

立功

古人有言曰太上立德其次立功功也者輔世排難戡濟生民之謂也矧乃挺生公族內懷毅勇練達戎志激叩忠力以奉辭伐罪殲亂逆之黨乘時奮庸參締構之業其或攘却戎虜保完城堞稜威震於鄰敵勲伐申於翊戴斯所以彰夾輔之美著維屏之績蓋周之並建賢戚漢之大封子弟風聲攸著載祀彌久其於保邦固本之義豈不韙哉魏晉而下筆牘所紀皆可觀也周公旦武王弟武王十一年伐紂周公佐武王破殷人商宮已殺紂周公把天鉞召公把小鉞以夾武王鬯社告紂之罪于天及殷民其後成王少周公恐天下畔周乃踐阼代成王攝行政當國管蔡武庚等率淮夷而叛周公乃奉成王命興師來伐遂誅管叔武庚放蔡叔收殷餘民以封康叔放衛封微子於宋以

奉躬祀寧淮夷東土二年而畢定諸侯咸服

郇侯文王之子為州伯有治諸侯之功故下泉詩云四國有王

郇伯勞之五調管侯朝也有漢荆王賈高帝從父兄高帝初為漢王元年還定三秦賈為將

軍定塞地之詞馬欣從東擊項籍漢王敗成臯北度可得張耳韓

信軍軍脩武深溝高壘使賈將二萬人騎數百擊楚度白馬津

入楚地燒其積聚倉廩屬以破其業無以給項王軍食已而楚

兵擊之賈輒避不肯與戰而與彭越相保以保謂依時漢王追項

籍至固陵使賈南度淮圍壽春還至使人間招楚大司馬周勃

間謂私求周勃反楚佐賈舉九江迎英布兵皆會陔下誅項

籍漢王因使賈將九江兵與太尉盧縮西南擊臨江王共尉敖

之子尉死以臨江為南郡也燕王澤高祖從祖昆弟高祖十一年以將軍擊陳豨將王黃封

為營陵侯

楚光王交高祖同父少弟高祖初為沛公景駒自立為楚王交

與蕭曹等俱從高祖見景駒遇項梁共立楚懷王因西攻南入

武關與秦戰於吐田至霸上封交為文信君從入蜀漢還定三

秦誅項籍城陽景王章齊悼惠王肥次子高后封為朱虛侯文帝在代時

趙王呂祿為上將軍呂王產為桐國皆居長安中聚兵以威大

臣欲為亂章以呂祿女為婦知其謀乃使人陰出告其兄齊王

欲令發兵西誅章與弟東牟侯興居欲從中與大臣為內應

以誅諸呂祿產欲作亂章與太尉敖丞相平弄誅之章首先斬

呂產太尉敖等乃盡誅諸呂而迎立文帝

章弟濟北王興居呂后封為東牟侯與章俱入宿衛與大臣共

立文帝於代邸曰誅呂氏臣無功請與太僕滕公俱入清宮

顯顯也遂將少帝出迎皇帝入宮

梁孝王武文帝子景帝時吳楚齊趙七國反先擊梁棘辟地殺

數萬人梁王城守睢陽睢陽城而使韓安國張羽等為將軍以距吳楚吳楚以梁為限不敢過而西與太尉亞夫等相距吳楚破而梁所殺虜略與漢中分梁所與漢同江都易王非景帝子初封汝南王吳楚反時非年十五有材氣上書自請擊吳景帝賜非將軍印擊吳吳已破徙王江都治故吳國治胃都所

居以軍功賜天子旗

後漢城陽恭王祉光武族兄春陵康侯敞之子光武起兵祉兄弟相率從軍更始立以祉為太常將軍紹封春陵侯從西入關封為定陶王別將擊破劉嬰於臨涇及更始降於赤眉祉乃聞行亡奔洛陽是時宗室唯必先至光武見之甚歡封為城陽王

順陽懷侯嘉光武族兄義兵起嘉隨更始征伐為偏將軍及攻破宛封興德侯遷大將軍擊延岑於冠軍降之始都長安封漢中王安成侯賜光武族兄自伯升起兵賜乃隨從攻擊諸縣更始既